

中國邊疆史志集成

內蒙古史志

02

全國圖書館聯合會北京館藏



蘇子瞻  
題  
P26

中國邊疆史志集成

內蒙古史志  
62

全國圖書館文獻  
縮微復制中心

人赴隆興府王質謂其...  
各乘傳赴開平夏四月...  
屬縣雨雹害稼五月癸未...  
平其車牛之費並從官給...  
達魯花赤兀良吉爲上都...  
上都路總管兼開平府尹...  
月禁野狐嶺行營民毋入...  
八月陞宣德州爲宣德府...  
初置隆興

路驛本紀

世祖至元元年春正月敕隆興總管府和糴以備糧餉

二月癸酉車駕幸上都諸路總管史權等二十三人

赴上都大朝會秋九月禁上都畿內捕獵本紀

二年夏五月勅上都商稅酒醋諸課毋徵其權鹽仍舊

諸人自願徙居永業者復其家本紀

三年秋七月詔上都路總管府遇車駕巡幸行留守司

事車駕還卽復舊冬十二月建大安閣于上都同上

四年春二月析上都隆興府自爲一路行總管府事夏

四月敕上都重建孔子廟同上

六年春二月罷宣德府稅課所以上都轉運司兼領本紀

七年夏五月尙書省臣言上都地里遙遠商旅往來不

易請特免收稅課以紓之惟市易莊宅奴婢孳畜例

收契本工墨之費從之秋八月己巳賑應昌府辛巳

設應昌府官吏本紀

八年夏六月上都蝗

十年夏四月免隆興路權稅同上

十一年夏六月免上都隆興兩路簽軍同上

十四年春正月括上都隆興北京西京四路獵戶二千

為兵夏五月以平宋遣官告天地祖宗於上都之近

郊本紀

十五年秋七月復上都守城軍二千人為民本紀

十六年春二月太史令王恂等請上都洛陽等五處分

置儀表各選監候官從之夏四月以上都軍四千衛

都城凡他所來戍者皆遣歸

本紀

十七年夏六月罷上都與魯官以留守司兼管與魯事

本紀

十八年春二月立上都留守司秋七月以松州知州僕

散秃哥前後射虎萬計賜號萬虎將軍九月賑上都

饑民冬十月以元良合帶言上都南四站人畜困乏

賜鈔給之十一月昌州及蓋里泊民饑給鈔賑之

本紀

十九年春二月改上都宣課提領為宣課提舉司秋九

月發鈔三萬錠於隆興德興府宣德州和糴九萬石

冬十一月上都建利川庫

本紀

二十年春正月罷上都回易庫夏五月減隆興府昌州

蓋里泊管鹽官吏九十九人以其事隸隆興府秋七

月敕上都商稅六十分取一冬十二月給鈔四萬錠

和糴于上都

本紀

二十一年春正月立上都等路羣牧都轉運使司三月

詔依舊制凡鹽一引四百斤價銀十兩以折今鈔爲

二十貫商上都者六十而稅一增契本爲三錢立上

都規措所回易庫增壞鈔工墨費每貫二分爲三分



夏五月減上都商稅冬十月以鈔五千錠和糴于應

昌府

本紀

二十三年春正月發鈔五千錠糴糧于沙靜隆興

本紀

二十四年

月隆興路風雹害稼

本紀

二十五年春四月桑哥言自至元丙子置應昌和糴所

其間必多盜詐宜加鉤考從之夏五月罷興州採蜜

提舉司營上都城內倉禁上都桓州應昌隆興酒秋

七月遣必闍赤以鈔五千錠往應昌和糴軍儲冬十

二月命上都募人運米萬石赴和林應昌府運米三

萬石給宏吉刺軍

本紀

二十六年秋七月海都兵犯邊帝親征獲禽萬  
人赴上都冬十一月桓州等驛飢以鈔賑之本紀

二十七年春二月興州興安縣飢給九十日糧夏四月  
以鈔二千五百錠賑昌平至上都站戶貧乏者冬十

月增上都留守司副留守判官各一員十一月興松

二州隕霜殺禾隆興路隕霜殺稼免其租隆興苦鹽

澗等驛飢發鈔七千錠賑之是歲上坐靜於茶罕腦

兒桓州南屏庵雙泉等所本紀

二十八年春正月以上都民仰食于官者衆詔備民運  
米十萬石致上都官價石四十兩命留守木八刺沙

總其事二月上都太原飢免至元十二年至二十六年民間所逋田租三萬八千五百餘口以上都虎賁士二千屯田官給牛具農器用鈔二萬錠夏五月賑

上都桓州等站飢民

本紀

二十九年春二月興州之興安宜興兩縣飢賑米五千石桓州至赤城站戶告饑給鈔計口賑之三月中書省臣言上都隆興等路供億視他路爲甚宜免今歲公賦從之威寧昌等州民飢給鈔二千錠賑之夏六月陞上都兵馬司爲四品如大都冬十月弛上都酒禁十一月樞密院奏木八刺上都屯田二年有成擬

增軍人從之本紀

三十年春二月詔上都管倉庫者無資品俸秩故爲盜詐宜於六品七品內委用以俸給之益上都屯田軍千人給農具牛價鈔五千錠以本八刺沙董之夏五月中書省臣言上都工匠二千九百九十戶歲糜官糧萬五千二百餘石宜擇其不切於用者俾就食大都從之

世祖本紀

至元十六年春三月用右丞盧世榮等言罷上都醋課其酒課亦改權酤之制元史食貨志

至元二十八年除免上都隆興絲銀二十九年免上都

隆興路包銀俸鈔

食貨志

至元十四年詔上都隆興西京北京四路編民捕獵等  
戶僉選丁壯軍二千人防守上都中書省議從各路  
答配二十五戶內取軍一名選善騎射者充官給行  
資中統鈔一錠仍自備鞍馬衣裝器仗編立牌甲差  
官部領前來赴役

元史  
兵志

察罕從太祖略雲中桑乾金將定薛擁重兵守野狐嶺  
帝遣察罕覘虛實還言彼馬足輕動不足畏也帝命  
鼓行而前遂破其軍

元史  
察罕傳

速不台事太祖爲百戶攻金桓州先登拔其城帝賜金

帛一車

元史列傳

鎮海怯烈台人從太祖謀定漠地師次隆興與金將忽察虎戰矢中臆間裏創而出者復數四軍聲爲之大

振

元史鎮海傳

王伯勝霸州文安人爲拱衛指揮使至元五年扈從上都天久雨夜聞城西有聲如戰整然伯勝率衛士百人出視之乃大水暴至立具畚鍤集土石擅罽以塞門分決壕隍以泄其勢至旦始定而民弗知丞相完

澤以聞世祖嘉之

元史本傳

謝仲溫字君玉豐州人初見世祖于野狐嶺命備宿衛

凡所行幸必在左右城上都命仲温爲工部提領董

其役元史本傳

至元中擢王利用爲翰林侍制兼興文署奉旨程試上

都隆興等路儒士元史王利用傳

至元十四年冬權忠顯校尉千戶蔡珍扈駕駐黑城遣

兵士儲芻藁築土室軍府賴其用道遇凍者必扶入

密室温煦之軍糧必爲樽節不使頓絕以致飢困元史

蔡珍傳

至元十四年親軍副都指揮張立以步卒千人轉粟赴

和林道由惠昌合道帥畔換謀不軌以射士三千踵

後欲乘間奪其資糧立覺有異急命環車爲柵以備之賊衆合矢如雨下初立之發上都每車載二板以備不虞至是建板于車矢不能入騎卒稍前以戈撞之強弩繼發賊不得近相持連日乃解去

元史張立傳

初世祖命秉忠相地於桓州東灤水北建城郭于龍岡

三年而畢名之曰開平繼升爲上都

元史劉秉忠傳

至元十四年只兒瓦台叛圍應昌府時皇女魯國公主

在圍中中衛親軍總管移刺元臣以所部軍馳擊瓦

台敗走追至魚兒泊擒之遂留鎮應昌

元史移刺元臣傳

至元十五年秋九月詔發東京北京軍四百人往戍應



昌府其應昌舊戍士卒悉令散歸

元史兵志

至元十六年夏四月定上都戍卒用本路元籍軍士國

制郡邑鎮戍士卒皆更相易置故每歲以他郡兵戍

上都軍士罷于轉輸至是以上都民充軍者四千人

每歲令備鎮戍罷他郡戍兵

同上

至元十七年秋七月以隆興西京軍士代上都戍卒還

西川先是上都屯戍士卒其奧魯皆在西川而戍西

川者多隆興西京軍士每歲轉輸不勝勞費至是更

之

同上

至元二十七年命大都侍衛軍內復起一萬人赴上都

以備團宿

元史兵志宿衛

至元二十八年有言灤河自永平挽舟踰山而上可至

開平有言盧溝自麻峪可至尋麻林朝廷遣守敬相

視灤河既不可行盧溝舟亦不通乃罷

元史郭守敬傳

至元二十八年設大都至上都站官二員司吏三名祇

應頭目攢典各一名站戶及百者設百戶一名

元史兵志

赤站

世祖至元二十九年十一月命各萬戶府摘大同隆興

太原平陽等處軍人四千名于燕只哥赤斤地面及

紅城周圍置立屯田開耕荒田二千頃仍命西京宣

慰司領其事

東志  
地田

成宗至元三十一年夏四月帝自北邊至上都左右部  
諸王畢會先是御史中丞崔彧得玉璽于故臣之家  
其文曰受命于天既壽永昌上之徽仁裕聖皇后至  
是手授於帝甲午卽皇帝位受諸王宗親文武百官

朝于大安閣

元史成  
宗本紀

五月始開醮祠於壽寧宮祭太陽太陰火土等星于司

天臺

同上

元貞元年夏七月隆興路雹秋九月給桓州甲匠糧千

石

成宗  
本紀

元貞二年夏六月隆興雨雹秋八月隆興路隕霜殺禾

本紀

成宗即位詔上都大都諸路府州縣邑廟學書院置贍

學士地及貢士莊以供春秋二丁朔望祭祀修完廟

宇

元史祭祀志

元貞元年初命郡縣通祀三皇如宣聖釋奠禮

同上

二年春正月詔蠲兩都站戶和雇和市夏五月免兩都

徭役詔諸王駙馬及有分地功臣戶居上都大都隆

興者與民均納供需秋七月以虎賁三百人戍應昌

同上

成宗大德元年春二月以改元免上都大都隆興差稅  
三年夏四月以米二千石賑應昌府五月隆興路水  
六月令各部宿衛士輸上都隆興糧各萬五千石于  
北地秋七月免上都酒課三年冬十月減上都商稅  
歲額爲三千錠十一月徙大同路軍儲所於紅城十  
二月免上都至大都并宣德等十三站戶和雇和買

本紀

三年秋八月隆興雨雹

本紀

四年夏四月免上都隆興今年絲銀五月隆興雹冬十  
一月詔頒寬令免上都大都隆興大德五年絲銀稅

糧本紀

五年秋七月賜上都諸匠等鈔二十一萬七千四百錠

八月灤河溢本紀

六年春正月以大都平灤等路去年被水其軍應赴上

都駐夏者免其調遣一年夏四月上都大水民飢減

價糶糧萬石賑之六月隆興大雨雹害稼本紀

大德六年申明稅糧條例復定上都輸納之期初限次

年五月中限六月末限七月元史食貨志

上都隆興等路絲料科差十戶十斤者每戶輸一斤限

八月輸納上

七年春三月賑李陵臺等五站戶鈔一千四百餘錠夏

五月開上都大都酒禁其所隸兩都州縣嘗告饑者

仍悉禁之濬上都灤河閏五月詔上都路應昌府等

處依內郡禁酒

本紀

八年春正月以災異故免隆興上都等路被災人戶差

稅二年夏四月分教國子生於上都五月隆興路屬

縣風雹害稼

本紀

九年春二月免上都隆興差稅夏四月給大都至上都

十二驛鈔一萬一千二百錠六月桓州雨雹

本紀

成宗即位禿堅不花為尙食局提點同會官都使諸

侯王會于上京凡芻餼宴享之節賜予多寡疏戚之

分無一不當其意

元史禿堅不花傳

武宗大德十一年夏五月卽位于上都受諸王文武百官朝于大安閣詔免上都大都隆興差稅三年六月建行宮于旺兀察都之地立宮闕爲中都樞密院請以軍二千五百人繕治上都鷹坊及諸官廨有旨自今非奉旨軍勿輒役冬十二月大都上都二驛設敕

授官二員

武宗本紀

武宗至大元年春二月上都衛軍三千人赴旺兀察都行宮工役夏六月禁鷹坊於大同隆興等處縱獵



擾民旺兀察都行宮成立中都留守司兼開寧路都  
 總管府秋八月以中都行宮成賞官吏有勞者工部  
 尚書黑馬而下並陞二等賜軍人金二百兩銀八百  
 兩死于木石及病沒者給鈔有差戊申立中都萬億  
 司九月立中都虎賁司冬十月中書省臣言國用不  
 給請沙汰宣徽太府利用等院籍定應給人數其在  
 上都行省者委官裁省從之詔開寧路工役供億浩  
 繁其賦役除前詔已免三年外更免一年十二月  
 中都立開寧縣降隆興為源州以大同路隸中都留守

司本  
 紀

二年春二月弛中都酒禁三月摘五衛軍五十人隸中都虎賁司夏四月詔創中都皇城角樓中書省臣言今農事正殷蝗蝻徧野百姓艱難乞依前旨罷其役帝曰皇城若無角樓何以壯觀先畢其功餘者緩之六月源州雨雹秋九月以盜多徙上都中都大都舊盜於水達達亦刺思等地耕種

本紀

三年夏六月立上都中都等處銀冶提舉司秋七月中都立光祿寺九月立宣慰司都元帥府於察罕腦兒之地上都民飢敕遣刑部尙書撒都丁發粟萬石下其價賑糶之冬十月以皇太后受尊號免大都上都

中都至大三年秋稅十一月尙書省言上都中都銀  
冶提舉司達魯花赤亦別魯都思言復得新礦銀當  
增辦乞加授嘉議大夫從之十二月敕城中都以牛  
車運土令各部衛士助之限以來歲四月十五日畢  
集失期者罪其部長自願以車牛輸運者別賞之

武宗

本紀

至大初武宗幸涼亭將御舟越王秃剌前止之帝曰爾  
何如朕欲登舟秃剌曰人有常言一箭中麋母曰自  
能百兔未得未可遽止此蓋國俗儕輩相靳之語而  
秃剌言之帝由是銜焉

元史秃剌傳

仁宗至大四年春正月罷中都城工夏四月復置隆興

路總管府罷中都留守司六月省上都兵馬指揮爲

五員秋七月賜上都宿衛士貧乏者鈔十三萬九千

錠閏七月上都立通政院領蒙古諸驛冬十二月復

以陝西屯田軍三千隸紅城萬戶府

仁宗本紀

仁宗皇慶元年夏四月置察罕腦兒捕盜司秩從七品

五月給上都灤陽驛馬三百疋秋七月徙中都內帑

金銀器歸太府監冬十月改隆興路爲興和路賜銀

印本紀

二年春正月以察罕腦兒等處宣慰使伯忽爲御史大

夫夏六月上都民飢出米五千石減價賑糶冬十月

敕漢人南人高麗人宿衛分司上都勿給弓矢

本紀

仁宗延祐元年春正月免上都大都差稅二年二月詔

免蒙古地差稅二年商賈勿免閏三月遣人視大都

至上都駐蹕之地有侵民田者計畝給直夏六月

書敕諸王戚里入覲者宜趁夏時芻牧至上都毋

入京師有事則遣使奏稟

本紀

二年夏六月察罕腦兒諸驛乏食給糧賑之秋七月增

興和路治中一員雲需總管府增同知二員

本紀

三年冬十一月增集寧砂井淨州路同知府判提控案

失等謀逆殺丞相拜住帝崩於行幄

本紀

至治末同僉樞密院事集賢學士相嘉失禮省先坐于

白只刺山聞有變赴上都或勸之少避曰我與國休

戚今有難可避乎至上都果見囚久之得釋

元史相嘉失禮

傳

泰定帝至治三年十一月車駕次于中都修佛事于昆

剛殿十二月改明年為泰定元年免上都與和差稅

三年

元史泰定帝本紀

泰定元年夏五月赦上都囚咎罪以下者六月作禮拜

寺于上都秋七月崇星于上都司天臺九月以宣德

府復隸上都留守司冬十一月作歇山鹿頂樓于上都大都上都興和等路十三驛飢賑鈔八千五百錠十二月察罕腦兒千戶部饑賑糧一月

二年春二月庚寅熒惑辰星填星聚于畢秋八月修上都香殿冬十一月丞相旭邁傑以歲飢請罷皇后上都營繕從之

三年夏五月修上都復仁門秋九月增置上都留守司判官一員兼推官弛上都興和酒禁冬十一月徙上都清寧殿于伯亦兒行宮

本紀

四年春二月以尙供總管府及雲需總管府隸上都留守

守司三月命親王八刺失思出鎮察罕腦兒秋七月

雲州黑河水溢

本紀

明宗致和元年七月泰定帝崩于上都倒刺沙專權自立立泰定帝子爲皇帝乃遣兵分道犯大都留守燕帖木兒等帥師以戰屢敗之上都兵皆潰十月齊王月魯木帖兒等以兵圍上都倒刺沙乃奉皇帝寶出

降兩京道路始通

元史明宗本紀

文宗天歷元年冬十月覈上都倉庫錢穀詔上都官吏自八月二十一日以後擢用並追收其制敕十一月復立察罕腦兒宣慰司監察御史言戶部鈔法歲會



其數易故以新期於流通不出其數邇者倒刺沙以  
上都經費不足命有司刻板印鈔今事既定宜急收  
毀從之以阿魯灰木帖兒等在上都欲舉義不克並  
賜贈謚卹其家十二月開上都酒禁

文宗本紀

二年春正月命察罕腦兒宣慰使撒忒迷失將本部蒙  
古軍會鎮西王等討四川二月上都雲需兩府告饑  
賑糧一月夏四月興和民飢賑以鈔糧五月上都迭  
只諸位宿衛士及開平縣民被兵者並賑以糧六月  
庚戌帝北迎明宗皇帝次于上都之六十里店秋七  
月丁巳次上都之三十里店八月庚寅明宗崩己亥

帝復卽位于上都之大安閣十二月賊上都留守司  
八刺哈赤二千二百餘戶燭刺赤八百餘戶糧三月

鈔有差

本紀

文宗至順元年二月察罕腦兒宣慰司所部千戶察刺  
等衛饑人給鈔一錠夏六月蒙古百姓以饑乏至上  
都者閏口數給以行糧俾各還所部秋閏七月衛士  
上都駐冬者所給糧以三分爲率二分給鈔大駕將  
還敕上都兵馬司官二員率兵士由偏嶺至明安巡  
邏以防盜賊賜察罕腦兒并東西涼亭諸衛士九百  
五十八人賜鈔五錠糧二月八月紅城忠翊衛左右

屯田墾霜殺稼冬十月樞密院臣言每歲大駕幸上都發各衛軍士千五百人扈從又發諸衛漢軍萬五千人駐山後蒙軍三千人以守關梁乞如舊數調遣以俟來年從之十一月賑上都灤河駐冬各官分怯憐口萬五千七百戶糧二萬石

本紀

二年春三月賜上都死事者不顏帖木兒等十一家鈔各百錠發興和倉粟賑寶昌飢民夏四月以將幸上都命西僧作佛事於乘輿次舍之所賑灤陽桓州李陵臺昔寶赤失兒禿五驛鈔各二百錠桓州民以所種麥獻賜幣帛二疋慰遣之秋八月賜上都孔子廟

碑九月發粟五千石賑興和路鷹坊賑興和寶昌州  
饑民米二千石十一月興和路鷹坊及蒙古民萬一

千一百餘戶大雪畜牧凍死賑米五千石

本紀

三年春正月詔上都留守司為燕鐵木兒建居第秋七  
月賜護守上都宮殿衛卒人鈔各二十五錠

寧宗至順三年冬十月以即位免上都大都興和三路

差稅三年

寧宗本紀

順帝元統元年冬十月詔以察罕腦兒宣慰司人民止

令應當徽政院差發

元史順帝本紀

二年春二月甲子塞北東涼亭雹民饑詔上都留守發

倉廩賑之三月上都灤河溢中書省臣言與和路起  
建佛事一路所費爲鈔萬三千五百三十餘錠請依

上都大都例給饘僧錢節其冗費從之

本紀

順帝至元元年秋七月立脫脫禾孫于察罕騰兒之地

順帝

本紀

三年夏五月以興州松州民饑禁上都興和造酒

本紀

四年夏四月己卯車駕時巡上都癸巳薄暮至八里塘

雨雹大如拳其狀有小兒環珙獅象龜卵之形

本紀

五年春正月桓州雲需府饑賑鈔各有差開平縣饑賑

米兩月興和寶昌等饑賑鈔萬五千錠夏四月革興

州與安縣秋七月開上都興和酒禁

本紀

六年春正月察罕騰兒馬災以鈔賑之

本紀

至正二年秋七月立司獄於上都比大都兵馬司八月

罷上都事產提舉司

本紀

至正三年夏四月上都桑果皆生黃色龍紋

本紀

八年夏六月立司天臺于上都

本紀

十二年春三月命工部尚書朶來等分詣上都察罕騰

兒集寧等處給散出征河南達達軍口糧

本紀

十四年夏四月復立應昌全寧二路

先是有詔罷之以廢屬魯王馬其沙

王中府等是有司以爲不便復之

秋七月詔免大都興和三路今年

稅糧上

十五年春正月復設仁虞雲雷尙供三總管府閏月上

都路機詔嚴酒禁本紀

十八年秋九月紅巾關先生掠大同與和塞外諸郡冬

十二月關先生破頭潘等陷上都焚宮闕本紀

十九年秋七月詔以察罕孺兒宜慰司之地屬資正院

有司毋得差占是歲以後因上都宮闕盡廢大駕不

復時巡本紀

二十年秋九月賊復犯上都右丞忙哥帖木兒引兵擊

之敗績本紀

二十二年夏五月中書參知政事陳祖仁上章乞罷修

上都宮闕本紀○陳祖仁傳二十年夏帝欲修上都宮闕工役大興祖仁上疏帝嘉納之

二十三年春三月開先生餘黨復自高麗還寇上都孛

羅帖木兒擊降之本紀

二十八年秋八月明兵入京城帝北奔駐于應昌府後

二年五月明兵襲破應昌府順帝本紀

遼東賊起行省左丞相也速慮賊窺上都即調右丞忽

林台提兵護上都簡精銳自躡賊後賊果寇上都忽

林台擊破之元史也速傳

崔敬字伯恭惠州人順帝至元六年拜監察御史上疏



諫天子幸上都宜御內殿略曰世祖以上都爲清暑之地車駕行幸歲以爲常閣有大安殿有鴻禧睿思所以保養聖躬適起居之宜存畏敬之心也今失刺斡耳朶思乃先皇所以備宴游非常時臨御之所今陛下方以孝治天下屢降德音祇行宗廟親祀之禮雖動植無知罔不歡悅而國家多故天道變更臣備員風紀以言爲職願大駕還大內居深宮嚴宿衛與宰臣謀治道萬幾之暇則命經筵進講究古今盛衰之由緝熙聖學乃宗社之福也

元史本傳

北三廳志卷之十

世紀中

明

太祖洪武二年夏六月常遇春等克開平初上命遇春  
自鳳翔赴北平征遼北餘寇以平章李文忠輔之率  
步卒八萬騎士一萬自北平往取開平道三河經鹿  
兒嶺過惠州敗元將江文清兵於錦川得士馬以千  
計次全寧故元丞相也速以兵迎戰又敗之進攻大  
興州分兵千餘爲八屯伏其歸路敵果夜遁遇伏大  
敗之擒其丞相火赤遂率兵道新闢嶺進攻開平元

主北走俘其宗王慶生及平章鼎住等斬之薊北悉  
平秋八月先是元主北屯蓋里泊命脫列伯孔興以  
重兵攻大同欲圖恢復至是平章李文忠擊敗之擒  
脫列伯孔興走綏德其部將復斬之來降元主知事  
不濟無復南向矣

太祖  
實錄

洪武三年春二月左副將軍李文忠率師至興和元守  
將舉城降復進兵察罕腦兒擒元平章竹貞夏五月  
敗元太尉蠻子平章沙不丁朶兒只八剌於白海之  
駱駝山遂進次開平元平章上都罕等降師趨應昌  
未至百餘里獲一元騎問之知元主已殂文忠卽督

兵兼程以進遇元兵敗之追至應昌圍其城獲元主  
嫡孫買的里八剌并后妃宮人暨諸王省院達官士  
卒等送京師惟太子愛猷識理達臘與數十騎遁去  
追至北慶州不及而還秋九月故元宗王扎木赤等  
自官山來降詔立官山等處軍民千戶所實錄

洪武七年夏四月都督藍玉率兵攻興和大敗其衆於

白酒泉擒國公帖里密赤守將脫因帖木兒棄城走

遂拔興和

實錄

洪武八年春三月詔置官山衛指揮使隸大同都司以  
元國公乃因不花爲指揮同知

洪武十四年夏四月徐達率諸將出塞傅友德至北黃  
河元兵遁遂夜襲灰山克之沐英等略至公主山殲

其成卒獲全寧四部以歸

明史葉本紀

洪武二十年秋九月藍玉爲征鹵大將軍北征沙漠二十一年夏四月藍玉襲破元嗣君於捕魚兒海獲其

次子地保奴及妃主王公以下數萬人而還

明史本紀

洪武二十三年春正月命穎國公傅友德等以北平兵從燕王定遠侯王弼等以山西兵從晉王征元丞相咬住太尉乃兒不花燕王出古北口偵知乃兒不花營迤都山冒大雪馳進去敵一磧先遣指揮觀童往觀童舊與乃兒不花善一見相持泣頃之大軍壓其營乃兒不花驚欲遁觀童止之引見王賜飲食慰諭

遣還乃兒不花喜過望遂偕咬住等來降

明史韃靼傳

洪武二十四年春三月齊王來閃獵時傅友德北征駐

師開平因敕齊王以護衛兵至開平閃獵

兩鎮三關志

洪武二十七年夏六月命兵部遣官至北平布政使司

議置驛傳自大寧至廣寧東路四百八十五里置十

驛中路北平至開平七百六十五里置十四驛西路

至開平六百三十里置十三驛土木至宣府一

百里置二驛

太祖實錄

洪武二十九年夏四月署北平都指揮使事都督趙清

言先奉敕撥軍守禦典和彼無見儲之糧其原操軍

士今皆屯田乏人轉輸莫若於秋成之時就以雲州  
宣德二屯所收之粟轉運給之況口內屯軍秋後農  
隙亦可運糧庶利邊圉上可其奏五月壬戌後軍都  
督府言開平宜立五屯衛命先置中屯衛調官軍屯  
守秋八月庚寅置開平左右前後四屯衛指揮使司  
初詔立開平中屯衛至是都指揮使司奏立中屯衛  
於沙峪今議立左屯衛於七合營右屯衛於軍臺前  
屯衛於偏嶺後屯衛於石塔俱從之九月戶部尙書  
郁新言近置開平衛軍士糧儲皆仰給於北平道路  
遼遠所費不貲宜廣募商人於開平納米以淮浙鹽



償之庶免轉輸之費從之實錄

洪武三十年春正月辛未城開平衛先是上命中軍都督同知盛熙調山海衛五所官軍往開平立衛發北平都司屬衛軍士城之至是訖工復命熙分調北平等都司軍馬屯守於農隙講武以備不虞庚辰置興和懷來二守禦千戶所調大興左衛永清右衛軍士守之是月以寧遼諸王各據沿邊草場牧放孳畜乃

圖西北沿邊地里示之

救之日自東勝以西至寧夏河西察罕腦兒東勝以東至

大開宜府開平又自東南至大寧又東至遼東又東至鴨綠江又北至不知幾千里又南至各衛分守地又自馬門關外西抵黃河渡河至察罕腦兒又東至紫荆關又東至居庸關及古北口北又東至山海衛

外凡軍民屯種田地不許牧放孳畜其荒閒田地及山場腹內諸王駙馬及極邊軍士聽其牧放樵採其在邊所封之王不許占爲己場而妨軍民其腹內諸王駙馬聽其東西往來自在營駐因而練習防敵或有稱爲自己山場草場者論之特示此圖吾子孫其世守之實錄

### 夏四月乙酉敕晉王燕王備邊十事

實錄○共一日向者發往開平防邊

擒敵大小諸將校宜遣人閱實明白具籍以聞是時塞草方青敵人必順水草而南宜謹斥堠廣布置務殫志慮設法隄防每一堠用馬二疋而以三千堠爲十路計用馬六千匹其相去二十里或三十里則設一路總十路則用馬六百疋其布置之法則由內而外其近裏則二十里爲一堠計十堠外則十五里爲一堠又計十堠外則十里爲一堠又計十里以此樽節一路可望五百里少有烽警則無不知矣其二日須選人領精騎或五六千或七八千在百五十里至二百里外一路潛伏以偵望之則可知彼之虛實其三曰所設十路斥堠每處爲三十層內東五層皆須在十層兩間以候遠方消息仍令每堠壘砲積薪務

嚴備豫晝則望烟夜則望火至加防慎則彼之多寡亦可知矣其四曰王所統大軍除發去都督等員率領隄防其餘護衛或一萬或二萬王親率於附近屯所往來牧放仍須披堅執銳夙夜加謹遠者去四五十里或三十里不許頃刻有怠王之隊伍常在斥埃以裏不宜久駐一處東西南北往來莫測又須趁逐水草隨營牧放以就孳畜其五日今年八月二十日晉王燕王起程九月一日遼寧谷代王起程務在約量程途同至京師別有面諭其六日今年屯種自東勝至開平自開平至大寧廣寧須於五月一報禾苗長養何如七月再報結實何如十月又報收成子粒若干一歲三報不惟使朕知邊務虛實而屯軍亦不至懈力矣其七日晉王燕王宜督諸王并都司行都司報知孳畜預戰馬數必從行太僕寺點視稽驗自洪武二十三年至今通計所產駒若干悉數以聞其八曰京師發去江淮太僕寺孳生馬及戰馬八年之間數該七萬王督諸王及都司行都司以逐年領馬之數稽其原領月日暨受馬月日條列具陳仍命太僕寺督併更加號令催督都司行都司毋容少怠其九曰向者所發有罪大小將校須悉心點視立成隊

伍其中有名到而人不到及有病亡者皆須明白其數以聞其十日不分大小官員并軍校凡領騾馬騾其閏領月日每年納駒一疋仍須審其孳產有無不可一槩徵索特諭爾知如敕奉行

洪武三十一年春正月諭戶部尙書郁新曰大寧開平二衛鹽糧若儲峙已多則令商人輸粟於東勝西河以備軍餉新言大寧儲糧六十二萬餘石開平止二萬五千八百石其商人所及未宜改輸上曰大寧姑罷其開平若儲至四十萬亦宜止之俱令轉輸東勝夏五月勅左軍都督楊文爲總兵以北平都司行都督井燕谷寧三府護衛選揀精銳馬步軍士隨燕王往開平隄備武定侯郭英爲總兵都督劉真宋晟副之

以遼東都司并護衛各衛所步軍選揀精銳統領隨  
遼王至開平迤北擇險要屯駐隄備俱聽燕王節制  
六月時燕王巡邊每以輕騎出開平數百里上聞遣  
使齎手敕諭止曰近日人自塞下來知爾統軍深入  
古人論兵貴乎知彼知己我朝自遼東至於甘肅六  
千餘里可戰之馬僅得十萬河南山東之馬難於收  
集步軍但可夾馬以助聲勢今以數十騎離開平三  
四百里駐曠塞中如彼以數萬騎隱柳藏荻卒然相  
遇何以當之善勝敵者慎於無形爾其慎之

洪武實錄

建文帝洪武三十一年秋八月詔興州開平諸衛軍全

家在伍者家免一人

明史葉建文本紀

惠帝建文元年春三月命都督宋忠率兵三萬屯開平

以燕護衛卒隸之

明史葉建文本紀

成祖永樂元年春正月命高陽王高煦備邊開平夏六

月書諭郡王高煦曰聞爾兵行初至清河從者為雷

震死過居庸汝幕中金鳴皆不祥之徵可即率騎兵

三百人還京師

成祖實錄

永樂二年秋七月敕宣府備禦成安侯王聰同安侯火

真率將士於開平巡邏八月丙子置興和守禦千戶

所吏目一員

實錄

永樂三年夏五月命武安侯鄭亨領山西騎兵一千北  
京步卒三千於宣府興和等處巡備實錄

永樂四年春二月壬申復設開平衛命兵部以有罪當  
戍邊者實之乙酉命以犯死罪及逃軍令戍開平秋  
九月朶顏衛來朝韃官哈兒兀夕言北部鬼力赤欲  
率衆鈔邊命開平興和守將共嚴兵備實錄

永樂五年夏五月開平衛卒蔣文寔言王者以天下爲  
家以百姓爲子百姓不足君孰與足今有司歲辦各  
色物料里長所領官錢悉入已名爲和買其實強取  
於民萬不償一若其土產尙可措辦况非土地所有

須多方徵求以致傾財破產者有之凡若此者非止一端今後宜令有司除常賦外妄取民一錢者以受財枉法論其各色物料非土地所有者禁勿取又言旌表節義所以勵俗今承流宣化者率不務公每年訪孝子節婦但應故事縱有當舉者州縣吹毛求疵多方沮毀設有准舉者吏胥需索錢物否則誣論其短事竟不行今後有當舉者宜令所司覈實卽與申

達從之

實錄

永樂七年夏閏四月敕鎮守大同江陰侯吳高選屬衛步軍八百騎士二百往興和開平操備別委將士運



大同糧料二萬四千石貯興和開平十月謀報韃靼

欲掠開平敕成安侯郭亮等謹隄備

實錄

永樂八年春二月丁未親征漠北發京師壬戌車駕度

德勝關駐蹕興和三月甲戌次鳴鑾成大閱誓師  
子次凌霄峰登絕頂望漠北顧學士胡廣等曰元盛  
時此皆民居今萬里蕭條惟見風埃沙草耳其勢衰  
弱如此尙敢倔強果何所恃哉庚辰勅凡供具減半  
還興和因謂胡廣等曰朕服用素約今萬里出師爲  
宗社生民之計不得已勞苦士卒如之何尙役人以  
自奉耶壬午次五雲關甲申次錦水磧丙戌駐環瓊  
圃戊子次金剛阜丙申次清水源去營三里許有甘  
泉湧出土馬飲之不竭賜名神應泉夏四月丁酉朔  
庚子行在各營中夜刀戟皆有火光癸卯次元石坡

上製銘勒石於立馬峰曰維日月明維天地壽元石  
勒銘與之悠久戊申次楊林戌壬子次禽狐山製銘  
勒石曰瀚海爲鐔天山爲鏐一掃邊塵永清戍幕賜  
其泉名靈濟甲寅次廣武鎮賜其泉名清流刻銘於  
石曰於灤六師用殲元鹵山高水清永彰我武庚申  
次威鹵鎮艱得水命以駝所載水給衛士日暮上猶  
未食視各營軍士皆食始進膳壬戌次元雲谷甲子  
次長清塞名其泉曰玉華五月丁卯朔發順安鎮營  
外四山雲氣潔白如練賜前高峰名白雲山遂行至  
驢胸河更名曰飲馬河營於平漠鎮庚午次蒼山峽

甲戌次環翠阜獲敵人詢知本雅失里已西奔阿魯  
台東奔部落離散遂令諸將悉渡飲馬河分兵追之  
乙亥命清遠侯王友等統領守營官軍於飲馬河上  
築殺狐城駐師上率精銳循飲馬河北行丙子發聞  
喜岡丁丑次平鹵塞戊寅次兀古兒扎河更其名曰  
清塵河己卯追及寇於幹難河逆擊大敗之本雅失  
里倉皇以七騎渡河遁去上駐蹕滅狐山辛巳釋所  
俘男女及降附者俱給口糧牛馬悉遣之歸遂旋師  
次五原峰命都督薛祿祭幹難山川賜名元冥河丙  
戌次飲馬河下詔班師丁亥次殺狐城敕城安侯郭

亮督運赴應昌清遠侯王友等以所領將士先赴開  
平休息戊子次威遠戍庚寅次蟠龍山壬辰次定邊  
鎮癸巳次雙源清六月丙申朔次凝翠岡庚子次青  
楊戍癸亥次飛雲壑甲辰阿魯台聚衆前山谷中遣  
人僞請降命諸將嚴陣以待果悉衆來犯上率精騎  
迎擊大敗之追奔百餘里上旋師營於靜鹵鎮晚次  
駐蹕峰地高少水忽雷雨大作軍士足飲丙午進至  
長秀川丁未追及之於回曲津又大敗之戊申追至  
廣漠戍餘寇遙拜祈哀上曰服則舍之皆麾之去遂  
班師庚戌次寧武鎮辛亥次紫雲谷壬子次玉潤山

乙卯次青華原戊午次淙流峽己未次錦雲峰庚申  
次永寧戌辛酉次長樂鎮壬戌次通川旬癸亥次金  
沙苑乙丑次威信戌秋七月丁卯車駕次開平宴勞  
將士上謂侍臣曰朕在塞外久素食非乏肉也但念  
士卒艱難朕雖食豈能甘味故寧已之戊辰改開平  
李陵臺驛爲威鹵驛壬申次盤谷鎮癸酉次獨石壬

午至北京實錄

永樂十年夏五月敕鎮守興和都指揮王煥等嚴邊備  
六月命量撥軍夫於宣府萬全衛倉運粟二萬石往  
開平備軍餉秋九月敕宣府總兵官武安侯鄭亨督

兵修築興和城垣冬十一月以阿魯台移近開平敕

鄭亨等嚴加備禦

實錄

永樂十一年夏六月開平備禦成安侯郭亮奏開平地

臨極邊無鄰近衛所可以應援城中軍少請增兵一

千庶幾足用又失八都之地其西北當衝要之路東

北離開平二百餘里南抵獨石多有軍士屯糧牧養

而無城堡隄防故前被寇劫掠驛馬宜築城堡設官

軍三百或五百備禦又開平至長安嶺各處大站舊

有城堡年久頽圯未修及一路砲架官軍俱無障蔽

設有警急無所隄備宜築烟墩瞭望從之

實錄

秋八月命開平備禦都指揮章安於威鹵桓州隰寧明  
安諸驛建立城堡各以軍二百守禦冬十一月命應  
城伯孫巖都指揮齊安往開平備禦

實錄

永樂十二年春二月和寧王阿魯台使至言馬哈木今  
遣乞塔歹率騎卒至興和偵朝廷動靜於是命都督  
劉江等先往興和營於城之西出兵哨瞭又命都督  
譚青率右掖兵往興和操備壬申置開平衛廣盈倉  
副使一員三月丁亥敕前鋒都督劉江朱榮等先遣  
勁騎出興和百里外憑高瞭望庚寅上北征瓦剌發

北京

實錄



夏四月甲辰朔車駕次興和大閱己酉頒賞罰號令丁  
巳次五雲關庚申駐龍沙旬壬戌駐小甘泉甲子駐  
清水源辛未駐清風壑命官軍有疾令太醫給藥未  
痊者送還萬全休養五月丙子駐禽狐山忻城伯趙  
彝尚書吳中等餽運至遂築城貯糧命彝等率官軍  
守之己卯駐香泉戌辛巳駐廣武鎮戊子駐至喜川  
辛卯駐速兒温都兒之地其地有海子水清冽賜名  
曰蒙山海蓋軍行已二旬乏水至是始足用甲午駐  
通泉泊六月壬寅朔駐清流港甲辰駐雙泉海卽撒  
星怯兒之地前鋒都督劉江遇瓦刺兵於康哈里孩

敗之丙午次三峽口前鋒哨見寇衆馳報上至簡兼  
程而進戊申至忽蘭忽失温馬哈木率衆逆戰上率  
鐵騎馳擊大敗之追至土刺河而還己酉賜名忽爾  
忽失温地曰殺虎鎮庚戌班師戊午次三峰山丙寅  
次野馬泉己巳次黑山峪以平瓦刺詔天下秋七月  
己丑駐蹕紅橋庚寅次興和八月辛丑朔至京師實錄  
元月命成安侯郭亮興安伯徐亨往開平備禦諭之曰  
開平以孤城臨極邊又無險可恃但晝夜嚴守備寇  
至勿輕出戰去亦勿追蓋寇多詐無爲所誘也實錄

永樂十三年夏五月築開平城西舊莊環州東北山柳

林小站沙堆西南小山曲河小站舊莊小站回回墓  
 西南山偏嶺東山八烟墩辛酉開平備禦成安侯郭  
 亮言開平軍少不足調用洪武中嘗分開平衛五所  
 軍隸山海衛宜令復舊從之十月敕開平備禦成安  
 侯郭亮等謹邊備實錄

二十五年夏閏五月行在兵部言隰寧明安威鹵桓  
 州四堡每堡舊設官軍二百皆自宣府懷安萬全諸  
 衛調至因無家居屢逃今新設保安左衛五所居懷  
 來者俱有家室宜令每所撥五百戶往守四堡堡令  
 千戶一員統之俱聽掌保安衛都指揮王禮總督

之令每堡先於保安撥二百戶餘俟酌量選補六月  
敕開平備禦成安侯郭亮等嚴兵備以寇衆屯哲兒  
口切近開平故也實錄

永樂十六年春正月命興安伯徐亨中軍左都督夏貴

領騎士二千往開平巡備冬十二月召亨還京實錄

永樂十七年春二月敕興安伯徐亨備興和開平大同

命宣府備禦章安等巡視興和以外設立烟墩實錄

永樂十八年春閏正月開平備禦成安侯郭亮言糧餉

不給請令所司於京倉運米三萬石貯開平以備軍

儲從之實錄

永樂十九年春二月阿魯台寇邊夏六月敕開平備禦  
成安侯郭亮等曰今草盛馬肥朕欲親巡與和開平  
其整飭軍馬以俟秋七月上將親巡邊敕都督朱榮  
等率前鋒緝捕北寇聲息八月命戶部出粟豆三萬  
五千石貯長安嶺令保安懷等衛轉運開平九月戊  
辰開平備禦成安侯郭亮奏瞭見野馬黃羊從者答  
古川往西涼亭又見隰寧堡北八十里野馬西走敕  
緣邊諸將嚴兵備禦丙子上以寇叛服不常議將親  
征召問兵部尙書方賓賓言糧餉不足未可興師乃  
召問戶部尙書夏原吉原吉對曰邊糧僅給將士備

禦不足給大軍且頻年師出無功戎馬資儲什喪入  
九况又聖躬少安尙須調護勿煩六師上不憚令原  
吉往視開平邊餉亡何刑部尙書吳中入對與方賓  
等同上益怒卽令衛士馳召原吉還未至先籍其家  
衛士至開平促原吉行原吉方經理邊餉日師行糧  
食爲重稍俟經理有緒卽行死吾所安不以累公也

原吉至與吳中俱繫內庭獄方賓自殺

實錄

永樂二十年春二月命英國公張輔等同六部官議北

征餽運

輔等議分爲前後運前運隨大軍行後運稍  
後前運合用總督官三人隆平侯張信尙書

李慶侍郎李祿車運驢運各分官領之領車運者二  
十六人領驢者二十五人後運惟車輻合用總督官

二人保定侯孟瑛遂安伯陳英爲之副者二十七人  
仍命孟瑛陳英率領馬兵一千步軍五千護送前後  
運共用驢三十四萬頭車十一萬七千五百七十三  
輛輓車民丁二十三萬五千一百四十六丁運糧凡  
三十七萬石

三月乙亥阿魯台犯興和都指揮王煥戰歿

上聞親征之議遂決

實錄

二月戊寅車駕發北京辛巳駐蹕雞鳴山阿魯台聞上  
親征遂自興和夜遁諸將請急追之上曰俟草青馬  
肥道開平踰應昌出其不意直抵窟穴破之未晚夏  
四月辛丑駐蹕龍門丁未駐蹕鵬鶚令郡縣役民輓  
運軍餉在塞外者各復其家一年乙卯駐蹕雲州大  
閱五月己未下令各營將士軍行之際不許離隊伍

十丈違者并所領頭目皆斬其放遠離本營者亦如之辛酉駐蹕獨石乙丑獵於偏嶺丙寅次隰寧大閱上親製平北三曲俾將士歌以自勵辛未發隰寧次西涼亭西涼亭者故元往來巡遊之所上望其頽垣遺址樹木鬱然謂侍臣曰元氏創此將遺子孫爲不朽之圖豈計有今日書云常厥德保厥位厥德靡常九有以亡况一亭乎可以爲殷鑒矣因下令禁軍士斬伐樹木壬申大閱癸酉發西涼亭次明安下令軍中牧放樵採皆不得出長圍之外時營陣大營居

中營外分駐五軍建左哨右哨左掖右掖以總之步



卒居內騎卒居外神機營在騎卒之外神機營外有  
長圍各周二十里上顧侍臣論用兵之法召諸將曰  
兵法云多算勝少算不勝蓋用兵之際智在勇先不  
可忽也馭衆之道固須部伍整肅進退以律然必將  
帥撫士卒如父兄於子弟則士卒附將帥亦如手足  
之捍頭目上下一心乃克有濟至於同列尤須和協  
一隊當敵則各隊策應左右前後莫不皆然譬如舟  
行遇風同舟之人齊力以奮波濤雖險靡不濟矣爾  
等勉之丙子次威鹵鎮癸未次桓州乙酉次開平  
六月戊子次玻璃谷己丑次通川旬庚寅次長樂鎮鎮

實錄

故乏水晚有泉數十湧出軍中足用壬辰次清平鎮  
令軍行出應昌地益平曠結方陣以進癸巳次威遠  
川開平報寇攻萬全諸將請分兵擊之上曰詐也彼  
慮大軍徑搗其巢穴欲以牽制我師敢攻城哉甲午  
次陽和谷謀報寇攻萬全者果遁去丙申次祥雲屯  
方駐蹕有紫雲如蓋見營南久而不散故賜名其地  
戊戌次翠玉峰甲辰次金沙泊庚戌次玉沙泉乙卯

次通濟河

實錄

秋七月丙辰朔次廣威鎮戊午次環秀岡己未次殺狐  
原前鋒獲阿魯台部屬言阿魯台聞車駕親征盡棄

輜重於濶灤海側與其家屬北遁乃發兵盡收其牲  
畜焚所棄輜重而還遂命旋師謂諸將曰阿魯台敢  
悖逆恃兀良哈爲羽翼也當還師翦之簡步騎二萬  
分五道進擊辛酉移師次清水泊甲子次捕鹵川已  
巳次沙泉磧庚午上率師至屈裂兒河寇數萬餘驅  
牛馬車輛西走遇大軍倉卒逆戰上親擊敗之寇大  
潰追奔三十里抵其巢穴斬獲無算暮次豐潤屯甲  
戌兀良哈寇黨老弱皆詣軍門降俯伏待罪命釋之  
丙子次聞喜岡至大營戊寅次捷勝原壬午次紫駝  
崗甲申次和戀谷八月乙酉朔次清漠川己丑次祥

雲屯壬辰次威遠川戊戌次...  
鎮辛丑遣尙書李慶祭...  
寅命武安侯鄭亨陽武侯薛濬守薊平九月辛酉車  
駕還京師實錄

永樂二十一年秋七月戊戌謀報阿魯台將復犯邊上  
召諸將諭曰朕當先駐兵塞外待之出敵不意可以  
成功遂部分軍事命寧陽侯陳懋爲前鋒辛丑車駕  
發北京戊申次宣府八月己酉朔宴勞五軍諸將因  
大閱庚申進次萬全丙寅上命諸將於各營外布陣  
神機銃居前馬隊居後令軍士閒暇操習且諭之曰

陣密則固鋒疏則達戰鬪之餘首以銃摧其鋒次以馬衝其堅敵不足畏也九月戊子次西陽河癸巳僞知院阿失帖木兒等來降備言阿魯台爲瓦剌順寧王脫懽所敗部落潰散今聞大軍至卽率餘衆遠遁矣冬十月甲寅師次上莊堡前鋒寧陽侯陳懋偵知寇在飲馬河爲瓦剌所敗追至宿窳山口遇迤北韃靼王子也先土干率妻子部屬來歸懋遣使馳奏敕懋等偕之同來甲子駐蹕天城命將士大獵乙巳陳懋等以也先土干入見上喜諭群臣曰遠人來歸宜有以旌異之其封也先土干爲忠勇王賜姓名曰金

忠授其甥把台罕都督俱賜冠帶襲衣于是左右皆  
贊美上功德上曰昔唐突厥頡利入朝太宗言中外  
一家有矜大自得之意朕所不取惟天下之人皆遂  
其生邊境無虞兵甲不用斯朕志也遂下詔班師實錄  
永樂二十二年春正月癸未大同開平守將並奏阿魯  
台所部侵掠邊境初忠勇王金忠來歸屢言阿魯台  
違天逆命數爲邊患請發兵討之願爲前鋒自效上  
曰兵豈堪數動朕固厭之矣何況下人忠固言之上  
命姑待至是邊報至召羣臣議北征敕緣邊諸將整  
兵以俟三月戊寅大閱命寧陽侯陳懋忠勇王金忠

爲前鋒夏四月己酉上親征發北京丁卯車駕次獨  
石庚午次隰寧忠勇王所部獲諜知阿魯台遁往答  
蘭納木兒河趨荒漠以避上曰然則寇去此不遠遂  
命諸將速進五月己卯次開平適雨士卒有後至而  
沾濕者上見之指示諸將曰士卒者將士所資以成  
功名撫之至則報之厚今方用此輩爲國家除殘去  
暴其可不恤甲申召大學士楊榮與近臣至幄中諭  
之曰朕昨夕三鼓夢有若神人者告朕曰上帝好生  
如是者再此何祥也豈天屬意此寇部屬乎榮等曰  
陛下好生惡殺上格於天此舉固在除暴安民然火

炎崑岡玉石俱燬惟陛下留意上然之卽命草敕遣使賫往鹵中并諭部落乙酉瘞道中遺骸壬辰次長樂鎮謂楊榮等曰漢高祖過柏人慮迫於人今朕過長樂思與天下同樂何時而庶幾也癸巳次香泉泊甲午次環翠岡乙未次永寧戊丙申次清平鎮卽元之應昌路是日雨重車皆後命諸將分兵迎之丁酉宴隨征文武大臣命內侍歌太祖御製詞五章因諭曰此先帝垂諭創守之難而示戒淫酗之失也今軍旅之中君臣杯酒之歡不敢忘也尙相與共勉之戊戌次威遠川己亥復宴羣臣上曰朕仰循皇考之意



自製詞五章以奉天法祖勤政恤民爲言亦將以垂  
示子孫俾有所警飭遂命內侍歌之庚子次陽和谷  
辛丑次雙泉海壬寅次覽秀川癸卯次錦秀岡六月  
甲辰朔次祥雲屯乙巳次錦霞積丙午次翠玉峰丁  
未次鳴玉岡戊申次清漠川己酉次和鑾谷庚戌次  
紫駝岡辛亥次清泉泊癸丑次金沙灤甲寅次秀水  
河乙卯次玉壘峰丙辰次寶屏山以深入敵境敕諸  
將嚴哨瞭肅部伍明約束晝夜謹備丁巳次凌雲峰  
戊午次玉沙泉己未次龍武岡命陳懋等率師前進  
且戒以勿殺降庚申次天馬峰上率大軍繼進十數

里陳懋等遣人奏言臣等已至答蘭納木兒河彌望  
荒塵野草敵隻影不見車轍馬跡皆漫滅疑其遁已  
久上遣英國公張輔等分索山谷周迴三百里無一  
人一騎之迹壬戌次蒼石岡癸亥次連秀坡寧陽侯  
陳懋等引兵抵白邨山咸無所遇以糧盡而還甲子  
次翠雲屯召張輔等曰古王者制塞外之患驅之而  
已不窮追也今孽寇所存無幾茫茫廣漠之地譬如  
一粟於滄海可必得耶吾寧失有罪不欲重之將士  
遂命班師於是分兵兩路上率騎士東行命武安侯  
鄭亨等領步卒西行會開平丙寅發翠雲屯次蒼玉

澗丁卯次清流峽戊辰次富平川己巳次長清戊庚  
午次懷柔甸壬申次寧遠鎮秋七月甲戌朔駐寧遠  
鎮乙亥次廻流灣丙子次清朔鎮丁丑次峭石川戊  
寅次羣玉峰己卯次雙一島庚辰次清水源道旁有  
石崖數十丈命大學士楊榮同文臣刻石紀行曰使  
萬世後知朕親征過此也辛巳次豐澗屯壬午次長  
林壑癸未次廣平川甲申次達安鎮乙酉次通津戊  
其地平廣多糜子軍士有馳騎犯之者上道見急下  
令止之謂諸將曰能種此者必安業於是不爲寇矣  
今縱騎犯之非仁其禁士卒凡有種藝皆勿犯違者

斬丙戌次磐石鎮丁亥次翠薇岡戊子次雙流樂已  
丑次蒼崖戌上不豫庚寅次榆木川上大漸遺命傳  
位皇太子辛卯上崩壬辰龍輦次雙筆峰癸巳次連  
雲磧甲午次黑河戌乙未次宣威鎮丙申次廣漠川  
丁酉次青楊峽戌次聞喜岡己亥次白沙河庚子  
次香泉泊辛丑次通川甸壬寅次武平鎮八月癸丑

朔龍輦渡開平北征記

仁宗永樂二十二年秋九月以唐銘為都指揮使鎮守

開平實錄

仁宗洪熙元年春二月開平備禦都指揮使齊安以年

踰八十敕召還京

安壽州人洪武中為燕山右衛百戶從太宗舉義累遷都指揮同知

永樂六年陞都指揮使後鎮守開平年八十餘上即位憫其老命致仕還京未行而卒

三月陽

武侯薛祿為鎮朔大將軍率師巡開平

洪熙實錄

宣宗洪熙元年秋七月陽武侯薛祿奏鵬鶚赤城雲州

獨石諸站皆在邊野開平老幼亦於此種田猝有寇

至無城可守况開平與獨石相距五站城垣不堅且

命使往來道路荒遠若移開平衛於獨石築城守備

實為便益上曰開平極邊廢置非易事當徐議冬十

一月阿魯台奏遣人貢馬有人自鹵中來歸者言阿

魯台自率眾攻兀良哈欲以兵臨開平與和恐非貢

馬上曰鹵多詐然邊備不可不謹遂敕緣邊諸將各

嚴守備

宣德實錄

宣德元年春三月命指揮使杜福仍守開平福久在開平年六十餘以老乞閒以其子衡代開平千戶楊洪等奏福勇而有才居邊城久練達兵務善撫士卒乞仍令守開平上謂兵部張本日邊將在得人昔魏尙守雲中匈奴不敢近塞趙充國屯邊羗戎遠遁福練習邊事素得士心安可使就閒但當優待之耳遂令其子代命福爲致仕官仍往開平協助都指揮唐銘等行事夏五月行在戶部主事王良言開平極邊之

地歲運糧給之而軍士戍守者皆有妻子糧不足以贍其家乞簡精銳者更番守城令其妻子入赤城雲州立堡居之上覽其奏謂兵部尙書張本日更番之說亦良策亦嘗有言宜雲州立堡者宜熟計之六月陽武侯薛祿等還自開平奏備邊五事其一興和保安右衛及開平一路明安諸堡常被寇侵掠今北京宜選將練兵以備不虞倘有緩急卽得應援其二桓州威鹵諸堡正當衝要而遠地勢孤若仍修築工費浩繁開平官軍家屬衆多月給爲難宜于獨石築城瓊帽山寨關移至開平衛於此俾其人自種自食精

選本衛及原調守備官軍二千人分爲兩番每番千人自備糧料往開平戍守旣免餽送之勞亦得備禦之用

餘三條不備載

上令公侯大臣議行之

實錄

宣德二年夏五月命陽武侯薛祿佩鎮朔大將軍印充總兵官清寧伯吳成充副總兵官防護糧餉赴開平六月開平備禦都指揮唐銘奏孤城荒遠薪芻並難猝遇寇至別無應援請添撥官軍神銃守備下其事太師英國公張輔及文武大臣議皆以爲欲添官軍愈難餽給宜准陽武侯薛祿前奏於獨石築城立開平衛以開平備禦官軍家屬移於新城且耕且守而



以開平衛及所謂他衛備禦官軍選其精壯分作二班每班一千餘人更代於開平舊城哨備新城守備官軍不足者暫於宣府及附近衛分酌量添撥仍敕薛祿防護糧餉之餘相宜區畫築城安恤畢事而歸上命俟秋成後為之六月敕陽武侯薛祿等自開平

旋師駐宣府秋七月陽武侯薛祿等襲寇於開平東

南敗之

先是寇逼開平城下無所得而退祿至獲寇三人詢知寇在朶兒班你兒兀之地去開平

東南三百里遂率精騎往襲之晝伏夜行踰三夕至其地縱輕騎薄寇營敗之生擒賊首鎮撫百戶等十

二人男婦六十四人馬八百餘匹牛羊四千餘頭既還寇躡其後祿復縱兵奮擊又大敗之寇遂遠遁祿

上其俘獲人口輜重牲畜之

數上遣使賫敕嘉勞之實錄

宣德三年夏五月敕陽武侯薛祿運糧至開平仍令軍士於近城多採薪芻付城內官軍用六月以積雨泥濘停開平運糧召祿等還京令都督陳景先率備禦

官軍嚴戍守

實錄

宣德四年夏六月寇入開平殺掠官軍人畜鎮撫張信百戶盧讓死之庚子命陽武侯薛祿率師督餉赴開平秋九月遣將出塞燒荒先是每於冬初命將率兵出塞焚草名曰燒荒蓋防寇南向且耀兵也冬十一月開平衛千戶楊洪言開平騎士少命於開平桓州諸驛選壯士二百人本衛選馬二百疋付洪提督操

備實錄

宣德五年夏四月陽武侯薛祿奏開平歲運糧四萬石  
人力不齊請令行在兵部五部議其用力多寡立爲  
定例尙書張本等議自京師至獨石立十一堡每堡  
屯軍士千人各具運車計日半可畢一運三日則運  
糧二千石六十日可運四萬石其糧運至獨石新城  
內置倉收貯令開平備禦官軍分番於獨石搬運都  
督馮興專領軍防護上從之仍令武進伯朱冕總督  
六月癸酉初築獨石雲州赤城鵬鶚城堡完上命兵  
部尙書張本往獨石與陽武侯薛祿議守備之方

還上所議請以兵護送開平衛所印信及軍士家屬  
置於獨石等城堡且屯且守專以馬步精兵二千分  
爲二班令都督馮興總之都指揮唐銘卞福各領一

班更番往來開平故城哨備其山海懷來各衛留守

開平官軍悉令還衛從之

明會典國初逐寇漠北卽元上都設開平衛守之置

八驛東接大寧西接獨石邊境無事後以大寧界兀良哈與和亦廢開平孤立難守宣德中乃移衛于獨石  
冬十一月副總兵方政奏開平備禦官軍分爲兩

番自資糧料今當啟行而覘知寇有在答古川掇黎  
山者去開平不遠恐爲所襲請發軍夫一萬人運糧

而以騎兵護送詔撥與之

實錄

宣德八年春三月命宣府總兵官譚廣發軍士三千七百五十人支獨石糧料三千石遣指揮朱謙率兵二千防護往開平冬十一月開平哨備都指揮僉事汪貴奏請如舊設隰寧明安威鹵桓州四堡撥軍瞭守上語行在兵部曰開平官軍已移入獨石城屯戍留守開平者不過千人若設四堡又當增兵兵多地遠供給良難其令陳濬熟計何者爲便具實以聞十二月命大同發軍士五千人宣府發軍士七千七百人支獨石倉糧料一萬二千七百二十石運赴開平仍遣官軍護送叅將陳濬奏獨石城臨極邊而城中官

軍乃調開平哨備乞留三百人守城別於蔚州等調

三百人往開平從之

實錄

宣德九年春正月宣府總兵官譚廣奏昨獨石守備叅將陳濬奏請留開平官軍三百人守獨石而選蔚州衛軍以補開平之數今獨石軍士已足守備開平乃孤懸要地軍士久居熟知寇路他處調來守邏之軍賴爲鄉導若易以蔚州衛軍恐致疎失乞調蔚州衛軍於獨石守備其原守開平者如舊從之二月行在戶部羅通言今運糧赴開平每軍運米一石又當以騎士護送計人馬資費率以二石七斗致一石今軍

民有自願運米隨去開平中納鹽糧者乞將舊例二斗五升減作一斗五升若商一人納米五百石可當五百軍所運且省行糧二百石從之

實錄

英宗宣德十年夏四月萬全都司都指揮僉事杜衡奏哨備開平官軍道經獨石其行糧遣軍護運路遠艱難欲令哨備官軍就於獨石順齋庶免遠運之勞從之秋七月陞開平衛指揮僉事楊洪爲指揮使以禦寇有功也

加遊擊將軍仍於開平獨石選官軍二千餘騎付洪領之冬十一月徙開平衛廣盈倉於馬

營堡仍隸開平衛

實錄

正統元年夏四月命行在工部鑄鐵蒺藜分給開平獨

石從遊擊楊洪請也

實錄

王統二年秋七月獨石守備都指揮楊洪敗兀良哈於

連三义山口生擒賊首朶樂帖木兒冬十二月復擊

敗兀良哈賊於西凉亭生擒三八斬首六級并獲其

馬駝牛羊器械上聞賜敕獎勞

實錄

正統三年春正月遊擊將軍楊洪奏比因北部犯邊臣

率兵勦捕至伯顏山遇敵奮擊生擒敵首指揮也陵

台等四人餘衆悉潰旣而追至寶昌州又大敗之擒

敵首阿答答刺花等五人衆遁去斬獲首級并孳畜



以千計全師而還上聞陞洪爲都指揮同知餘陞賞各有差三月以伯顏山破敵功陞楊洪爲都指揮使秋七月巡撫宣大盧睿言開平衛原窖米一萬一千石有奇今衛徙獨石其米宜發軍運回備用上以邊士艱苦不可重勞窖米令征哨者就食之

實錄

正統六年夏五月設偏嶺及柵子門墩臺五座冬十月左叅將黃真等率兵巡哨至伯顏山遇寇騎百餘擊敗之明日至明安山復與兀良哈三百餘騎遇又敗之追至莽來泉賊遂越山遁去丙子福餘衛酋脫火赤完哈等假以圍獵劫掠人馬至明安山被擒命磔

於市實錄

正統九年春二月左叅將楊洪等敗兀良哈於獨石迤

西克刺蘇之地俘獲孳畜器械奪所擄人口而還上

敕洪以牛馬給有功官軍仍具將士功次以聞實錄

正統十一年秋九月守備獨石左叅將楊洪奏明安迤

西鞍子山等處俱有兀良哈千餘騎往來窺我邊境

上敕沿邊諸將嚴兵備之實錄

正統十四年秋七月瓦剌也先分道入寇報至遂議親

征吏部尚書王直率廷臣奏留不聽是月癸巳大同

總督軍務西寧侯宋瑛總兵官武進伯朱冕左叅將

石亨與寇戰於陽和敗績瑛等死之亨奔還大同甲  
午上親征發京師八月庚戌車駕自大同東還辛酉  
次土木壬戌師潰車駕遂北狩冬十二月少保兵部  
尚書于謙等奏聞脫脫不花王阿剌知院人馬俱在  
開平迤南桓州威鹵明安赤八都西涼亭等處屯駐  
去邊不遠恐其因以入寇欲精選夜不收二百人潛  
往彼處各持短兵火器乘夜劫營勦殺使敵知我邊  
境有備日然望風遁走從之

實錄

景帝景泰元年春二月太監喜寧伏誅秋七月都御史  
楊善使瓦剌也先許上皇歸八月癸酉上皇發瓦剌

丙戌還京師

實錄○北征事行在行營太監喜寧

也先營云有旨欲遣總旗高鑿太監喜寧達子那哈出回京又密書喜寧謀叛情跡函于木片內繫高鑿股上令至宣府與總兵等官以計擒之及至野狐嶺鑿與喜寧飯於城下密約城上至進湯時即發短鎗少頃鎗發達衆走散高鑿抱喜寧滾墜濠中遂擒入城八月楊善至瓦刺也先等及其妻妾俱送上行約半日程也先下馬與其衆羅拜伏地慟哭遂辭去惟得知院領部下人馬送至野狐嶺

景泰四年秋九月宣府總兵官過興等奏兀良哈三衛

殘戎切近邊境所擄軍人自彼回者惟一晝二夜到

邊兵部言宜令過等嚴謹隄備如敵犯邊境即出奇

掩擊從之

實錄

景泰六年春正月獨石右參將周賢及叅政葉盛等擊

敗兀良哈衆於龍王堂西順路生擒朶的十二人斬首五級獲馬二十三疋事聞賞賚各有差實錄

景泰七年春正月詔朶顏泰寧等衛進貢俱從舊路喜

峰口驗入仍命獨石各邊官軍謹守關隘勿令枉道

實錄○先是宣府總兵官過興奏朶顏等衛遠年進貢俱從喜峰口入近年始從獨石今年又從萬全右

衛其實窺數虛實宜禁止之故有是命

口北三廳志卷十一

世紀下

明

英宗天順元年春三月宣府都指揮江山傅岩率官軍

巡哨至椹樹梁遇賊二百餘騎敗之盡獲其妻孥孳

畜器械而還

實錄

天順二年夏五月宣府總兵官楊能等奏項因北寇在

邊已調獨石叅將周賢張林各領所部官軍出巡期

會於瓦房嗟而賢失期乞執問治罪從之

實錄

憲宗成化五年夏五月宣府總兵官顏彪等奏韭菜川

洋川等墩瞭見寇騎千百成羣出沒境外有近墩通  
譯言其爲朶顏衛奄可帖木兒逐水草逐獸者上命

鎮巡等官飭兵防禦實錄

成化六年夏六月獨石馬營守臣奏朶顏衛酋革干台

伯顏等意欲西行犯邊見於獨石後駐牧又奏羊川

等墩瞭見境外寇或二三千或七八千多至萬餘及

朶顏衛部人多近邊潛住上命兵部移文宣府獨石

大同密雲鎮守等官各嚴兵防禦實錄

成化十六年春三月兵部尙書左都御史王越奏威寧

海子之捷實錄○時越既貴顯欲得封爵而無名會

有邊警遠喉太監注直出師又聞河套有

鹵潛住河間河開則移於威寧海子乃以計給直奏  
令保國公朱永率大兵由南路已與直率輕騎由宜  
府大同往會于榆林既至大同間有鹵營在威寧海  
子劫之可樹勳以自固乃說直盡調兩鎮勁兵冒險  
襲擊時威寧部落自以不爲寇不虞官軍之至壯者  
倉卒或裸體得馬而避老幼者多被殺掠而直等乃  
以大捷聞蓋自出師日  
色慘白無光云同上

成化十七年夏四月己卯命威寧伯王越佩平朔將軍  
印充總兵官率兵赴宣府擊敵時宣府總兵官周玉  
等馳奏本月二十九日叅將吳儼等追寇出獨石口  
山泉墩比暮不還又諜部酋亦思馬因等議與小王  
子連兵欲寇宣大詔各邊戒嚴命越同太監汪直率  
兵往調度五月癸卯總兵周玉復奏叅將吳儼追寇



出境至赤把都爲寇所遮兵分爲三儼等占北山困  
甚遊擊劉寧逗留不前賴守備指揮張澄率兵應援  
已解其二儼等不知也至夜二鼓乃棄士卒乘健馬  
沿山北遁匿於邊墩數日始還其夜士卒潰圍而出  
死者幾半上命治儼等罪而以綵幣羊酒勞澄陞爲  
都指揮僉事其部下七百人加賞各有差實錄

成化二十年寇屢入張家口野狐嶺西陽河大白陽新  
開口諸處攻圍墩臺殺掠人畜以去實錄

孝宗宏治元年秋八月北部數寇獨石萬全諸處六部  
劾奏巡撫宣府李介不能備禦之罪上特宥之實錄

宏治二年春正月詔依正統二年欽降榜例禁宣府沿邊軍士出境樵採以其啟釁招寇多被殺掠從巡撫

張錦奏也

實錄

宏治四年夏六月錄獨石口外羊川墩殺敵功官軍陞

賞各有差

實錄

武宗宏治十八年夏五月北部大舉入寇宣府營於牛

心山黑柳林等處長濶二十餘里巡撫都御史李進

總兵官張俊議分兵禦之既而敵由新開口毀垣而

入叅將李稽等禦敵於虞臺嶺俊率兵援之諸軍被

圍敗績死傷三千餘人失馬六千五百餘匹遊擊張

雄穆榮皆遇害掠去婦女畜產器械不可勝計議者

謂已巳兵禍以後所未有也實錄

正德八年春正月小王子擁眾寇邊圍副總兵神周於

草塚山實錄

正德九年秋七月北部小王子連營數十近宣大邊欲

寇天城又分遣萬騎入懷安總制叢蘭以聞命都督

白玉掛印充總兵官與蘭等協同戰守實錄

正德十一年秋七月募邊士有能擒致猴兒李者首從

皆指揮使世襲賞銀二千兩仍以其家產給之就陣

擒斬者錫以爵賞猴兒李者即李懷初充遊兵千總

虞臺嶺之敗降於敵詭曰陣亡其子勇得襲職後懷  
數誘敵入寇軍中號曰猴兒李兵部常議遷其子勇  
并家屬於湖廣以覘其歸順至是邊患愈急每獲謀  
者皆曰猴兒李在敵管稱爲平章諸部落皆聽其號  
令兵部覆議執勇并家屬至京按治詔仍舊安置

實錄

正德十五年秋八月小王子等駐宣府西路邊外把兒  
墩朶鑾觜牛心山各連營三四十里兵部議令都督

郤永等相機防禦從之

實錄

世宗嘉靖十一年春小王子乞通貢未得命怒遂擁十  
萬騎入寇時小王子最富強控弦十餘萬多畜貨貝

稍厭兵乃徙幕東方稱土蠻分諸部落在西北邊者甚衆日吉囊曰俺答者於小王子爲從父行據河套

雄黠喜兵爲諸部長相率躡諸邊

明史韃靼傳

嘉靖十六年冬十一月宜大總督周叙以北部各邊大

營俱已遠徙地方無事請回京兵部覆言邊外駝羸

澗等處俱係寇出沒要衝誠恐彼中駐牧尙多萬一

乘間入寇爲患匪輕叙未可輕動上命總督如舊

實錄

嘉靖二十年秋七月北部俺答遣其使石天爵肯切款

塞求貢詔拒之

實錄○俺答遣其使石天爵等款大

朝嘗入貢蒙賞發且許市場中外兩利近以貢道不通每歲人畜多災疾卜之神官謂入貢吉天爵原中

國人掠居邊外者肯切係真奇遣之同來果許貢當  
趣令一人歸報仰約束其下令邊民墾田塞中彼衆  
牧馬塞外永不相犯否則徙帳北鄙而縱精騎南掠  
云巡撫史道疏聞因言自宏治後不入貢且四十年  
而我邊歲苦侵暴今果誠心歸款其爲中國利殆不  
可言請下廷臣議所以待之者詔兵部集議以聞俺  
答待命塞外屢遣人向墩卒調進止一日邀守墩百  
戶李寶下墩以酒席地飲之載以馬擁入俺答營與  
之歡飲鹵衆有執掠哨卒劫其衣糧者俺答聞則痛  
懲之遣使送哨卒及衣糧還于是巡按御史譚學復  
以其事奏因請速定大計兵部集議謂鹵多詐其請  
貢不可信宜以大義拒絕之并議添總督大臣處置  
兵餉趣行赴鎮使之畏威遠遁方爲得策因條上便  
宜六事上曰鹵假辭求貢其情叵測差去大臣務選  
將練兵出邊追勦數其侵犯大罪絕通貢果能擒斬  
俺答阿不孩者總督鎮巡官俱加異擢部下獲功將  
士陞五級賞銀五百兩戶部卽發帑銀四十萬兩兵  
部發馬價銀二十萬兩各選廉能郎中隨軍調度仍  
選科道官各一員前往紀功如無破敵奇績大臣不  
許回京鎮巡官一體治罪遂以兵部尙書樊繼祖兼

右都御史為宣大總督已小王子等以石天爵愆期不返擁眾並塞而南遣使來告若言事不諧必三道並入並蹂秋稼於是宣大告急詔發各邊兵備德仍舉總督繼祖之任

嘉靖二十一年夏五月俺答阿不孩復遣其使石天爵滿受禿滿客漢自大同鎮邊堡欺塞求貢

實錄

嘉靖二十二年吉囊死諸子狼台吉等散處河西勢既

分俺答獨盛歲數擾邊

明史鞑靼傳

嘉靖二十五年夏五月俺答阿不孩遣其使堡兒寨等

三人款塞求貢

實錄





嘉靖二十六年春二月俺答復遣其使李天爵齎番文

求貢總督翁萬達以聞

實錄○北部自去歲夏中款大同塞求貢朝議疑之戒邊

臣無墮其計并責以究審確情期以十日內回奏于是邊臣已遣其使還約取要領并印信番文未至懼廟堂有意督過之遂以其使已去無可究詰惟整兵嚴備慎守疆塲爲覆已而其使復至則拒之自冬涉春其使益復絡繹款塞邊臣聊以好言答之而已不敢聞也俺答以既好中國散遣其衆不復設備遇探哨卒亦不殺是年二月復遣其使李天爵齎番文云俺答言其先祖父進貢今彼中大神言羊年利於取

和俺答會集保吉王子吉囊台吉把都台吉四大頭  
目相議求貢若准彼進黑頭白馬一匹白駱駝七隻  
騾馬三十匹求朝廷白緞一疋與大神掛袍麒麟蟒  
緞等件各頭目穿用邊內種口邊外牧馬內外不相  
害東起遼東西至甘肅俱不入犯今與中國約若北  
人入邊墻作賊中國執以付彼彼盡奪其人所畜馬  
以償中國不服則殺之若漢人出草地作賊彼執以  
付中國治罪不服亦殺之永遠爲好通年一二次入  
貢若大帥每許代奏卽傳諭部落禁其生事云總督  
翁萬達等以其事聞且言俺答自冬春來遊騎信使  
不下數十餘次詞頗恭順臣等以敵情叵測未敢輕  
議已將原來之使咨諭回管責取印信期以今秋西  
不犯延寧甘固東不犯遼蘄以取信中國果守約有  
誠述方敢代爲奏請然我之所以責彼取信者不難  
印信番文之必來而難于東西各邊之不犯設彼果  
如約而至猶復終絕之則彼之構怨可待而其鼓衆  
也有詞其報我也必專而力卽我受彼之詐而中變  
焉則彼負不義之名而舉無名之寇其爲患亦終弱  
且緩此曲直老壯所攸分也况邊臣職守之常貢亦  
備不貢亦備初不因是以爲增損如或彼之人貢爲

窺伺中國而困擾我邊爲反覆竊發也則當伏機而  
審待之或限之以地受方物於邊城之外或限之以  
人質其親族頭目百十人於鎮城或限之以時俟踰  
秋及冬然後頒賞如是則彼之誠也固在吾羈縻之  
中許也亦得免衝決之害矣夫不揆理之曲直事之  
利害以彼求貢爲必不可許者非虞禍者也以彼之  
納貢爲足恃而懈其防閑一任所請者非量敵者也  
臣等夙夜兢兢敢不熟思審處幸廟謨速決俾邊臣  
得從事焉疏上上切責邊臣未能除兇報國乃敢聽  
信求貢詭言輒騁遊詞代爲聞奏殊爲賣國令總督  
官申飭鎮巡諸臣協力殫心嚴兵防禦有執異沮撓  
者參治之蓋是時陝西有復套之議將督兵出塞當  
事者主之故  
力繼貢議爾

夏五月總督翁萬達奏近者俺答把都久住大邊威寧  
海子一帶套酋吉囊一枝亦復移營東渡聲勢重大  
茲復遣使求貢似有所挾卽應斬其來使昭我國威

第以邊防之故未可遽啟兵端姑善省論因遣間諜  
行吾機權務得其情爲之預備待有可乘之會然後  
一舉斯爲萬全但遣間行諜與往來交通事相遠而  
跡則相似故蓄逡巡之慮者鮮應變之謀執疑似之  
形者啟吠聲之誤此邊臣之所以自失機事之所以  
難投也要之禁例必嚴間諜不廢苟可濟事遑恤有  
他惟聖明垂鑒至于宣大山西巡撫俱宜親赴邊城  
適中去處駐劄綜理無得久駐省鎮致有他虞請行  
申飭部覆萬達言是悉從之蓋是時俺答諸酋與小  
王子有卻小王子欲寇遼東俺答以其謀來告請得

守許其將各部等衆於宣大延寧分投關示以我之  
布帛米糧易彼之牛羊騾馬旣可以中彼所欲因借  
以壯我邊備雖有所費亦不爲虛且夏秋之間分其  
兵馬縱有異心亦難遠合交易之際量加犒賞亦可  
以探刺彼情預爲經略如果奉約惟謹終歲不敢內  
犯俟至來春然後除議通貢如其蓄詐不誠秋高復  
肆則我之邊備原未嘗弛曲直誠僞勝負自分雖有  
狡黠再難藉口惟速賜宸斷邊方幸甚詔廷臣從長  
計議以聞於是兵部尙書趙錦會同文武廷臣議稱  
永樂成化間皆常設馬市遼東以待海西女直及朶

顏三衛諸部今俺答等求開馬市旣以親信之使虎刺記等爲質復縛送我叛人情詞誠欸似宜比照遼東事例暫爲允許請簡命練習邊事文職大臣一員奉敕前往大同選委諸酋素服叅遊武臣一員會同督撫鎮巡召集部酋宣諭威德許于大同五堡邊外開立馬市其宣府延寧諸鎮各督撫官酌量地方與就近各處部落開市每年四次俱於季終約限馬數仍諭各鎮嚴兵益備用戒不虞疏入上意未決問大學士嚴嵩嵩對此事邊臣計慮亦甚周詳蓋用以緩彼之入修我之備非以此爲可恃而遂忘備也旣廷

臣議奏應准暫開行但一年四次每次用馬價銀十萬兩似期密而費廣且將來谿壑難厭惟一年准開二次爲宜上然之詔悉如擬行命致仕侍郎史道以原職兼右僉都御史往大同經略邊事癸卯兵部員外郎楊繼盛疏請罷馬市以絕邊患上謂其阻撓邊機搖惑人心命執付鎮撫司杖訊黜爲狄道縣典史初繼盛疏入上謂此事邊臣奏已久又集廷臣會議繼盛胡不早言及已遣行乃肆瀆奏故怒黜之仍命集議壬寅大學士嚴嵩等議稱朝廷舉措關係匪輕今北使質留在堡大臣已去在途委難中止并候史道到彼酌處待報另議上意猶豫久之復諭輔臣歲市二次可止只與目前一行自後十年不敢犯方再准一次貢謂必不可許勿得示弱令欺中夏嵩等因言馬市歲准開二次已經咨行督撫傳諭鹵營約束



部落待命今復截止恐無以示信塞外伏望仍前明旨容開二次若過爲需求不許輕聽至於貢不可許應如聖諭夏四月開馬市於大同鎮羗堡俺答及其遵行報可

子脫脫各部落等衆共易馬二千七百餘匹市竣遣虎刺記等四人出邊五月乙巳侍郎史道奏大同馬市完并請宣府開市命兵部速檄該鎮如大司例舉行庚戌宣府設馬市於新開口堡部酋把都兒辛愛伯腰卜郎台吉委兀兒慎台吉凡五部入市易馬二千餘匹六月壬戌初大同馬市甫畢隨有寇騎犯左衛者史道遣使詰之則謂中國妖逆蕭芹喬源等實誘致之芹源皆持白蓮教邪術出入北地爲奸其黨

於東勝川鹵人號曰板升板升者華言城也富等先  
年皆以白蓮教妖術誘俺答導之入寇教以製鈎杵  
攻城堡之法中國甚被其害是時俺答引眾西掠且  
二年留部曲千餘人於豐州守其老幼鹵不耐暑每  
夏輒徙帳大青山口外避之而富等居板升如故也  
於是大同總兵官劉漢欲乘隙取富等爲中國除禍  
乃部分諸將率銳卒三千人馳進漢與副總兵趙尙  
等以重兵分三哨出邊營於玉林隘爲後繼叅將王  
孟夏等寅夜疾馳昧爽至豐州鼓噪奮擊斬首八十  
三級生擒六十七人餘眾奔還縱火焚其宮殿居室

時富先隨鹵帳北徙趙全走匿墩上叅將麻祿督兵掘墩半墮矣會寇騎大至我兵乃引退自馨亦脫走擒其弟自橋及其母胡氏全弟賢亦為我兵所殺奪獲牲畜器皿無算諸軍入邊往返凡五日總督葛綰以捷聞上聞而嘉之命陞賞各有差

錄

嘉靖四十年夏閏五月流裔史太史二等斬黃台吉所

置監部落孫頭目忍克等十餘人以其俘馘來獻

寶錄

○先是宣府龍門所邊外有流裔史太史二等為黃台吉以兵威略屬之因用為導以內訌永寧龍門之間頗被其害然黃酋淫虐凡史氏妻女及所部之婦有邑者多為所漁并攘其牛馬由是史氏怨恨不附累通款邊臣願內附保塞邊臣疑其詐令殺酋自以立徵信史氏兄弟乃斬黃酋所署監部落孫頭目

忍克等十餘人盡戕其家以  
其俘馘來獻守臣以聞同上

嘉靖四十三年秋七月宣府總兵官馬芳遣家丁三十

人出塞四百里搗巢斬首四級獲二人奪馬七匹以

還千戶燒化戰死實錄

隆慶元年冬十一月廣立賞格揭榜塞外曉諭華人之

陷鹵中者有能斬獻俺答等酋首及趙全周元者各

爵賞如例實錄

隆慶二年秋八月陞賞洗馬林邊外腦木岸等處搗巢

獲功官軍各有差冬十一月宣府總兵官馬芳率所

部叅將劉潭等千餘人出獨石邊外二百里襲擊鹵

騎於長水海子敗之還入邊未至敵追及於鞍子山  
復戰又敗之前後擒斬八十餘人奪馬四十餘匹事

聞廕賞各有差實錄

隆慶三年三月寇犯新河口等堡總兵馬芳胡鎮追擊

至塞外大沙溝敗之實錄

隆慶四年冬十月癸卯俺答孫把漢那吉率其屬阿力

哥等十人來降詔授把漢那吉為指揮使阿力哥為

正千戶把漢那吉者俺答第三子鐵背台吉之子也幼孤育於俺答妻所既長娶婦比吉久之

襖兒都司有女那吉欲娶之為俺答所奪其女即

答外孫女也那吉怒欲治兵相攻俺答以他女畀之終不悅遂棄所部來歸獨阿力哥等十人從已而

者相踵大同總撫方逢時受之以告總督王崇古

之鎮城撫慰甚至會俺答攻掠西番聞變亟引還約  
諸部兵入犯崇古檄各鎮巡嚴兵禦之乃上言請給  
宅授官厚賜衣廩部議悉如崇古言上曰那吉慕義  
來歸宜加優撫其以把漢那吉爲指揮使阿力哥爲  
正千戶各賜大紅紵絲衣一襲該鎮加意綏養  
共制鹵穢宜令崇古等悉如原議盡心處置 甲子

總督王崇古奏俺答調黃台吉所部兵分道入犯素

把漢甚急黃台吉陽爲發兵而陰擇便利抄掠志不

在把漢也我偵得其情分道禦之俺答頗不利及聞

把漢授官爵遂率衆出邊願摠誠款冬十一月俺答

遣使來乞封求輸馬與中國互市崇古以聞十二月

俺答執叛人趙全等九人來獻詔厚賜把漢那吉遣

之歸其封貢事命督撫等官詳議復奏

實錄○先是黃台吉之滿

大同也適俺答使在田世威營中世威讓之曰爾來  
 求和此兵何為者使者曰爾欲殺俺答乃令黃台吉罷兵  
 而以好言來謝總督王崇吉遣譯者鮑崇德偕其使  
 入俺答營言朝廷待把漢那吉不薄若趙全等且至  
 那吉夕返矣俺答大喜屏人語曰我不為亂亂山趙  
 全等吾孫降漢此天遣合中外之好也若天子幸封  
 我為王藉威靈長北方諸部誰敢不聽誓永守北邊  
 毋敢為患即不幸死吾孫當襲封彼衣食中國其忍  
 背德乎遂益發使五人與崇德來乞封又為黃台吉  
 乞官求輸馬與中國互市崇吉乃上疏請上亟賜裁  
 決兵部覆議請俟齒衆遠遁執獻板升諸逆則遣歸  
 那吉以結其心其封貢大典俟彼稽首稱臣然後再  
 議上以俺答既輸誠求懇且願執叛來獻具見恭順  
 乃遣把漢那吉歸厚賜之其封貢事令督撫等詳議  
 復奏十二月俺答執趙全李自馨王廷輔趙龍張彥  
 文劉天謀馬西川呂西川呂小老等來獻初趙全與  
 邱富從山西妖人呂明鎮習白蓮教事覺明鎮伏誅  
 邱富叛降南全權及其弟龍王廷輔李自馨降俺答  
 於遼外古豐州地屋居用伴招集中國亡命頗雜漢  
 彝居之衆數萬人名曰板升俺答授全等皆為酋長

邱富死全等益用亭數引寇入犯破城堡殺吏卒無  
歲不至邊境苦之已而試百戶張彥文遊擊家丁劉  
天麒明鎮子呂西川及邊民馬西川呂小老等先後  
降俺答與全等昔居板升全等因奉俺答爲帝治城  
郭宮室期日升棟會大風棟落壓死數人俺答懼不  
敢復居而全等亦各建堡治第制度擬於王者署其  
門日開化府有蟻宮鳳閣之號俺答益貴近之隆慶  
初汾石之禍實全等本謀也時邊事孔棘中外籍籍  
以板升爲憂募有得全者拜都指揮賞銀千兩久之  
不能得至是以把漢那吉故俺答誘執全等至雲石  
堡待命總督王崇古已得旨遂受其獻遣使送歸那  
吉那吉猶不肯行崇古諭以朝廷恩意許奉表通貢  
不絕及宴賚加厚那吉感泣誓不敢貳中國攜其妻  
以歸留阿力哥及俺答使二人爲質以狀聞兵部奏  
請告廟獻俘正  
法從之同上

隆慶五年春二月總督王崇古等奏上俺答乞封貢便  
宜入事上命兵部與廷臣集議時都給事中章甫端



等各條上封貢互市事與崇古入議互有異同詔併下部議於是定國公徐文壁吏部侍郎張四維等二十二人皆以爲可許英國公張溶戶部尙書張守直等十七人以爲不可許工部尙書朱衡等五人以爲互市不便封貢便獨僉都御史李棠極言宜許狀兵部尙書郭乾滄於羣議不知所裁姑條爲數事上之大抵皆持兩端上以爲未當命更議以聞於是兵部再議悉如崇古請封俺答王號餘授都督指揮千戶職銜今貢期已過二月聽於三四月後一行互市之時先定入市馬數以杜爭端其貢便不得至京鐵鍋

等物不得闖出及他事仍持初議上允行之夏四月  
封俺答爲順義王授昆都力哈黃台吉爲都督同知  
賓兔台吉等十人爲指揮同知那木兒台吉等十九  
人爲指揮僉事打兒漢台吉等十八人爲正千戶阿  
拜台吉等十二人爲副千戶恰台吉等二人爲百戶  
昆都力哈卽俺答弟把都兒也六月甲寅順義王俺  
答及昆都力哈等貢馬五百九匹遣其使齋表文貢  
上馬三十匹銀鞍一副禮部請祭告郊廟御殿受賀  
從之丙辰順義王俺答執趙全餘黨趙宗山穆教清  
張永寶及妖李孟陽等來獻先後十三人總督王崇

古以聞上嘉俺答誠順命賞賚有差尋詔宣大巡按

御史礫宗山等傳首九邊秋九月宣大總督王崇古

報北部互市專竣

大同得勝堡自五月二十八日至六月十四日官市順義王俺答部

馬千三百七十匹價萬五百四十五兩私市馬羸

牛羊六千撫賞費九百八十一兩新平堡七月初二

至十四日官市黃台吉擺腰兀慎部馬七百二十六

匹價四千二百五十三兩私市馬羸牛羊三千撫賞

費五百六十一兩宜府張家口堡六月十三至二十

六日官市昆都力哈永邵卜大成部馬千九百九十

三匹價萬五千二百七十七兩私市馬羸牛羊九千

撫賞費八百兩山西水泉營八月至十九日官市俺

答多羅土蠻委兀慎部馬二千九百四十一匹價二

萬六千四百兩私市馬羸牛羊四千撫賞費千五百

兩市皆無擾

冬十二月御史劉良弼以封貢事畢上疏陳

六漸一日封疆弛守之漸二日熟畜疑叛之漸三日

將傾推諉之漸四曰塞下虛耗之漸五日勇士散逸之漸六曰市地增加之漸且言黃台言嚮化不醇他日必爲邊患上以其言示總督王崇古覆言良弼所以憂塞下虛耗者蓋因開市之始邊鎮苦於無商倉卒招派稍覺煩攪今則官出商本聽軍民自相貿易利厚馬蕃何憂虛耗往者邊將多飾謾辭持兩端以避事今首議已定信賞必罰何憂推諉至於黃酋驚駭臣亦知之但彼旣出悔過之言又自與父叔內疑勢窮乞貢臣設策牢籠使其中有所慕而不能携外有所畏而不敢肆然後許之雖難保其終然撫馭之

策似無出此其外四事臣亦嘗效愚計而不敢自料  
欲固封守在嚴諭鹵將及我兵守哨者彼此機防使  
窮裔不得入盜墩軍不得出掠欲熟裔無叛當于撫  
賞之中明示勸懲如有仍盜彼畜及妄言阻壞貢議  
者一切裁之以法欲勇士得所請將各鎮巡標下真  
裔通丁分爲二等正糧之外悉如寧夏事例加給肉  
菜銀并幼丁糧銀仍令各總兵分散養廉地租以畜  
死士欲勿增市場但當聽其每月一市如遼東之例  
庶免先後臨場擠擁疏入兵部覆崇古所議前二漸  
處分已決後四漸大率皆行惟增加市地及三鎮市

地之說斷乎常禁蓋不得已而互市使邊人日夜與

外構結非完計也上從部議

實錄

隆慶六年春正月順義王俺答請給金字番經及遣番

僧傳習經咒總督王崇古以聞因言俺答欲事佛戒

殺是即悔過好善之萌我因明通蔽亦用夏變化之

策宜順其情以維貢事從之閏二月黃台吉遣兵掠

車部革固帳房部衆以去

革固者不知始所從來嘉靖間始流駐宣府邊外與

史部雜處宣府因遂撫之以爲外藩然非故屬部亦往往爲黃台吉所掠至是撫臣吳兌奏言革固種落不過千人其去留無足爲中國輕重但與史部勢同唇齒革固被掠則史部亦恐見侵請于近邊開曠之處另築小堡一二以安插史部俾頓老小其壯丁聽近邊駐牧遇有攻掠既得自行拒敵或值調遣亦可

安心策應是東又設重險以敵禦敵一利也潛消敵  
 謀不得侵掠屬部以杜釁隙二利也另堡安插免  
 漢錯居以謀久遠三利也築堡規制毋許太寬止許  
 安插老幼貨財其壯丁帳房仍環列堡外平時附近  
 放牧有警登堡防禦每堡選撫商官一員率通夜人  
 等為之稽防奸偽啓閉堡門既可預弭其跋扈之謀  
 又可羈戀其飛揚之志四利也舍此不為敵首時來  
 誘掠勢莫能禦屬部惟見背敵之害而不能得中國  
 保護之利必至結寇其  
 心漸離非計之得也 夏四月總督王崇古為順義

王俺答請乞四事其一請給王印如先朝封忠順故  
 事其二請許貢使入京比於三衛其三請給鐵鍋其  
 四請給撫賞俺答親屬及春貢時散給所部窮裔布  
 帛米豆仍許集上不時小市布米等物疏入兵部會  
 議順義王印如議鑄給其貢使至邊令光祿署丞

賞賞物就給本鎮具欽賜筵宴待之如禮其議給贖  
路二鑄均犯出境之物請以銅鍋代之其親屬及窮  
裔之賞令總督審量撫賞勿靳勿濫從之

寶錄



十一  
十二  
十三  
十四  
十五  
十六  
十七  
十八  
十九  
二十

三

加給本鎮具欽賜筵宴待之如禮其議給贖  
以犯出境之物請以銅錫代之其親屬及窮  
令總督審量撫賞勿靳勿濫從之實錄

懷宗崇禎元年虎墩兔攻哈喇慎及白言台吉卜石兔

諸部皆破之遂乘勝入犯宣大塞

明史韃靼傳○是秋帝召總督王象

乾詢以方略象乾對言禦插之道宜令其自相攻今卜石兔西走套內白言台吉挺身走免而哈喇慎所部多被擄不足用永邵卜最强約三十萬人台卜石兔所部并聯絡朵顏三十六家及哈喇慎餘衆可以禦插漢然與其搆之不如撫而用之帝曰揀漢意不受撫奈何對曰當從容籠絡帝曰如不款何象乾復密奏帝善之命往與督師袁崇煥共計議相合因定歲與插八萬一千金以示羈縻

崇禎二年虎墩兔乞增賞未遂縱掠塞外既而東附

大清兵攻龍門未幾為

大清兵所擊六年夏揮漢聞

大清兵至盡驅部眾渡河遠逝是時韃靼諸部先後歸附

於我明年

大清兵遂大會諸部於兀蘇河南岡頒軍律焉而虎已卒

乃追至上都城盡俘揮漢妻孥部眾

明史 韃靼 輶傳

崇禎三年用兵敖目台吉北路款市絕

宣鎮續志 ○ 按 明史 敖目台吉

作敖目 比吉

本朝

太宗文皇帝天聰六年親征察哈爾林丹走死其子孔果

爾額哲來降

一統志察哈爾明時曰插漢本元裔小王子後嘉靖間卜亦駐牧察哈爾之地

田以各部後徙帳於遼東邊外四傳至林丹汗浸暴諸部

本朝天聰六年

太宗文皇帝統大軍親征林丹走死其子孔果爾額哲來

降即其部編旗駐義州康熙十四年布爾尼兄弟叛逆討平之削四爵遷部衆駐牧宣化大同塞外有前鋒佐領等員管轄從征噶爾丹有功

聖祖仁皇帝詔增給其護軍餉復以來降之喀爾喀厄魯

特部編為佐領隸焉其正白鑲白正藍三旗駐獨石口外鑲黃正黃鑲紅正紅四旗駐張家口外鑲藍一

旗駐殺虎口外

聖祖仁皇帝康熙二十年夏五月發宣大存貯米石賑邊

外蒙古饑

康熙二十九年秋八月己酉撫遠大將軍和碩裕

大破噶爾丹於烏蘭布通

先是七旗喀爾喀分三部落每部各有汗統之一為

扎薩克圖汗一為土謝圖汗一為車陳汗俱故元之苗裔因自相蠶食致成嫌隙曾遣大臣會盟為之和解後因土謝圖汗疑扎薩克圖汗貳於噶爾丹起兵擊殺之時噶爾丹方強盛有并鄰國志聞之遂與師侵掠三部落三部之人力不支數十萬眾皆亡入內扎薩克圖十八旗請內附求廩給

聖祖

仁皇帝念其歸化甚憫之賞牲畜米穀令於扎薩克地方暫行駐牧以撫餘眾至是噶爾丹以追土謝圖汗澤卜尊丹巴胡圖克圖為名率領厄魯特眾數萬深入內扎薩克游牧境內擄掠烏朱穆秦克西克騰等旗勢甚張

上以裕親王為大將軍統大兵於七月初六日發京師進討八月初一日遇噶爾丹於烏蘭布通自未至戍連戰大破之噶爾丹懼甚誓不敢復犯納誓書而遁

康熙三十年夏五月戊子

聖祖仁皇帝車駕幸多倫諾爾大閱軍容會盟諸部落厚

賞喀爾喀給與封爵

先是

上欲撫綏喀爾喀親巡塞外御

史沈愷會疏止之

上以喀爾喀雖納貢尚未制觀全身率數十萬衆傾心歸

誠賞賚撫綏所關甚鉅須親巡以安之遂於四月十

二日丁卯發京師五月初三日戊子大宴喀爾喀澤

卜尊丹巴胡圖克圖土謝圖汗車陳汗扎薩克圖汗

之弟策旺扎布諾顏台吉等復厚賞閱軍容

降旨訓諭按其人之多寡族之大小賜土謝圖汗車臣汗

原號封扎薩克圖汗之弟為親王旋令仍襲汗號餘

封郡王者七貝勒二貝子六鎮國公三頭等台吉十

將各所屬丁衆仿四十八旗之制編為佐領并賞四

十八旗王台吉銀幣先是未盟之前土謝圖汗澤卜

尊丹巴胡圖克圖自將殺扎薩克圖汗事奏明請罪

是以會盟時各喀爾喀等咸

悅服初七日事竣回

康熙三十五年正月丙午

上親征噶爾丹發京師出獨石口夏四月壬寅至巴顏烏

蘭噶爾丹遁五月戊午大破之殺其妻扎努喀屯噶

爾丹走死先是噶爾丹雖設誓逃遁侵掠猶未已潛遣人窺京師並搖惑四十八部扎薩克王

台吉

上震怒欲自討之大學士王熙等上疏勸止

上以噶爾丹在烏蘭布通敗北時將軍大臣信其立誓縱

去已失機宜此次非親征不可遂統大兵由中路以

領侍衛內大臣伯費揚古為撫遠大將軍由西路會

剿三月十一日丁卯

上駐蹕獨石口外齊倫巴爾哈遜是日遣戶部侍郎阿爾

拜致祭獨石口外山川之神十二日駐蹕諾海和

朔十三日駐蹕博落河屯十五日發博落河屯由

察哈爾鑲白旗取道進剿先與大將軍費揚古訂期

於四月二十日至圖拉二十七日會於噶爾丹駐牧

之巴顏烏蘭併力協勦

上行速如期而至西路兵猶未到

上遂先進噶爾丹聞之懼棄老弱牲畜夜遁五月十三日

丁比三德志

卷十一 世紀下

四



遇費揚古師於昭木多之地我兵奮擊大破之逐北  
俘斬二十餘里殺其妻扎努喀屯噶爾丹率數十騎  
遠遁不知所之六月癸巳

上仍由獨石口回鑾至京師明年二月

車駕復親征哈密擒噶爾丹子獻俘行在三月進次

狼居胥山噶爾丹窮蹙脫跳無所乃於閏三月癸巳

仰藥死厄魯

特亡逆逆師

世宗憲皇帝雍正二年秋七月設張家口理事同知管理

口外東西兩翼八旗地方錢糧稽察盜匪等事

雍正六年 月

特命四品頂帶官范毓麟承辦北路軍糧

自康熙三十五年

聖祖仁皇帝親征噶爾丹特命左都御史于成龍總理

運軍糧每百計費銀一百二十兩迨後策妄阿拉布

坦及子策零世濟其惡類年出師仍遵舊例運米軍

營歷久遠... 及問閩雖... 朝廷每以... 帶官范... 萬石每石... 官營剋期... 於

上卽奉

旨令於張家口等處辦運毓積感激知遇殫心厥職於六  
七五年運察漢叟爾米十七萬七千餘石俱照六十  
一年例每石再減銀十五兩嗣因駝牛價賤所領腳  
價二十五兩尚有贏餘與出兩年內節省銀共一百  
萬兩是後辦運察漢叟爾糧俱照節省之數每石  
定價十九兩其鄂爾坤軍糧初定價十三兩後止領  
銀十兩六錢查克拜達里克烏里雅蘇泰白格爾蒙  
古爾拖羅海鄂爾坤推河洪郭爾鄂倫自十九兩至  
十一兩不等惟科卜多定價二十五兩或時至二十  
八兩以上俱按各路軍屯道里積年人畜工價酌定  
遵行毓積矢公矢慎一切招徠商販僱募人夫既無  
侵漁剋扣又復籌畫周詳故雖時踰十年地懸萬里

丁七三德志 卷十一 世紀下

四

運糧至百萬石省費至千萬兩而起運則調撥有方  
中途則頓貯有所抵運則升斗有稽經理非井公私  
無擾

上嘉其績特命吏部從優議叙加太僕寺正卿職銜再加

三級准用二品服色復賜花翎紅絨結頂等物一

時以為榮遇至九十兩年運道多梗前後共報失米

十三萬餘石毓積捐貲運足

上知毓積辦運實心無虛詞捏報理令據實請銷戶部難

之遂不果銷又十年十一年間科卜多官兵移駐烏

里雅蘇泰等處所運在軍在途米石槩令運回駐軍

處所交納原領脚價部議核減運戶貧不能償虧帑

至二百六十餘萬兩毓積另籌給價運回所虧帑項

獨任賠補不復行追眾運戶感之為立石歸化城以

頌其德焉

雍正九年冬十月命侍郎阿山等查丈張家獨石二口

外東西兩翼招民墾種地畝

雍正十年秋七月分設多倫諾爾理事同知以獨石口

驛站員外郎兼管

雍正十一年陞口北道王棠爲光祿寺卿

命總理北路軍需駐張家口大兵討逆行賫居送不特芻粟爲然凡甲冑器械一切軍營所需什物俱由工部製造委員押送至口轉僱駝脚運至軍營每年運費約數十萬軍興孔亟辦理須人口北道統轄口外三廳兼有錢糧刑名案件地衝事劇不能兼顧恐悞軍期因

特設京堂官總理以重其任王棠久蒞口北夙諳邊事卽  
陸光祿卿專

敕駐口辦理其口北道卽以張家口理事同知白石陞授  
繼棠者爲光祿卿劉吳龍乾隆元年以班師撤回

雍正十二年秋九月分設獨石口理事同知管理東翼  
四旗錢糧刑名等事其西翼四旗仍令張家口同知  
管理

雍正十三年冬十月多倫諾爾專設理事同知管理稽  
查賊盜人命等案其驛站員外郎仍回獨石口管事  
今上乾隆元年春二月分張家口理事同知所管西翼正  
黃半旗正紅鑲藍正藍三旗地土在山西大同邊外  
者別設大朔通判歸併管理

自宣化府西北平遠堡  
口外由閩老灣迤北自

東不背而抵大青山邊界  
大河之豐川衛分界立不

隆三年 月停止北運  
時策零悔罪輸誠大兵盡  
撤其屯駐官兵每月額支

口糧數少軍營現貯舊糧共十七萬石有奇屯山處  
穀石又三萬有奇總理事務王大臣等議奏請俟二

年七月議定應運米二萬石  
運足之後停其運送從之

隆七年夏六月命副都統汪扎爾督捕張家口外盜

賊并清查東西兩翼八旗地界議定各旗雜盜處分

事宜

三十一終

北三庫志卷之十二

藝文一

史之藝文列其目外史之藝文述其辭多寡殊故詳畧異也北徼沙磧古戰場耳然隆碣之建卽於金戈鐵馬中傳之遼金以來文學侍從之流冠蓋絡繹大章傑作徃徃而多各志附載之外餘篇又裒然成集矣至奏疏動關邊計吟詠多載地程故採輯獨廣俾覽者有所考證焉志藝文

冊文

金章宗封狐土白山爲瑞聖公冊文

明昌四年



國家之興命歷攸屬天地元化惟時合符山川百神無不  
受職粹精薦瑞明聖繼生著丕應於殊禎啓昌期於幽贊  
裒對信猶之典咸修望秩之文嘉乃名山奠茲勝地下綿  
乾分上直繩輝盤析木之津達中原之氣廓除氛祲函毓  
太和仰惟光烈昭垂徽音如在卽高明而清暑克靜壽以  
安仁周廬安寧厚澤浹洽朕祗循祖武順講時巡感美號  
以興懷佩聖謨而介福言念誕彌之初度抑由翊衛之効  
靈然猶祀秩無章神居不屋非所以盡報功崇德之義副  
進始樂原之心爰飾名稱載新祠宇勒忱辭於貞琰涓良  
日於元龜彰服彩以辨威潔廢縣而致祭闡揚茂實啟

多儀今遣使持節備物冊命神爲瑞聖公仍敕有司歲時奉祀於戲尚其聰明歆此誠意孚休惟永亦莫不寧

金章宗封靜寧山神爲鎮安公冊文 明昌六年

古之名山咸在祀典軒皇之世神靈所奉者七千虞氏之時望秩每及於五載蓋惟有益於國是以必報其功逮乎後王申以徽冊至于嶽鎮之外亦或封爵之加故太白有神應之稱而終南有廣惠之號禮由義起事與時偕載籍所傳於今猶監朕修和有夏歲秩無文眷茲靜寧秀峙朔野緼澤布氣幽贊乎坤元導風出雲協符乎乾造一方之表萬物所瞻南直都畿北維障徼連延廣厚寶藏攸興盤

固高明謬宮斯奠昔有遼常恃以富國迄大定更爲之錫  
名洪惟世宗功昭列聖亦越顯考德利生民爰卽歲時駕  
言臨幸兵革不試遠人輯寧兩賜常調品彙蕃庶此上帝  
無疆之貺亦英靈有相之符此卽輿情載修故事顧先皇  
駐蹕之地揖累世承平之風迓續遺休式甄神祐肆象德  
以昇號仍班台而闡儀宇像一新采章具舉今遣使持節  
備物冊命神爲鎮安公仍敕歲時奉祀於戲容典焜耀精  
明感通惟永億年翊我昌運神其受職豈不偉歟

奏疏

諫許南單于請兵北伐歸舊庭疏

後漢  
宋意

夫塞外之隔遠中國幽處北極界以沙漠簡賤禮義無有  
上下疆者爲雄弱卽屈服自漢興以來征伐數矣其所尅  
獲曾不補害光武皇帝躬服金革之難深昭天地之明故  
因其來降羈縻畜養邊人得生勞役休息於茲四十餘年  
矣今鮮卑奉順斬獲萬數中國坐享大功而百姓不知其  
勞漢興功烈於斯爲盛所以然者北部相攻無損漢兵者  
也臣察鮮卑侵伐匈奴止是利其抄掠及歸功聖朝實由  
貪得重賞今若聽南鹵還都北庭則不得不禁制鮮卑鮮  
卑外失暴掠之願內無功勞之賞其性貪婪必爲邊患今  
北鹵西遁請和求親宜因其歸附以爲外扞巍巍之業無

以過此若引兵費財以順南鹵則坐失上畧去安卽危矣  
誠不可許

諫幸金蓮川疏

金  
梁 襄

金蓮川在重山之北地積陰冷五穀不殖郡縣難建蓋自  
古極邊荒棄之壤也氣候殊異中夏降霜一日之間寒暑  
交至特與上京中都不同尤非聖躬將攝之所凡奉養之  
具無不遠勞飛輓越山踰嶮其費數倍至於頓舍之處軍  
騎闐塞主客不分馬牛風逸以難收臧獲捕逃而莫得奪  
攘蹂躪未易禁止公卿百官衛士富者車帳僅容貧者穴  
居露處興臺皂隸不免困踣饑不得食寒不得衣一夫致

疾染及衆人夭傷無辜何異刃殺此特細故耳更有大於此者臣聞高城峻池深居邃禁帝王之藩籬也壯士健馬堅甲利兵帝王之爪牙也今行宮之所非有高殿廣宇城池之固是廢其藩籬也掛甲常坐之馬日暴雨蝕臣知其必羸瘠矣禦侮待用之士穴居野處冷啖寒眠臣知其必疲瘵矣衛宮周廬才容數人一旦霖潦積旬衣甲弓刀霑濕柔脆豈堪爲用是失其爪牙也秋杪將歸人已疲矣馬已弱矣裹糧已空褚衣已敝猶且遠幸松林以從畋獵行於不測之地往來之間動踰旬月轉輸移徙之勞更倍於前矣以陛下神武善騎射舉世莫及若夫銜檠之變猛犖

之虞姑置勿論設於行獵之際烈風暴至塵埃漲天宿霧  
四塞跬步不辨以致翠華有崑陵之避襄城之迷百官狼  
狽於道途衛士參錯於隊伍當此宸衷寧無戒悔夫神龍  
不可以失所人主不可以輕行良謂此也所次之宮草畧  
尤甚殿宇周垣唯有氊布押宿之官上番之士終日馳驅  
加之饑渴已不勝倦更使徹曙巡警露坐不眠精神有限  
何以克堪雖陛下悅以使人勞而不怨豈若不勞之爲愈  
也君人者不可恃人無異謀要在處已於無患之地也燕  
都地處雄要北倚山嶮南壓區夏若坐堂隍俯視庭宇本  
地所生人馬勇勁蓋京都之首選也況今又有宮闕井邑

之繁麗倉府武庫之充實一日官家屬皆處其內非同曩日  
之陪京也居庸古北松亭榆林等關東西千里山峻相連  
近在畿輔易於據守皇天本以限中外開大金萬世之基  
而設也奈何無事之日越居草萊輕不貲之聖躬愛砂磧  
之微涼忽祖宗之大業此臣所惜也又行幸所過山徑阻  
脩林谷晻靄上有懸崖下多深壑垂堂之戒不可不思臣  
聞漢唐離宮去長安纔百許里然武帝幸甘泉遂中江充  
之姦太宗居九成幾致結社之變太康畋於洛汭后羿拒  
河而失邦魏帝拜陵近郊司馬懿竊權而篡國隋煬海陵  
雖惡貫滿盈人誰敢議止以棄離宮室遠事巡征其禍遂



速此皆可爲殷鑒也臣嘗論之安民濟衆唐虞猶難之而今日之民賴陛下之英武無兵革之憂賴陛下之聖明無官吏之虐賴陛下之寬仁無刑罰之枉賴陛下之節儉無賦歛之煩可謂能安濟矣而遊畋納涼之樂出於富貴之餘靜而思動非如衣食切身有不可去者罷之至易耳唐太宗將行關南畏魏徵而即停漢文帝欲馳霸陵袁盎諫而遽止是陛下能行唐虞之難行而未能罷中主之易罷臣所未能喻也且燕京之涼非濟南之比陛下牧濟南日每遇炎蒸不離府署今九重之內臺榭高明宴安穆清何暑可到議者謂陛下北幸久矣每歲隨駕大小前後歌舞而

歸今茲再出寧有遽不可乎臣愚以爲患生於不戒者多矣西漢崇用外戚而有王莽之禍梁武好納叛降而有侯景之變今者累歲北幸狃於無虞往而不止臣甚懼焉臣又聞陛下於合圍之際麋鹿充物圍中大而壯者纔取數十以奉宗廟餘皆縱之不欲多殺是陛下恩及於禽獸而未及於隨駕衆多之臣庶也議者謂前代守文之主生長深宮畏見風日彎弧上馬皆所不能志氣銷懦筋力拘柔臨難戰栗束手就亡陛下監其如此不憚勤身遠幸金蓮至於松漠名爲坐夏打圍實欲服勞講武臣愚以爲戰不可忘畋獵不可廢晏安鴆毒亦不可懷然事貴適中不可

過當今過防驕情之患先蹈萬一有危之途何異無病而服藥也况欲習武不必度關涿易雄保順冀之間地廣又平且在那域之中田獵以時誰曰不可伏乞陛下發如綸之旨回北轅之車塞雞鳴之路安處中都不復北幸則宗社無疆之休天下莫大之願也

諫幸景明宮疏

金董師中

近年水旱爲沴明詔罪已求言罷不急之役省無名之費天下欣幸方春東作而亟遣有司修建行宮揆之於事似爲不急况西北二京臨潢諸路比歲不登加以民有養馬簽軍挑壕之役財力大困流移未復米價甚貴若扈從至

彼又必增價日繼升合者日以萬數舊籍北京等路商販  
給之倘以物貴或不時至則饑餓之徒將復有如曩歲殺  
太尉馬毀太府瓜果出忿怨言起而爲亂者矣書曰民情  
大可見小人難保况南北兩屬部數十年捍邊者今爲必  
里哥孛瓦誘脅傾族隨去邊境蕩播如此可虞若忽之而  
往豈聖人萬舉萬全之道哉邇者太白晝見京師地震又  
北方有赤色暹明始散天之示象冀有以警悟聖意修德  
銷變矧夫逸遊古人所戒遠自周秦近逮隋唐與遼皆以  
是生變可不慎哉可不畏哉

諫修上都宮闕疏

元 陳祖仁

自古人君不幸遇艱虞多難之時孰不欲奮發有爲成不世之功以光復祖宗之業苟或上不奉於天道下不順於民心緩急失宜舉措未當雖以此道持盈守成猶或致亂况欲撥亂世反之正乎夫上都宮闕創自先帝脩於累朝自經兵火焚燬殆盡所不忍言此陛下所爲日夜痛心所宜亟圖興復者也然今四海未靖瘡痍未瘳倉庫告虛財用將竭乃欲驅疲民以供大役廢其耕耨而荒其田畝何異扼其吭而奪之食以速其斃乎陛下追惟祖宗宮闕念茲在茲然不思今日所當興復乃有大於此者假令上都宮闕未復固無妨於陛下之寢處使因是而違天道失人

心或致其業之興廢。天下生民者亦祖宗之生民。陛下亦安忍而輕棄之乎。願陛下以生養民力爲本。以恢復天下爲務。僅冀邊鄙以驅策英雄。親正人遠邪。佞以圖謀治道。夫如是。則承平之觀。不日咸復。詎止上都之宮闕而已乎。

籌北部欵塞疏

隆慶五年六月

高拱

竊惟來者不拒王者。馭遠之難。蓋莫難於危。聖人保邦之訓。頃者北部俺答率衆欵塞。稽首稱臣。奉貢闕下。數月之間。三垂晏然。一塵不擾。邊氓釋戈而荷鋤。歸城熄烽而安枕。此自古稀覯之事。而今有之。實我皇上聖德誕被。神武布

昭所致中外臣民所以觀聽者無不頌於罔極者也然初  
 議之時發言盈庭而臣等所以仰奉宸斷贊成大計者其  
 說有三夫外國天性忿鷙適其欲則喜違其願則怒為中  
 國計惟當順其所利而因而制之固非可以禮樂取服法  
 度繩約者也昔嘉靖十九年北虜寇邊屢年不寧金帛實  
 賚與互市之利耳而邊臣倉卒不測虜虜竟為堂堂事之臣  
 憚於王計直却其請斬使絕之以致諸部怨憤自此擁眾  
 大舉入犯或在宣大或在山西或在薊昌或直抵京師三  
 十年來迄無寧日遂使邊境之民肝腦塗地父子夫妻不  
 得相保膏腴之地棄而不耕屯田荒蕪鹽法沮壞不止邊

心或致大業之隳廢則夫天下者亦祖宗之天下生民者亦祖宗之生民陛下亦安忍而輕棄之乎願陛下以生養民力爲本以恢復天下爲務信賞必罰以驅策英雄親正人遠邪佞以圖謀治道夫如是則承平之觀不日咸復詎止上都之宮闕而已乎



議把漢歸降處置事宜疏

明 王崇古

今聖武布昭黥鹵效順殆天意非人力也顧事係國體不  
 細臣熟計之有三策焉俺答橫行塞外幾五十年威制諸  
 部侵擾邊圉今神厭凶德骨月離叛把漢那吉千里來降  
 宜給宅舍授官職豐餼廩服用以悅其心嚴禁出入以虞  
 其詐若俺答索取則因與為市責令縛送板升諸逆還被  
 掠人口然後以禮遣歸策之上也若遂桀驁稱兵不可理  
 諭則明示欲殺以撓其志彼望生還必懼我制其死命志  
 奪氣沮不敢大逞然後徐行吾計策之中也若遂而不求  
 則當厚加資賞結以恩信其部眾繼降者處之塞下即令

把漢統領畧如漢制屬國居烏桓之制他日遣答死子辛  
愛必有其眾因加把漢名號令收集餘眾自爲一部辛愛  
必忿爭彼兩族相持則兩利俱存若互相讐殺則按兵相  
助彼無暇侵我遂得休息又一策也臣日夜度鹵之狀不  
出此三端爲吾應之之術無踰此者若循舊例安置海濱  
使俺答日夜南望侵擾不已又或給配諸將使之隨營立  
功彼素驕貴不受驅策駕馭苟乖必滋怨望頓生颺去之  
心終貽反噬之禍均爲無策惟陛下集諸臣裁定可否

請許俺答封貢疏

明 王崇古

俺答雄據漠北保我叛人掠彼番部有衆十餘萬矣東結

朶顏三衛爲嚮導西挾吉囊子孫爲羽翼常首禍謀今把漢那吉激小忿而來降黃台吉謀內鄉而見挫老酋悔禍投誠納款此天時也臣聞國初時嘗封鹵爲忠順王近事則西番諸國亦各有封請得許俺答比諸國爲外藩定其歲貢之額示以賞賚之等長率衆酋以昭聖朝一統之盛官黃台吉等以結其父子祖孫之心歸我叛人翦其羽翼亦中國之利也今鹵中布帛鍋釜皆作中國每入寇則寸鐵尺布皆其所取通貢之後不可復得將不無鼠竊之憂若許通市則和好可久而內外兼利他邊如遼東開原建昌肅州西番諸部皆有市乞倣其制刻日平價申禁防姦

以和其交事宜無不就者惟上亟賜裁決以安疆場奏上  
督鎮巡官詳悉覆奏賜把漢綵段四表裏布百疋遣之歸令總  
是年十二月鹵執我族人趙全等來獻崇古受之獻俘于  
朝上命奏告郊廟祿諸逆于市  
內外有功諸臣恩賚各有差

論俺答請封通市疏

明 王崇古

俺答自得孫後遣使來謝且乞表式請封但言吉囊大把  
都來與盟疑有詐臣未之許蓋老把都俺答親弟吉囊之  
子吉能等皆親弟姪而兀慎擺腰永邵卜哆囉土番等酋  
又多其本統親枝也俺答於諸鹵爲尊行力能合之必同  
心內附然後可假以王封官諸酋長比三衛示羈縻焉第  
俺答以爲土蠻故主也力不能致臣聞老把都與土蠻善

而內親黃台吉適黃台吉使來臣令其約老把都以招土蠻如其來也可以破三衛交構之私卽不來則失俺把諸酋之助其勢自孤卽今秋之寇但能螫遼左不敢南窺矣今俺答與老把都吉能永邵卜諸部各遣使十八人持番文來言諸酋感聖朝曠恩願相戒不犯邊專開貢市以息邊民第諸邊將士習燒荒尚搗巢恐妨大信願明禁約以結盟好惟陛下與諸臣計之

上封貢便宜八事疏

明 王崇古

今日之事不當以馬市例論嘉靖中俺答擁衆入犯薊鎮執馬房內臣楊淮等脅以奏開馬市先帝不允而命咸寧

侯仇鸞將兵撻伐鸞出塞無功懼鹵復至潛以金帛媚鹵  
仍許請開市以逭已責當是時鹵勢方張開市之請非其  
本心繇逆鸞私謀故不旋踵而叛盟肆掠爲患益甚先帝  
震怒始寘于辟嚴爲之禁明旨具在臣等敢冒請以干大  
辟哉顧今北情實與昔殊鹵連歲入犯固多所掠乃其所  
亡失亦畧相當又我兵出境搗巢趕馬彼亦苦之是鹵固  
非昔之強也屬者戴天朝歸孫之恩旣獻俘闕下復約其  
弟姪并各部落誓永不犯邊又非如昔之擁兵壓境挾我  
邊臣而坐索也且聞鹵欲圖瓦刺蠶食西番慮我軍議其  
後故堅意內附以自固其情可信又鹵使云所請市非復

請馬市但許貢後容令貿易如遼東開原廣寧互市之規  
此國制待諸部之常典非昔馬市比臣等以爲使先帝在  
亦必俯從無拒也且昨歲秋防報警京城戒嚴至倡爲運  
磚聚灰塞門乘城之議幾爲鹵笑今鹵旣納款內附乃必  
欲定久要弔尺寸以幸百年之無事異日有失究首事之  
罪是豈惟臣等所不能逆覩卽俺答亦恐能保其身而不  
能保其弟姪能要諸酋于目前而不能制諸酋于身後也  
夫拒鹵甚易執先帝之禁令貢鹵罪之難信可數言而決  
鹵必憤憤去卽以遣降之恩不犯宣大土蠻及三衛必歲  
糾俺酋父子爲聲援以窺蘄遼則吉能子弟賓兒諸酋必

爲蘭靖洮河之患九邊騷動財力困竭雖智者無以善其  
後矣若允鹵封貢各邊有數年之安則可乘時脩備彼設  
背盟而以蓄養之財力從事戰守不猶愈於終歲馳騫自  
救不暇者哉臣等又歷稽國朝北部舊有通貢之例如正  
統初年也先以尅減馬價而稱兵裔鹵封王亦有太平賢  
義安樂及哈密忠順王故臣等酌時勢稽典制以爲許封  
貢便因條爲八事以聞一議錫封號官職諸酋輩行惟俺  
答爲尊或可錫以王號頒給印信如忠順王及西番諸國  
例俾號召其弟姪子孫爲國藩籬其餘大枝如老把都及  
吉囊長子吉能俺答長子黃台吉俱宜授以都督職銜如



三衛故事其他弟姪子孫如兀慎打兒漢等四十六枝雖衆寡強弱不齊俱宜授以指揮職銜其俺答諸婿十餘枝各須授以千戶如把漢那吉阿力哥近例皆賜冠服俾知臣禮是假名器以臣服強敵在朝廷無大煩費而大小酋首可使無復犯邊一定貢額裔酋入貢各雖効順而實希賞今宜定制歲許一貢每貢俺答馬十匹其使十人老把都吉能黃台吉各八匹其使各四人其諸酋貢各以部落大小爲差大者四匹小者二匹其使各三人通計歲貢馬不得過五百匹其使不得過百五十人馬分三等以上馬三十四匹進御餘馬給價有差老瘠者不准充貢其使歲許

六十人進京餘留待境上使還之日聽以馬價市買縉布  
諸物分給諸酋以爲酬賞其欵賞之額聽禮部查照三衛  
及西番諸國事例頒給一議貢期貢道由入貢互市宜以  
春月馬弱之時且及萬壽聖節各部來庭之會其使馬匹  
及表文自大同左衛驗入量給犒賞應駐邊者分駐各城  
及送赴各鎮撫驗賞應入京者差官押送自居庸關入繇  
昌平進京赴四裔館安置並禮部照例管束給養事完仍  
差官繇原途押回所過地方各將領盛陳兵仗示之威重  
所駐公館內外防範不許姦徒交通傳泄郵傳廩餼一如  
故事其經過驛城煩費每年聽各撫臣議補一議立互市

北部散處漠北人不耕織地無他產錫釜繒絮之具咸仰  
給中國今既誓絕侵犯故其使卽求互市庶免盜竊非謂  
求開馬市也其互市之規宜如宏治初北部三貢例繭以  
金銀牛馬皮張馬尾等物商販以段紬布疋錫釜等物擇  
日開市令其酋以三百人駐邊外我兵五百駐市場以資  
貿易期盡一月而止各鎮商貨不足交易者聽行各道查  
發其客商所易馬匹或各管收給原值或聽販賣各鎮市  
場在陝西三邊已有先年原立場堡其大同應於左衛迤  
北威鹵堡邊外宣府應於萬全右衛張家口邊外山西應  
於水泉營邊外聽各將領及兵備道經理每值互市之期

商人及官軍不得闌出禁物交通罔利及搆起邊釁罷市  
之後有蕃騎近邊索擾者行俺答及各酋長查究但有賚  
到各酋長番文乞討諸物量議給發如其情變詐軍門議  
行責問戒備其各鎮仍襲通鹵媚鹵夙弊者重治之一議  
撫賞之費各鎮每年四時戒備則有調遣客餉春秋擺邊  
設防則有行糧料草各營有探哨夜役行糧各墩有常料  
行月二糧爲費不貲且一歲之間軍丁或零斬寇級或被  
寇傷死所以犒賞優卹之具皆以督撫經贖及各城商稅  
地租等銀給用每歲亦不下數千金今旣許鹵通貢則前  
費俱可省減以爲撫賞各部之需此外不足每鎮先于年

例客餉內動支數千端待撫賞其使及守市北兵其兵人布二疋首長緞二疋紬二疋以好至邊者酌量來使大小量加犒賞今歲撫賞餘銀卽充來歲支用積之數年客餉或間歲可省或歲可半給因可以節內帑一議歸降朝廷懸招降之例以開華人歸正之門各邊收納真裔以充家丁衝戰之用行之既久每年被獲華人歸正者十七而真裔避罪來降者十三在華人固無外志而真裔毋詐降誦我虛實爲敵嚮導今既許通貢以後投降真裔不分有罪無罪俱免收納以杜其首之索擾其華人被獲歸正者查審別無盜竊鹵中財物婦女及被獲年月籍貫鹵中主家

乃許入邊騎來馬匹收住邊堡如有北騎來追卽以原馬  
給去人量與紬一疋布二疋無事不得招降以啓邊釁一  
審經權塞外之於中國有順有逆帝王制禦之策有經有  
權經以制禦之而無妄生事庶常勝之勢在我狡寇無所  
乘其隙權以羈縻之而不拘文法庶操縱之機可決邊臣  
得以效其謀至於目前之利鈍日後之變態其始固當預  
防其終誠難逆觀也屬者俺答納欵乞封至今邊塵不聳  
在彼實有呼韓欵塞之誠在我當有優遇受降之禮今議  
者必欲嚴其始之峻防以要其終之不變固爲守邊之經  
然臣等歷考古昔春秋之列國漢唐之封建雖中國友邦

同姓尚不能守法信度而欲責之塞外恐非達權之宜也  
今俺答年近七十其弟老把都子姪黃台吉吉能各年逾  
五十皆非昔強壯時倘各首未死之年那吉繼承之後邊  
境有數年之安則宣大山西殘破之城堡可漸充實荒蕪  
之屯田可漸開耕江西延寧之大邊可漸脩葺葦薊鎮邊臺  
旣脩腹裏城堡亦可漸增築主兵旣練入衛之兵亦可漸  
減各鎮練兵設險積餉除器之務靡不豫圖數年之後兵  
氣振揚邊備嚴整縱鹵有反側我固有以待之以守可固  
以戰可勝是不失經常之守而所省財力且無筭矣雖暫  
假爵職之名器而予榮錫之恩每歲暫借客餉十之一二

爲撫賞酬貢之費是一時羈縻之微權而保固疆圉生全邊氓不旣多乎釋此不事則拒鹵甚易而滅鹵甚難敵東西歲擾我遠近戒防士馬疲於奔命財力匱於徵輸非計之得也一戒狡詐飾言今之爲將者平居旣無料敵之智敢戰之功及聞鹵納款率務爲誇誕陰肆傾擠以爲將可恃戰不宜聽鹵和以沮其氣然自二三年來寇屢犯宣大未聞與敵一戰惟規避欺罔間出搗巢趕馬所獲旣不足爲彼重輕而滋疆場之擾搖奪國是重誤邊計罪可誅也請敕九邊將領戒平時驕悍之習乘今縻鹵之暇務實脩備使彼知我之有待不敢復叛彼或陰懷異志則揚兵伐



謀使彼不能乘我之虛數年之後中外安堵邊備增飭則錄其功倘或挑怨構釁弛備疎防則治其罪今有造言飾詐陰壞貢議者罪之庶貢議不沮而邊事可無患矣

再論封貢事宜疏

附

明王崇古

頃者會議封貢事宜有與臣原議未合者三始臣謂套部應聽陝西督撫另議封貢而陝西總督王之誥又復執議俟吉能子姪二年不犯方可聽許臣以爲俺答吉能親爲叔姪勢若長蛇首尾相應今許俺答封貢而不許吉能在俺答必將呼吉能之衆就市於河東宣大之商販必不能給在吉能必將糾俺答之衆窺犯陝邊而陝西四鎮之憂

方大矣且北人性急而恥卑今吉能在俺答子孫中班行  
年齒既尊而獨不預封職之榮入貢之賞必發憤而爲寇  
今日封貢必不能保其不發也故封貢之議在吉能不可  
獨拒一也陝西三邊互市臣原議聽彼申督撫舉行今督  
臣之議謂三尺童子亦知不可且謂昔開馬市致套部轉  
弱爲強是聽諸將狡飾之說而未究套部先後之勢也嘉  
靖初吉囊盛強爲九邊患自吉囊死且二十年部落旣分  
生齒日衆而各鎮又多畜丁壯時搗其巢穴終歲不能寧  
居雖未甚弱固非益強也其所需于中國者緞布鍋釜之  
類視各部皆同而不容互市諸酋豈甘心伏首聽命不掠

不市已耶是教之叛盟而勒其必犯也且鐵鍋爲鹵炊爨之需今與之衣而不與之器彼衆何能自贍或謂鍋爲兵刃所出不可資敵不知鹵雖得鍋不能鍊鐵否則遼東開原建寧以廣鍋爲市蓋廣鍋生鐵不受砂鍊或可做行此互市之議陝西必不可已二也撫賞之資臣前議暫借客餉每鎮三五千兩佐以各鎮撫賞之公費或可充用科臣謂臣議動客餉必至減兵弛備是未知邊餉主客之異也夫主餉以養主兵誠不可減客餉耑備春秋有警調遣兵馬之費連歲邊報頻仍四時戒防糜費鉅萬今鹵旣納款則調遣可罷哨探可減其歲省客餉且將無算故欲于客

餉內動支三四千金是省十而用一非他所有費也討賞  
濫賞之費在臣等自知樽節但守市遣使出入往來非此  
無以示好故臣請于客餉中動支萬金以備互市撫賞之  
費或給商販令易貨充市以濟公此撫賞之費必不可省  
三也其他如脩築邊堡選練兵馬開墾荒田嚴飭邊備臣  
已申令再三及時自治卽今各脩舉乘時戒備及互市之  
防範鹵中之戒諭臣督行各鎮撫加意經畧惟陛下念邊  
臣任事之艱難稍寬文法之牽制率下所司定議舉行

條陳撫賞戰守事宜疏

明 劉良弼

國家制鹵之全畧戰守爲先今日貢市之權宜恩威最急

臣請得熟陳於前夫撫鹵與貽鹵異鹵誠心効順吾因而  
字之曰撫鹵扣關呼索吾苟且應之以祈免禍曰貽不察  
順逆不論是非使人眩於名實則恐今日撫鹵之資爲他  
日貽鹵之計甚者借啓釁之言掩養亂之罪其勢積衰爲  
害滋大請假邊臣便宜度齎情之誠僞審事機之當否順  
則撫之逆則拒之倘或東西侵犯卽奮力擒斬無待奏聞  
雖小有損失無得重治但不令將官生事以致損威此議  
戰之大畧也夫宣府大同爲京師藩籬而獨石爲宣府屏  
蔽龍門赤城一帶又獨石咽喉猝有寇警難于應援非預  
積糗糧何以拒守臣謂獨石馬營八城堡宜蓄一歲之儲

以守爲戰中東西南四路宜蓄數月之儲以戰爲守此議  
守之大畧也臣又聞俺答已款附而把都兒且老死縱令  
黃台吉跳梁亦終孤立近又與察罕兒構隙此正我間時  
也誠陰廣謀挑之以成彼外患又少加裁節以示牢籠之  
機權撫賞可施而諸凡分外邀求亦量爲頒給布帛可賜  
而一切華靡之服用則嚴爲之禁巡邊日漸增加宜防其  
入犯哨糧之減歲計數萬宜悉令邊臣熟計焉

上貢市疏

明  
方逢時

陛下特恩起臣草土中代崇古任賴陛下神武八年以來  
九邊生齒日繁守備日固田野日闢商賈日通邊民始知

有生之樂北部輸誠效貢莫敢渝約歲時請求隨宜與之  
得一菓餅則稽首歡笑有掠人要賞如打喇明安兔者告  
俺答罰治卽俛首聽命而異議者或曰敵使充斥爲害或  
日日益耗費彼欲終不可足或曰與寇益狎隱憂叵測此  
言心則忠矣事機或未覩也夫使者之入多者八九人少  
者二三人朝至夕去守貢之使賞至卽歸何有充斥財貨  
之費有市本有撫賞計三鎮歲費二十七萬較之嚮時戶  
部客餉七十餘萬太僕馬價十數萬十纜二三耳而民間  
耕穫之入市賈之利不與焉所省甚多何有耗費乃若所  
憂則有之然非隱也方庚午以前三軍暴骨萬姓流離城

郭邱墟芻糧耗竭邊臣首領不保朝廷爲之盱食七八年來幸無此事矣若使臣等處置乖方恡小費而虧大信使一旦肆行侵掠則前日之憂立見何隱之有哉其所不可知者俺答老矣誠恐數年之後此人旣死諸部無所統一其中狡黠互相爭構假托異辭遂相侵擾此則時變之或然而不可預料者在我處之亦惟罷絕貢市閉關固壘以待仍禁邊將無得輕舉使曲常在彼而直常在我因機處置顧後人方畧何如耳夫封疆之事無定形亦無定機惟朝廷任用得人處置適宜何必拘拘焉貢市非而戰守是哉臣又聞之禦戎無上策征戰禍也和親辱也賄賂恥也



今日貢則非和親矣日市則非賂遺矣既貢且市則無征戰矣臣幸藉威靈制伏強梗得免斧鉞之誅今受命還朝不復與聞闡外之事誠恐議者謂貢市非計輒有敷陳國是搖惑內則邊臣畏縮外則部落攜貳事機乖迕後悔無及臣雖得去而犬馬之心實有不能一日忘者謹列上五事

覆宣大總督冷宗濬奏各部請封疏

明 兵部

北部三世受封疆場無聳者四十餘年於名則稱臣納貢稽顙獻琛於請求則乞恩求賞貢馬互市國體可謂尊矣撫賞馬價之費在宣府則撫賞銀五萬二千兩馬價一十八

萬五千兩在大同則撫賞三萬二千兩馬價十萬兩在山  
西則撫賞一萬四千兩馬價四萬兩可謂省矣脩補則沿  
邊一帶雉堞連雲日增地險生聚則自辛未以來民老死  
不見兵革農狎于野穡人成功保聚可謂盛矣惟是擗首  
物故以後封事不成一則忠順因老而拒婚二則素首睥  
睨於非冀卜石兔西海寔言妄圖厚挾臣嚴加脩備而不  
言王封於是首計始窮雖忠順物故終無所容其要挾始  
令三枝十二部投結請封臣惟初封俺答之時與之約曰  
東自宣府西至河套責令俺答約束今宣府白洪大自爲  
一枝河套吉能自爲一枝鹵王所制者山大二鎮十二部

而已十二部之中智力足以雄長諸酋者五路台吉也兵馬足以抗拒十酋者素囊台吉也公正足以懾服諸酋者兀慎台吉也恭順足以調和素囊者把漢比吉也臣借素囊之兵力樹匈奴之形借比吉之恭順調素囊之悍借兀慎之公正破諸酋之奸三大酋歸心於我十二部無不歸心臣皆得以聯束之此所以陰制卜酋而不至於驕也除王封原禮臣議復外臣等謹議五路台吉見職龍虎將軍宜陞都督同知兀慎台吉見職指揮同知宜陞龍虎將軍素囊台吉見職都督僉事宜陞都督同知猛克台吉乃都督親孫應授以指揮僉事卜酋之妻父耳六倘不浪卜

之弟把兒慢台吉他兒你打成台吉應授以指揮僉事此  
皆有功於封事者宜俱如所請以鼓忠勤然鹵本以馬上  
戰鬥爲國今變而好漢物此中行說所以教匈奴者也又  
五路老矣其欲易知卜酋天性慙慙而部衆乃弱今爲中  
國計弱固河狎而使也爲籠合諸部以爲中國計此酋猶  
之一部落耳異時有倔强者起而王不能制且奈何此督  
臣欲使鹵王足以制諸部中國足以制鹵王而其道在分  
合操縱施不測之恩威使爲我用而不爲我難誠今日之  
大計也至於封市之後則無如科臣所慮兩大釁一在割  
軍實以待鹵一在徂款貢以弛備二者皆我已事之矢也

蓋措首之封除三鎮額賞馬價外所費金二萬計我懸一  
王爵而乃賄求遞結賄求請封以媚鹵則當日諸將領之  
爲此非奪征戍之食剝赤子之膏孰從得乎當俺答擁數  
萬之衆橫行塞外幾五十年而我猶能遏其氛今卽卒有  
如俺酋者還能應之否而我徒以戰守之說內以自虛以  
愚敵人假令豪傑之雄窺我之虛則羈縻之術無所用矣  
謂宜脩戰守儲金錢利器械繕障塞察情實堅約束勿事  
濫予以滋其欲勿狎甘言以厚之毒羣部請求者或詳擇  
以折其心叛裔寇盜者或責問以致其討戒吾邊吏勿私  
交勿挑釁勿以小事而張皇爲大則我邊臣今日之事也

請停止口外行幸疏

本朝 熊賜履

臣聞古之人主出入必謹起居必慎懲無名之動戒  
非事之游故設衛而後出幄肅仗而後登輿遮列而  
後轉轂靜屋而後息駕誠以一時輕忽之行致貽意  
外莫測之悔不得不如是之慎且重焉若夫盤游田  
獵尤從古帝王之所深戒載在典策班班可考也伏  
觀前月

皇上駐蹕南苑旬餘始回宮茲道路傳言車駕將幸口外  
恭惟

皇上一身上則祖宗社稷所倚賴下則中外臣民所瞻仰

前有祖宗垂創之艱後有子孫永遠之計一舉一動當何如其慎重而乃忽有邊疆千里之役此不待智者而知其萬萬不可也諺曰家累千金坐不垂堂况萬乘之主乎昔周穆致祁昭之箴漢武來逆旅之辱卽前代英武二宗具有明鑑前事之不忘後事之師也况乎冒霜霧蒙塵埃跨塹陵險射猛逐逸萬一鳥飛兔走猝犯清塵不可無慮舍九重萬乘之安出萬有一危之途以爲可娛則臣之所大懼也且目今水旱頻仍流亡徧野而乘輿一出扈從千官駢乘糗芻供億匪易是不可不爲之念伏乞

皇上俯採芻言收回成命以馳騁郊原之功裁諸機務以  
控縱範圍之日謀究道理明堂清廟之中廣廈緹旂  
之上丞弼賡颺於前師儒拜稽於後優游洋奠壹氣  
一堂以視櫛風沐雨馳驟御槩疲精勞神於寒烟沙  
漠之間其愉快果奚勝也如不得已而後從事講武  
則請如古蒐苗獮狩之禮按期舉行非時不出仍祈  
倣前代起居注例選方正儒臣二員朝夕簪筆左右  
皇上一言一動皆書之簡冊宣付史館以垂永久則出入  
起居罔有不欽發號施令罔有不臧其以養成

君德保護



皇躬所關匪淺鮮也

請於開平興和添駐滿兵奏劄

本朝 孫嘉淦

奏爲沿邊添駐滿兵事乾隆四年內閣學士雅爾呼  
達條奏邊口添兵一案經臣委員查議於山海關設  
副都統一員添滿兵六百名喜峰口添一百名冷口  
添一百名羅文峪添六十名俱歸山海關副都統管  
轄獨石口設副都統一員添滿兵七百名張家口添  
一百四十名古北口添一百名俱歸獨石口副都統  
管轄八溝設副都統一員駐防滿兵一千六百名等  
因具題經部議覆准行在案臣此次巡閱邊關親行

相度山海關爲邊疆鎖鑰宜設大員八溝爲口外要地宜駐重兵均應如原議添設官兵其喜峰口冷口羅文峪古北口張家口等處添兵不多易于區畫似亦應如原議辦理惟獨石口一處氣候甚寒不宜五穀重山石田無可樵採故薪米俱貴山溝之寬不能一里加以河流冲刷不能得建造營房之地若使強爲區處而駐兵旣多柴米一貴耕牧無所實于生計無益原議設副都統一員添兵七百名之處似應暫行停止臣查獨石口外北行三十餘里卽係平原曠野土木肥腴再五十餘里爲紅城子垣牆猶在襟山

帶河平疇沃衍遠勝于獨石口內再百餘里爲開平  
城卽元之上都也城廣十六里有奇龍岡秀發灤水  
廻環實屬形勝之區計開平紅城之間可耕之田不  
下數萬頃再張家口外北行七十餘里爲興和城西  
行百餘里爲新平城川原甚廣一望無際土脉之肥  
過于開平計興和新平之間可耕之田亦不下數萬  
頃查有明之初常遇春逐元兵于漠北建大寧開平  
興和三衛東通遼碣西控豐勝爲北邊外屏後漸棄  
而不守尚論者有餘惜焉今熱河八溝皆大寧之舊  
境現議添兵駐防其豐川東勝境內歸化綏遠諸城

均有重兵彈壓惟開平興和境內田疇未墾弁兵未  
設東西聲援似覺間隔臣詳度形勢所宜約計田疇  
所出大約開平可駐滿兵三千紅城子可駐滿兵二  
千興和城可駐三千新平城可駐二千若開墾田土  
脩葺城垣而廣爲駐防沃野千里控強萬騎左提右  
挈其於邊防大有裨益再國家八旗禁旅生齒日繁  
我

皇上聖謀遠慮屢爲旗人籌畫生計今幸有此閒曠田畝  
若令民人墾種擇其近城之地平方寬衍者畫爲公  
田其餘皆爲民田每墾民田二頃者必令墾公田一

頃民田以爲世業公田分給旗人得完租粟再加之  
以月給錢糧衣食自益寬裕且山場可牧平原可獵  
弓馬自益嫻習此實王道自然之富强旗民久遠之  
長計也或疑口外聚集多人恐於蒙古滋擾諸城左  
右皆各旗王公大人牧馬之廠今墾爲田恐旗人有  
所不便又或疑天寒霜早恐其難於收穫山少林木  
恐其艱於柴薪凡此疑難之處臣皆徧觀而細訪之  
口外之山綿亘千餘里名曰大壩凡壩內之田皆已  
招民墾種現徵錢糧此諸城之地逼近大壩俱係旗  
人牧廠與蒙古無涉旗縣之外乃太僕寺遊牧之地

遊牧之外乃察哈爾所居住之處察哈爾乃爲內扎薩克地方彼此隔遠無由滋擾八旗牧廠所佔甚大有餘閒可以并省又遊牧之地方數千里割其一隅卽可充給至柴薪稍遠未嘗缺乏且壩內諸山多有產煤之所若招民開採自可足用臣於三月十三日在獨石口草芽未青十四日至紅城子青草長大一寸氣候可以春耕開平城外隴畝猶存碾碓尚在若非種植何以有此興和地氣較暖於開平其爲可以耕種必無疑也臣之愚意仰懇

聖恩於今年秋間特簡王公大臣前往開平興和諸城境

內查閱各旗放青之馬共有若干約需牧地若干將  
舊日所分牧地通盤計算可并者并之可省者省之  
可兌給者兌之務使牧廠之地與耕種之地疆界分  
清不致混淆臣於明春飭地方官招民墾種遴員前  
往經理區畫三年之間田疇可以盡闢然後漸次脩  
葺城垣蓋造房屋通商惠工約計五年百物皆備然  
後派撥滿兵前往駐防則凡邊之外皆成樂土往駐  
之人自各便安天地之氣與人相通人烟既聚則天  
氣益暖天氣益暖則田疇益闢田疇益闢則駐防之  
其可以陸續增添然則其所益於九邊之防維八旗

之生計者億萬斯年而未有已也

書

擬答北匈奴書

并奏

後漢

班彪

臣聞孝宣皇帝敕邊守尉曰匈奴大國多變詐交接得其情則却敵折衝應對入其數則反爲輕欺今北匈奴見南單于來附懼謀其國故數乞和親又遠驅牛馬與漢合市重遣名王多所貢獻斯皆外示富強以相欺誕也臣見其獻益重知其國益虛歸親愈數爲懼愈多然今旣未獲助南則亦不宜絕北羈縻之義禮無不答謂可頗加賞賜畧與所獻相當明加曉告以前世呼韓邪郅支行事報答之



辭令必有適今立稟草并上曰單于不忘漢恩追念先祖  
舊約欲脩和親以輔身安國計議甚高爲單于嘉之往者  
匈奴數有乖亂呼韓郅支自相讐隙並蒙孝宣皇帝垂恩  
救護故各遣侍子稱藩保塞其後郅支忿戾自絕皇澤而  
呼韓附親忠孝彌著及漢滅郅支遂保國傳嗣子孫相繼  
今南單于攜衆向南款塞歸命自以呼韓嫡長次第當立  
而侵奪失職猜疑相背數請兵將歸掃北庭策謀紛紜無  
所不至惟念斯言不可獨聽又以北單于比年貢獻欲脩  
和親故拒而未許將以成單于忠孝之義漢秉威信總率  
萬國日月所照皆爲臣妾殊俗百蠻義無親疎服順者褒

賞畔逆者誅罰善惡之効呼韓郅支是也今單于欲修和親款誠已達何嫌而欲率西域諸國俱來獻見西域國屬匈奴與屬漢何異單于數連兵亂國內虛耗貢物裁以通禮何必獻馬裘今齊雜繒五百疋弓韃鞞九一矢四發遣遺單于又賜獻馬左骨都侯右谷蠡王雜繒各四百疋斬馬劍各一單于前言先帝時所賜呼韓邪等瑟空侯皆敗願復裁賜念單于國尚未安方厲武節以戰攻爲務等瑟之用不如良弓利劍故未以齎朕不愛小物于單于便宜所欲遣驛以聞

諫伐鮮卑書

後漢

蔡邕

書戒猶夏湯伐鬼方周有獫狁蠻荆之師漢有闐顏瀚海  
之事征討殊類所由尚矣然而時有異同勢有可否故謀  
有得失事有成敗不可齊也武帝情存遠畧志闢四方南  
誅百越北討強戎西伐大宛東并朝鮮因文景之蓄積天  
下之饒數十年間官民俱匱乃興鹽鐵酒權之利設告緡  
重稅之令民不堪命起爲盜賊關東紛擾道路不通繡衣  
直指之使奮鈇鉞而並出旣而覺悟乃息兵罷役封丞相  
爲富民侯故主父偃曰夫務戰勝窮武未有不悔者也夫  
以世宗神武將帥良猛財富充足富當所拓廣遠猶有悔  
焉况今人財並乏事方昔時乎自何奴遁逃鮮卑強盛據

其故地稱兵十萬才力勁健益智日生加以關塞不嚴禁網多漏精金良鐵皆爲賊有漢人逋逃爲之謀主兵利馬疾過于匈奴昔段熲良將習兵善戰有事西羗猶十餘年今育晏才策未必過熲鮮卑種衆不弱于曩時而虛計二載自許有成若禍結兵連豈得中休當復徵發衆人轉運無已是爲耗竭諸夏并力蠻彝夫邊垂之患手足之蚘搔中國之困胸背之癰疽方今郡縣盜賊尚不能禁况此強鹵而可伏乎昔高祖忍平城之恥呂后棄慢書之詬方之於今何者爲甚天設山河秦築長城漢起塞垣所以別內外異殊俗也苟無賊國內侮之患則可矣豈與蟲螳狡寇

計爭往來哉雖或破之豈可殄盡而乃令本朝爲之肝食乎夫專勝者未必克挾疑者未必敗衆所謂危聖人不任朝議有嫌明主不行也昔淮南王安諫伐越曰天子之兵有征無戰言其莫敢校也如使越人蒙死以逆執事廝輿之卒有一不備而歸者雖得越王之首而猶爲大漢羞之而欲以齊民易強鹵皇威辱外裔就如其言猶已危矣况乎得失不可量耶昔珠崖郡反孝元皇帝納賈捐之言而下詔曰珠崖背叛今議者或曰可討或曰棄之朕日夜惟思羞威不行則欲誅之通於時變復憂萬民夫萬民之飢與遠蠻之不討何者爲大宗廟之祭凶年猶有不備况澁

哉今關東大困無以相贍又當動兵  
珠崖郡此元帝所以發德音也夫恤民  
尚猶棄之况障塞之外未嘗爲民居者  
教善其畧保塞之論嚴尤申其要遺業猶在  
之策守先帝之規臣曰可矣

大總督王崇古論處置把漢書 明 高拱

蓋數百年所無者乃我皇上盛德所臻而公明  
亦可見也然此乃中國利機處之須要得策若遂  
示弱損威不成中國桃松寨之事可鑒必不可  
之則絕彼繫念而徒重其恨石天爵之事可鑒必

言易趙全等亦未為可何也鹵人來附吾國  
 不能撫育仍執還之而徒易一二叛人是矣  
 與夷狄為市道交豈不見笑於天下後世  
 意只將把漢那吉厚其服食供用使  
 中國之富貴而吾又開誠信以深結其心  
 那吉使來必不敢復歸以可用之人而  
 則吾可許之以他日之利而佐吾今日  
 若首者令其密陳計策果遂所圖則便  
 那吉為吾中國屬夷世受賞賚而皆  
 漢之間如此則彼必心悅為吾用而

以脅從數人塞責朝廷明旨一出不可復返輕棄重質但  
獲其毛賊數人則於國家威重豈不大損此其可慮者一  
也據鮑崇德所傳俺答之言雖若哀懇然猶身駐近邊擁  
衆自強平魯城外遊騎不絕轉餉哨探俱屬艱難名雖哀  
求事同強挾未見其爲誠款也今必責令將有名逆犯盡  
數先送入境返其巢穴掣回游騎然後差官以禮遣歸其  
孫則彼之誠款旣伸我之懷柔有體若擁兵要質兩相交  
易則塞北無親事或中變唐時吐蕃刼盟之事取笑強戎  
此其可慮者二也今之議者皆以小酋爲禍媒亟欲遣之  
圖眼前無事耳至于封爵通貨二事皆在可否間若鄙意



則以爲邊防利害不在那吉之與不與而在彼求和之誠與不誠彼若果出於誠假以封爵許其貢市我得以其間修戰守之具興屯田之利邊鄙不聳穡人成功彼若尋盟我示羈縻之義彼若背約則我興問罪之師勝算在我數世之利也但恐其孫一歸彼願已遂求和之意必乖本圖或請乞多端難以聽許明年當復來侵雖獲趙全數人恐于彼無大損益此其可慮者三也來疏早晚卽覆其中委曲難以一一指授幸公與方公圖之

與宣督王崇古論封貢第三書

明 張居正

今之議者皆謂講和示弱馬市起釁爲此言者不惟不忠

蓋亦不智夫所謂和者謂兩敵相角智醜力均自度不足以勝之故不得已而求和如漢之和親宋之獻納是制和者在外裔而不在中國故賈誼以爲倒懸寇公不肯主議今彼稱臣納款效順乞封是制和者在中國不在外裔比之漢宋萬萬不侔可謂之通和而不可謂之講和也至於昔年奏開馬市官給馬價市易馬匹彼擁兵壓境恃強求市以款段駑罷索吾數倍之利市易未終遂行搶掠故先帝禁不復行今則因其入貢之便官爲開集市場使與邊民貿易有無稍稍爲之約束毋得闖出中國財物及應禁者其期或三日或二日而止如遼東開原事例耳又豈馬

市可同語乎且此事有五利焉鹵旣通貢邏騎自稀邊鄙不聳穡人成功一利也防守有暇可以修復屯田蓄吾士馬之力歲無援兵可省行糧數十百萬二利也土蠻吉能每借俺答以爲聲勢俺酋旣服則二酋不敢輕動東可以制土蠻西可以柔吉能三利也趙全等旣戮板升衆心已離吾因與鹵約有願還者必勿阻之彼旣無勾引之利而又知鹵之不足恃則數萬之衆皆可漸次招徠豐州之地可虛矣四利也彼父子祖孫情乖意阻其運將衰先兆已見老酋死家族必分不死必有冒頓呼寒之變我得因其機而行吾之計五利也凡此五利者古之謀臣策士所爲

禱祠而求者也而今之議者獨以邊將不得搗巢家丁不得趕馬計私家之害忘公室之利遂失此機會不爲國家審圖故僕以爲爲此言者不惟不忠蓋亦不智甚矣至于桑土之防戒備之慮此自吾之常事不容一日少懈者豈以鹵之貢而有加損乎今吾中國親父子兄弟相約也尙有不能保其不背况外裔乎但在我制御之策自合如是耳豈能必鹵之不吾背數十年來無歲不掠無地不入豈皆以背盟之故乎卽將來背盟之禍又豈復有加於此者乎利害之歸較若黑白而議者猶啾啾以此爲言故僕又以爲不智甚矣劉侍御旣知此事顛末又與公同心必能

共襄大事幸採取其議折以高見圖上貢額貢期市易事宜當備聞於上請旨行之浮議雖多不足惜也

與王崇古論封貢第四書

明 張居正

封貢議起發言盈庭不得已乃於文華面奏請旨行之又將成祖封和寧太平賢義三王故事揀付本兵叟叟之喙雖已暫息而眊眊之讒伺釁而動彼既不能爲而又妬人之有爲必且幸其事之無功而求中其說此僕所以日夜兢兢不遑寧處者也昨旨乃有二意一則欲公悉心經畫務極穩妥一則欲公嚴督諸臣比常倍加防守今就二意之中所當經畫者有四互市初開邊氓畏慮不敢貿易鹵

不入市釁怨易生今歲且宜官爲處置使邊氓睹利則入  
乃樂利一也鐵鍋乃鹵所急者頃部議禁不與市將來必  
求索無已今聞廣鍋毀不可復爲只宜稍稍出官錢市之  
來歲責令如數更換二也其使既不許入朝須安置得所  
鎮城之中民物殷阜易起戒心昔年豪宗獻城之事可爲  
殷鑒頃者流議皆起於換錢之人北使一入人人揣恐宜  
嚴加防範以杜奸萌倘邊堡可容毋令得入鎮城三也馬  
趙二帥趙雖喜事而近忠可馴伏也馬故多端素與鹵通  
其部下多真裔而又有內主封貢之議渠最不願近聞公  
以法繩之頗不能堪以其含憤蓄怨之私而行之幸災樂

禍之計何所不至雲中人情公所素知今既不能去亦宜以計用之毋令積恨生變四也其所當修補者亦有四要害城堡及時修併二邊之險漸次可復一也募沿邊之氓開墾荒屯充實行伍鍛礪戈矛演習火器訓練勇敢常若敵來二也趙全等妻子黨與尚在鹵中宜於互市之時陰察賊情知其主名可招則招之不可則擒之庶逆黨可消後患可弭三也搗巢趕馬在邊士雖借以邀功賞而鹵中亦頗畏之今既禁不出塞則北人寡畏而邊士袖手無所覲幸他日渝盟之事不在鹵而在邊人矣此宜預處以杜釁端者四也前四事不急圖之則貢市之事不成必滋讒

妬之口後四事不預畫之則貢市雖成無益反貽他日之  
憂僕與公悉心爲國休戚相關故敢縷縷罄其愚悃惟公  
採而行之



口北三廳志卷十二終

口北三廳志卷之十三

藝文二

議

論匈奴保塞議

漢侯應

周秦以來匈奴暴桀寇侵邊境漢興尤被其害臣聞北邊至遼東外有陰山東西千餘里草木茂盛多禽獸草木冒頓單于依阻其中治作弓矢來出爲寇是其苑囿也至孝武世出師征伐斥奪此地攘之於幕北建塞徼起亭隧築外城設屯戍以守之然後邊境得用少安幕北地平少草木多大沙匈奴來寇少所蔽隱從塞以南徑深山谷往來

差難邊長老言匈奴失陰山之後過之未嘗不哭也如罷  
備塞戍卒示外裔之大利不可一也今聖德廣被天覆匈  
奴匈奴得蒙全活之恩稽首來臣夫外裔之情困則卑順  
疆則驕逆天性然也前以罷外城省亭隧今裁足以候望  
通烽火而已古者安不忘危不可復罷二也中國有禮義  
之教刑罰之誅愚民猶尚犯禁又况單于能必其衆不犯  
約哉三也自古中國尚建關梁以制諸侯所以絕臣下之  
覬欲也設塞徼置屯戍非獨爲匈奴而已亦爲諸屬國降  
民本故匈奴之人恐其思舊逃亡四也近西羌保塞與漢  
人交通吏民貪利侵盜其畜產妻子以此怨恨起而背畔

世世不絕今罷乘塞則生變易分爭之漸五也往者從軍  
多沒不還者子孫貧困一旦亡出從其親戚六也又邊人  
奴婢愁苦欲亡者多日聞匈奴中樂無奈候望急何然時  
有亡出塞者七也盜賊桀黠羣輩犯法如其窘急亡走北  
出則不可制八也起塞以來百有餘年非皆以土垣也或  
因山巖石木柴僵落谿谷水門稍稍平之卒徒築治功費  
久遠不可勝計臣恐議者不深慮其始終欲以壹切省繇  
戍十年之外百歲之內卒有他變障塞破壞亭隧滅絕當  
更發屯繕治累世之功不可卒復九也如罷戍卒省候望  
單于自以保塞守禦必深德漢請求無已小失其意則不

可測開外裔之隙虧中國之固一也非所以永持至安威制百蠻之長策也

論

南匈奴傳論

前宋 范 曄

漢初遭冒頓凶黠種衆強熾高祖威加四海而窘平城之圍太宗政鄰刑措不雪憤辱之恥逮孝武亟興邊畧有志匈奴赫然命將戎旗星屬侯列郊甸火通甘泉而猶鳴鏑揚塵出入畿內至於窮竭武力單用天財歷紀歲以攘之寇雖頗折而漢之疲耗畧相當矣宣帝值鹵庭分爭呼韓那來臣乃權納懷柔因爲邊衛罷關徼之倣息兵民之勞

龍駕帝服鳴鐘傳鼓於長平之上南面而朝單于朔易無  
匹馬之蹤六十餘年矣後王莽陵篡擾動戎兵續以更始  
之亂方夏幅裂自是匈奴得志狼心復生乘間侵佚害流  
旁境及中興之初更通舊好報命連屬金幣載道而單于  
驕踞益橫內暴滋深世祖以用事諸華未遑沙塞之外忍  
愧思難徒報謝而已因徙幽并之民增邊屯之卒及關東  
稍定隴蜀已清其猛夫扞將莫不頓足攘手爭言衛霍之  
事帝方厭兵問修文政未之許也其後匈奴爭立日逐來  
奔願修呼韓之好以禦北部之衝奉藩稱臣永爲外扞天  
子總攬羣策和而納焉乃詔有司開北鄙擇肥美之地量

水草以處之馳中郎之使盡法度以臨之制衣裳備文物  
加璽綬之綬正單于之名於是匈奴分破始有南北三庭  
焉讐覺既深互伺便隙控強抗戈覘望風塵雲屯鳥散更  
相馳突至於陷潰創傷者靡歲或寧而漢之塞地晏然矣  
後亦頗爲出師并兵窮討命竇憲耿夔之徒前後並進皆  
用果譎設竒數異道同會究掩其窟穴躡北追奔三千餘  
里遂破龍祠焚剽幕院十角梏闕氏銘功封石倡呼而還  
單于震懾屏氣蒙氊遁走於烏孫之地而漠北空矣若因  
其時勢及其虛曠還南鹵於陰山歸河西於內地上申光  
武權宜之用下防強戎亂華之變使耿國之算不謬於當

美和形勢論

明 陳繼登

見從於後王平易正直若此  
 世無經世之規限良不略專行  
 後世並思兩護以私已福乘  
 何恨憤之深乎自後經綸失方  
 及後世既為常俗終於  
 千里之差興自毫端得失之  
 元隆為路而兼有懷安天成寶昌  
 集寧淨州沙井其山燕然狼居  
 集寧威寧二海



成祖三犁山處實從...  
 和鎮與開平並列設諸...  
 沙漠與和從楊林...  
 三路可無北顧之憂及今不問...  
 洗馬林以為扞禦夫不有今...  
 孤危可為至矣

形勢論

放目北邊部落在今  
獨石口東北境外

近京後四圍皆山壁立如...  
 水斥鹵可煮鹽土肥...  
 峭嶮陡峭車馬難馳惟...  
 小徑崎嶇

北白馬石塘墻子路一帶西經通國... 其隘口皆一夫可阨西北約三... 也離開平不盈日可到川之東... 羅文與東不約等首為鄰西二... 山西邊也縣此可通豐州... 十萬東西... 滿于敢與相... 井夫不相... 遂空若失... 此... 一守則... 一保障一利...

九二

五

西望獨石於以... 今直而提聲息相通  
 如應... 二利也可以招論三十六  
 聲息... 不敢越我入犯通前三利也  
 一... 不敢越我而... 宣雲...  
 ... 之... 野... 漸次可以...  
 ... 歸化之間為國家...  
 ... 其速者耳就日前論之永...  
 ... 下若置其妻子老... 宣雲...  
 將安頓... 簡其勇壯練為勁兵一...  
 需有收降之益無啓... 之虞七利也...

於後王平易正直若此其宏也而竇憲  
在世之規狼戾不端專行威惠遂復更立  
以恩兩護以私已福棄茂天公坐樹大鯁  
憤之深乎自後經綸失方畔服不一其爲  
言降及後世翫爲常俗終於吞噬神鄉邱墟  
里之差與自毫端得失之源百世不磨矣

罕說

明尹耕

兀之上都也灤水繞南龍岡奠北東連遼碣西帶  
形勝之地也元人以之肇基成祖北伐往來由之

此有涼亭枕河賽峰黃崖四驛以接大寧西路有桓州  
鹵明安隰寧四驛以接獨石巨鎮隱然屏我山後遇有  
急則宜遼有首尾之援居常防戍則京師得封殖之固  
夫國家定鼎北平不患帶几之無憑而患於肩背之失恃  
大寧旣委二衛開平復移獨石遂使京師之北僅存藩籬  
漠北遊魂藉聲黃內所關豈細故哉究而論之則屯田便  
宜於轉輸一勞可以永利大寧要害於開平易置亦頗非  
難夫五原在豐勝之外沙磧之間昔人且猶開渠營田以  
規全利何龍岡之沃灤水之潤開平獨不可田耶又失開  
平則後背雖空尚有宣府獨石之固失大寧則左肩全弱

遠隔絕矣故嘗爲薛祿計曰開平可田屯田可也不可  
則則易置大寧可也夫劉秉謙諸人皆於開平樹藝卜隱  
則開平無不可田之理開平爲元故都山水明秀環城郭  
官闕而留其民居以與三衛則三衛亦無不樂從之理二  
策無不可就也土人稱祿馳驅邊塞悉心經營然祿知謹  
於封疆之小利而昧於中外之大防知懲乎目前之紛擾  
而滯乎經世之權變開平孤遠不易守矣而北門單弱之  
不恤餉道艱難不易致矣而屯田開墾之不求割棄境土  
三百餘里不之惜矣而易置三衛之不講此所以效成於  
一時而禍伏於異日恩加於近塞而謀失於遠猷智者窮

源不能無慨也

一序

題灤陽胡氏雪溪卷序

元虞集

去年子與侍御史馬公同被召出居庸關未盡東折入馬  
家甕望縉山度龍門百折之水登色澤嶺過黑谷至於沙  
嶺乃還道中奇峯秀石雜以嘉樹香草葦道行其中予二  
人按轡徐行相謂頗似越中但非扁舟耳適雨過流潦如  
奔泉則亦不甚相遠郭熙畫記言畫山水數百里間必有  
精神聚處乃足記散地不足書此曲折有可觀恨不令郭  
生見之灤陽胡太祝乃以雪溪自號豈所見與予二人同

乎然灑水未秋冰已堅尋常已不可舟况雪時耶當具溪  
意云爾

神應泉詩序

明楊榮

欽惟皇上御極以來海宇寧謐祥瑞屢臻華夏蠻貊罔不  
率俾四海內外皞皞熙熙薰然泰和惟北部遺裔僭強梗  
化拘戮信使寇攘邊場皇上赫怒躬率六師徃征之三月  
丙子駐師於凌霄峰厥地高燥泉水歉乏是夜忽天雨雪  
彌布於地士馬充足莫不歡騰鼓舞以爲皇上至誠格天  
之所致也遂踰錦水積歷歷鹵川陟金剛阜所經之處平  
沙曠漠鹹水悉化爲甘泉丙申駐蹕於清水源地鹹水涸



忽涌泉上出滔滔汨汨瑩澈清潔斯須滂洋將士環睹驚  
駭嗟異咸以爲除滅殘元之徵也皇上召中官汲取嘗之  
味甚甘美仍賜將士皆飲乃命之曰神應泉臣以菲才承  
恩扈從日近天顏親覩靈異莫効涓埃之報願爲歌詩以  
頌功德於無窮謹拜手稽首以獻

考牧集序

本朝  
查慎行

余自癸未扈

道懷來而歸往復七閱月周廻數萬里  
 風雲氣候之變化變與早晚之  
 甲兵旌旄之雄壯軍旅號令之宣奪  
 敵納降之威烈隨其所見輒記而錄之  
 歌詩以述其所懷雖音韻鄙陋不足以擬  
 言以卽其事亦足以見當時儒臣遭遇之盛  
 西雲楊先生以詩名今觀其所爲灤京  
 在元時以布衣職供奉嘗載筆屬車之後  
 見而播諸歌詠者如此然燕山至灤僅千  
 幸之所度先生往來正當有元君臣悟

不轉瞬間海內分裂而灤京不守遂爲煨燼  
之故老殆盡無有能道其事者獨余幸得親至  
上精從畸人遷客諮訪當日之遺事猶獲聞其一二  
古覽故宮之消歇睇河山之悠邈以追憶一  
以著之篇什固有不勝其感歎者矣因  
以予之所見畧述其概以冠諸篇端  
求有元兩京之故實與夫一代興亡  
之言有徵乎

集序

余自癸未扈

蹕清暑甲申以纂輯韻府留京師乙酉五月復奉  
旨隨駕是秋撤圍後

萬乘巡邊別由雍安嶺度庫勒齊河自此抵張家口乃元  
時上都孔道今屬

上駟院慶豐司數百里間岡勢坦迤駝馬牛羊約三百  
餘萬

上按程闕視指諭臣等云昔

太宗皇帝謂此地宜畜牧今果蕃息若此遂頒

賜侍從大小臣工人各馬一匹羊二頭臣亦與焉又四百  
里始入居庸關臣惟小雅之美周宣曰誰謂爾無羊

三百維羣誰謂爾無牛九十其特我

國家考牧之盛不啻千百倍之詩書史冊所載得未曾  
有特取此義以紀盛事云

記

上都翰林分院記

元馬祖常

天子歲省留都丞相侍省中率百官咸以事從或分曹釐  
務辨位考工或陪扈出入起居供張設具或執橐鞬備宿  
衛或視符璽金帛尚衣諸御物惟謹其爲小心寅畏趨走  
奉命罔敢少怠而必至給沐更上之日廼得一休也惟詞  
臣獨無他爲從容載筆給輶傳道路續食持書數囊吏空

日不一署文字以夜雖欲求細勞微勤以自勸而亦無有然後知上之人不欲役其心使之研精於思慮而專以文字爲職業非如衆有司務以集事爲賢者也至治三年汶陽曹公子真分直學士院實應從行祖常攝官侍制聯屬以偕上日懼譏薄無以稱其官幸遭逢國家治康內外清謐臣鄰廉恥不煩訓誨蠻彝懷柔不待約束所以敷宣播告之辭猶懼且簡問爲民爲歲而祠其祠之祝亦不誣神而夸故其意質而文又寡是以益積其蘊蓄而不得肆發而爲歌詩以形容國家太平之功乃更相與樂其秩之美而憇其被光寵於明世也吾徒之服是選者良亦榮

矣夫良亦貴矣夫可不研精於思慮以俟上之召必蹈渾  
噩之實而列陳之則庶乎不戾於躬也不戾於躬則於古  
也近矣志諸壁因以存故實云

中堂事紀

元王 惲

中統二年二月十五日丙寅未刻發自燕京是夕宿通元  
北郭六月丁卯午憩海淀距京城廿里是晚宿南口新店  
距海淀七十里七日戊辰卯刻入居庸關世傳始皇北築  
時居庸徙於此故名兩山巉絕中若鐵峽少陵云峽形藏  
堂皇壁色立積鐵者蓋寫真也控扼南北實爲古今巨防  
午憩姚家店是夜宿北口軍營距南口姚店三十里而遠

八日巳巳辰刻度八達嶺於山兩間俯望燕城殆非藏然  
出北口午憩棒極店天容與日氣與山南絕異以暄涼較  
之爭逾月矣午飯榆林驛其大山北環舉目已莽蒼沙磧  
蓋古媯川也是夜宿懷來縣南距北口五十三里縣東南  
里許有醴泉井水作鵝黃色其曰玉液卽此出也官爲置  
務歲供御醪焉九日庚午至統墓店詢其名土人云店北  
舊有統軍墓故稱是夜宿雷氏驛亭地形轉高西望雞鳴  
山南眺桑乾上流自奉聖東諸山下注白波洶湧若驅山  
而東雞鳴山者唐太宗東征至其下聞雞鳴故名東南距  
懷來七十里而遠十日辛未午刻入宣德州十一日壬申



爲一日留距雷氏驛九十里癸酉行六十里值雪宿青麓  
三十日甲戌至定邊城憇焉蓋金所築故城也是夜宿黑  
崖子距青麓九十里十四日乙亥抵權塲蓋金初南北互  
市之所也是夜露宿雙城北十里小河之東南距黑崖甸  
北一百有五里十五日丙子停午至察罕腦兒申刻大風  
作元雲自西北突起少頃四合雪華如掌平地尺許亂灤  
河而北次東北土塿下羣山糾紛川形平易因勢而廣狹  
焉泉流縈紆揭衣可涉地氣甚溫大寒寢以單韋煦如也  
沙草旣茂極利畜牧按灤野蓋金人駐夏金蓮源隰一帶  
遼人日望國崖是也留八日而發距雙城七十里二十三

日甲申次鞍子山南距灤河四十里二十四日乙酉次桓  
州故城西南四十里有李陵故臺未刻朔風發發雨霰交  
作傳令方春牧馬不勝寒尤瘦弱者悉用氊毳答復其背  
否者以法從事二十六日丁亥晨霜蔽野如大雪日極高  
陰凝始釋距鞍子山廿有五里是日桓州人來自和林城  
說迤北正二月間地草自燃東自和林西至桓州亦燃極  
草根而止水濕處愈甚人往來者須以氊濡水覆其上乃  
可越又有黑風掠人面如灼兵械及山椒遇夜皆有火出  
在山者如烈焰然或者云火兵象皆北兵自焚銷鑠之兆  
二十七日戊子次新桓州西南十里外南北界壕尚宛然

也距舊桓州三十里二十八日巳丑飯新桓州未刻扈從  
鑿駕入開平府蓋龍飛之地歲丙辰始建都城龍岡蟠其  
陰灤水經其陽四山拱衛佳氣蔥鬱都東北不十里有大  
松林異鳥羣集日察必鵲者蓋產於此山有木水有魚鹽  
百貨狼籍畜牧蕃息大供居民之食用然水泉河大冰負  
土夏冷而冬冽東北方極高寒處也按方志蓋東漢烏桓  
地也距新桓州四十有五里

嶺北紀行

元 張德輝

歲丁未夏六月初吉赴召北上發自鎮陽信宿過中山時  
積雨不止有頃聞霽西望恒山之絕頂所謂神峰者聳拔

若青蓋然自餘諸峰歷歷可數因顧謂同侶曰吾輩此行其速反乎此退之衡山之祥也翌日出保塞過徐河橋西望郎山森若劍戟而蔥翠可挹已而由良門定興抵涿郡東望樓桑蜀先主廟經良鄉度盧溝橋以達於燕居旬日而行北過雙塔堡新店驛入南口度居庸關出關之北口則西行經榆林驛雷家店及於懷來縣縣之東有橋中橫木而上下皆石橋之西有居人聚落而縣郭蕪沒西過雞鳴山之陽府邸店曰平輿其巔建僧舍焉循山之西而北沿桑乾河以上河有石橋由橋而西乃德興府道也北過一邸曰定方水經石梯子至宣德州復西北行過沙嶺子

口及宣平縣驛出得勝口抵扼狐嶺下有驛曰亭落自是以北諸驛皆以蒙古部族所分主也每驛各以主者之名名之由嶺而上則東北行始見毳幕羶車逐水草畜牧而已非復中原之風土尋過撫州惟荒城在焉北入昌州居民僅百家中有廨舍乃國王所建也亦有倉廩州之鹽司州之東有鹽池周廣可百里土人謂之狗灤以其形似故也州之北行百餘里有故壘隱然連亘山谷壘南有小廢城問之居者云此前朝所築保障也城有戍者之所居自保障行四驛始入沙陀際陀所及無塊石寸壤遠而望之若岡陵邱阜然旣至則皆積沙也所宜之木榆柳而已又

皆樛散而叢生其水盡鹹鹵也凡經六驛而出陀復西北  
行一驛過魚兒泊泊有二焉周廣百餘里中有陸道達於  
南北泊之東涯有公主離宮宮之外垣高丈餘方廣二里  
許中建寢殿夾以二室背以龜軒旁列兩廡前峙眺樓登  
之快目宮之東有民匠雜居稍成聚落中有一樓榜曰迎  
暉樓自泊之西北行四驛有長城頽址望之綿延不盡亦  
前朝所築之外堡也自外堡行十五驛抵一河深廣約什  
滹沱之三北語云翁陸連漢言臚胸河也夾岸多叢柳其  
水東注甚湍猛居人云中有魚長三四尺春夏及秋捕之  
皆不能得至冬可鑿冰而捕也瀕河之民雜以蕃漢稍有

屋室皆以土骨之亦頗有種藝麻麥而已河之北大山曰窟速吾漢言黑色也有一舍外望之黝然若有茂林者近而視之皆蒼石也蓋常有陰靄之氣覆其上焉自黑山之陽西南行九驛復臨一河深廣加翁陸連三之一魚之大若翁陸連水中者捕法亦如之其水始西流深急不可涉北語云渾犯刺漢言兎兒也遵河而西行一驛有契丹所築故城可方三里背山而水自是水北流矣又經一驛過大澤泊周廣約六七十里水極澄澈北語謂吾悞竭腦兒自泊之南而西分道入和林城相去約百餘里泊之正西有小故城亦契丹所築也山城四望地甚平曠可百里皆

有山山之陰多松林瀕水則青楊叢柳而已中卽和林川也居人多事耕稼悉引水灌之間亦有蔬圃時孟秋下旬糜麥皆稿問之田者云已霜矣由川之西北行一驛過馬頭山居者云上有大馬首故名之自馬頭山之陰轉而復西南行過忽蘭赤斤乃奉部曲民遁在統之所有水曰塌末河注之東北又經一驛過石墩石墩在驛道旁高五尺許下周四十餘步正方而隅巍然特立於平地形甚竒恠遙望之若大墩然由是名焉自墩之西南行三驛過一河曰唐古以其源出於西夏故也其水亦東北流水之西有峻嶺嶺之石皆鐵如也嶺陰多松林其陽帳殿在焉乃避



夏之所也迨中秋後始啓行東道過石峽子至忽蘭赤斤

山名以其形似紅耳也東北迤邐讀一山自是且行且止行不過一

舍止不過信宿所過無名山大川不可殫紀至重九日王

師麾下會於大牙帳灑白馬漚修晴祀也其什器皆用樺

木不以金銀為飾尚質也十月中旬方至一山崦間避冬

林木甚盛冰堅凝人競積薪儲水以為禦寒之計其服非

毳革則不可其食則以羶肉為常粒米為珍比歲除日輒

遷帳易地以為賀正之所日大宴所部於帳前自王以下

皆衣純白裘三日後方詣大牙帳致賀禮也正月晦復西

南行二月中旬至忽蘭赤斤東行及馬頭山而趨春水飛

放故也四月九日率麾下復會於大牙帳灑白馬湏什器亦婦之每歲惟重九四月九凡致祭者再其餘節則否自是始回復由驛道西南往避夏所也大率避夏則就高寒之地至冬則趨陽煖薪木易得之處以避之若此以往則今日行而明日留逐水草便畜牧而已此風土之所宜習俗之大畧也

扈從北行前記

元 周伯琦

至正十二年四月伯琦由翰林直學士兵部侍郎拜監察御史視事之三日大駕北巡上京例當扈從啓行至大口留信宿歷皇后店阜角至龍虎臺皆納鉢猶漢言頓宿所

也龍虎臺昌平境又名新店距京師僅百里五月一日過  
居庸關而北遂自東路至瓮山明日至車坊在縉山縣之  
東沃衍宜粟歲供內膳又明日入黑谷過色澤嶺高峻曲  
折凡十八盤遂歷龍門及黑石頭過黃土嶺至程子頭又  
過磨兒嶺至頤家營歷白塔兒至沙嶺自車坊黑谷至此  
凡三百一十里皆深林複谷邨塢僻處山路將盡兩山高  
聳如洞門尤多巨石近沙嶺則土山連亘地皆白沙深沒  
馬足過此則朔漠平川如掌天氣陟涼風物大不同矣遂  
歷黑嘴兒至失八兒禿地多泥淖又名牛羣頭其地有驛  
有郵亭有巡檢司圍圍甚盛驛路至此相合北皆芻牧之

地無樹木徧地地椒野荷香葱韭芳氣襲人草多異花五色有名金蓮花者似荷而黃至察罕腦兒猶漢言白海也水濼深不可測氣皆白霧其地有行在宮曰亨嘉殿闕庭如上京而殺焉置雲霄總管府以掌之沙井甘潔釀酒以供上用又作土屋養鷹名鷹房駐蹕於是秋必較獵焉此去納鉢曰鄭谷店曰明安驛曰泥河兒曰李陵臺驛雙廟兒遂至桓州曰六十里店卽烏桓地也前至南坡店去上京一舍耳以是月十九日抵上京歷納鉢凡十有八爲里七百五十有奇爲日二十四大抵兩都相望不滿千里往來者有四道曰驛路曰東路二曰西路東路二者一由黑

谷一由古北口路東道御史按行處也伯琦往來分署上京但由驛路而已黑古輦路未之前行因忝法曹肅清轂下遂得見所未見實爲曠遇云

扈從北行後記

元 周伯琦

車駕旣幸上都以六月十四日大宴宗親世臣環衛官於西內櫻殿凡三日七月九日望祭園陵竣事屬車轅皆南向彝典也遂以二十二日發上都而南宿六十里店納鉢越三日至察罕腦兒由此轉西至懷禿腦兒猶漢言後海也有大海在納鉢後故云曰平陀兒曰石頂河兒土人名爲鴛鴦灤其地南北皆水水禽集育其中國語名其地曰

遮里哈刺納鉢猶漢言遠望則黑也兩水之間壤土隆阜  
諸部與漢人雜處因商而致富者甚多自察罕腦兒至此  
百餘里皆雲需府境也界是而南則屬興河路矣納鉢曰  
苦水河兒曰回回柴國語名忽魯禿漢言有水灤也隸屬  
州保昌曰忽察禿猶漢言有山羊處也地饒水草野獸兔  
最多又西二十里爲興和路世祖所創置也歲北巡東出  
西還故置有司爲供億之所城郭周完闐闐叢夥河東憲  
司所按部也西抵太原千餘里羣多太原人路置二監一  
守餘同他上郡東界則宣德府境上都屬郡也府之西北  
名新城武宗築行宮其地故又名中都今多圯毀大駕久

不臨矣由興和行三十里過野狐嶺上爲納鉢地高風甚寒東西盤折而下平地天氣卽暄無不減衣者前至得勝口宣平縣境也有御花園雜植諸果中置行宮南至縣十五里去邑三十里有山出馬瑙石又前沙嶺五十里至順寧府本宣德府也因地震改名南過坳兒嶺下臨深澗其流爲渾河嶺頭參互四十里至雞鳴山壘嶂排空綿亘二十餘里又南二十里乃平地曰雷家驛驛之西北十里納鉢曰豐樂二十里至阻車納鉢又二十里至統幕則與中路驛程相合而南歷狼居胥山至懷來縣四山環抱中有水名媯川縣南二里納鉢也凡官署留京師者皆盛具牲

酒於此候迎大駕仍張大宴慶北還也南則榆林驛卽衛  
青傳榆谿舊塞自懷來行五十五里至媯頭又十里入居  
庸關以至於大口遂以八月十三日至京師凡歷納鉢二  
十有四爲里一千九十有五此輦路西還之所經也國制  
凡官署之幕職掾曹當扈從者東西出還甲乙番次惟監  
察御史扈從與國人世臣環衛者同東西之行得兼歷而  
悉覽焉

傳

通貢傳

明  
焦 竑

俺答者故酋也先裔孫也俺答伯兄吉囊先故有男子四



日吉能曰打兒漢台吉曰銀錠把都兒台吉曰筆寫契台吉吉能二子七姪有衆數萬居河西套中舊東勝豐州地俺答之弟老把都兒昆都力哈部落三萬據開平獨石外邊俺答長子孔昆的祿辛愛黃台吉佳興和迤北其次子黑台吉子曰把漢那吉生三歲而黑台吉死其所生母胡媪者俺答以事殺之答妻一克哈屯以其僕阿力哥之妻乳那吉故阿力哥持其家柄打來孫瓦喇兀良哈永邵卜俱稱小部落打來孫依套部餘駐大同西北附俺答東則小王子之裔孫曰土蠻者爲四枝曰多羅土蠻把都黃台吉曰麥力銀台吉曰着力兔台吉曰克鄧台吉擁衆十萬

恃其蕃盛與俺答爭強互有侵犯爲中國繭遼遼東之害  
俺答有控絃之衆十萬餘精銳者三萬餘馬四十萬橐駝  
牛羊百萬駐大同宣府迤北橫行塞外自嘉靖初年來歲  
有侵掠吉能套部犯陝西延寧甘肅沿山一帶俺答往來  
雲中上谷之墟村城深懸收保不及者被圍困攻破則焚  
粟殺丁壯掠子女金帛而去有叛賊趙全十餘輩復誘之  
遂謀深入二十九年大舉逼京師四十年犯薊至通河隆  
慶元年攻屠石州猖獗特甚趙全世晉人自呂老祖以妖  
術謀不軌事覺與其黨趙全李自馨劉四趙龍呂老十猛  
谷王馬西川及周元張彥文之屬歸俺答俺答割地一區

處之因爲城郭宮室之制升板築垣遂號板升其飲食衣服仍華舊所居極壯麗僭擬宸居別爲離宮九楹以奉俺答全警敏有智畧劉四等亦勇力過人其後中國無賴有罪者輒亡命入板升相依有趙宗山穆教清張永寶孫天福及張從庫王道兒二十八人互相糾引黨衆至數千時時爲鹵鄉導鹵長驅無忌以全衆熟知險隘陜塞又華人得先驅謀視邊將不爲之防故也當石州失守全謂俺答曰那顏春秋高矣而行擁北地精兵那顏一旦捐館舍衆屬黃台吉黃台吉諸子素驕悍勢必奪而分之莫若以此時據有雲中上谷東封居庸南塞鴈門獨以一面西制晉

代進則飲馬河汾退則歸重雲谷謀未定會邊兵調募四  
集鹵人馬道死遂遁去隆慶四年把漢那吉長而慧俺答  
善視之又爲一克哈屯所憐那吉謀娶兀慎家兎搵金的  
之女俺答有外孫女聘襖兒都司俺答通焉遂奪取之襖  
兒都司恚將攻俺答以那吉所聘兎搵金的女償之那吉  
怒謂其奶公阿力哥曰我祖妻外孫又奪孫婦予人天怒  
人怨吾不爲若孫矣吾聞天朝上下有序尊卑有體男女  
不溷吾往歸之而爲我謝俺答阿力哥懼誅不敢請俺答  
遂趣之行本年十月十日那吉與其妻比吉阿力哥之屬  
十人馬十三匹息山西平魯城外將扣關而入門者難之

那吉日我俺答孫也得罪祖父故來歸天朝乞降諜者以聞開府方公逢時大喜遽命以甲楯五百騎導入大同逢時坐開府見之遣出給飲食宅舍器具悉備方遣使之督軍少司馬王公崇古所計事未及聞會少師張公居正所使卒偵報張公聞俺答事卽貽王公書曰昨有人自雲中來言俺答有孫率十餘騎來降未審的否俺答子存者獨黃台吉豈卽其子耶何故率爾來降公何不以聞若果有此於邊事大有關係宜審處之於是王公方公上其事下兵部議授那吉指揮使阿力哥正千戶各賜衣一襲是時俺答旣失那吉心常思念又一克哈屯朝夕泣日黑台吉

孫幸賴長成奈何以淫逆殺之俺答無以應因召趙  
全等計事全曰欲得那吉須厚賄贖之否則必脅以兵試  
發萬人臨城中國將率必悉出戰吾因據其城而索之可  
也俺答然其計五月辛亥俺答率衆萬餘駐平魯城之東  
張公復貽王公書曰那吉來降雖朝廷有道能使向化顧  
此事關係至重制鹵之機實在於此頃報俺答臨邊索要  
正恐彼委不取則我抱空質而結怨於鹵今其來索是吾  
利也第戒勵將士堅壁清野扼險守要使人以好語款之  
曰吾非誘汝孫汝孫自慕化而來耳中國之法得首鹵若  
子孫者賞萬金爵通侯吾非不能斬汝孫之首以請賞但

以彼慕義而來又汝親孫故不忍殺汝欲得之自當卑詞  
效款執吾叛逆趙全等以獻盟誓於天約以數年一騎毋  
入吾塞方可與汝奏聞朝廷許汝孫生還若乃肆其凶逆  
稱兵挾取吾豈畏汝者今吾宣大之兵豈復往日之比汝  
來則來吾有以待且聞汝子辛愛怨汝愛少妻溺幼子誘  
納吾中國叛人疎其種類旦夕且將謀汝汝肘腋之患不  
虞而何以汝孫爲哉彼聞此言未必不動公宜堅持初意  
審定計謀毋爲衆言所淆又曰老酋臨邊不捨又不明言  
索孫此必趙全等教之誘吾邊將兩執以爲質伺吾間隙  
掩其後不備願公戒飭諸將但併堡堅守勿輕與戰卽彼

示弱見短亦勿乘之多行間諜以疑其心或遣精騎出他道搗其巢穴使之野無所掠不出十日勢將自遁固不必以斬獲爲功也於是王公方公悉行近邊將帥保境收兵嚴陳以待時有啗王公乘鹵酋欲孫因爲市而行搆者王爲書言之張公貽書勸其毋爲衆議所淆失措畫棄前功又貽方公書曰昨得鑑川書似爲衆議所搖頗改前說誤矣此事在我已有勝算若一旦退縮措畫失宜不惟取笑外裔其害有不可勝言者鑑川何不慮此哉老酋爲妻怨恨欲得其孫甚急必不敢逞但堅壁清野以老其師日行間諜以疑其心待其心亂氣挫乃吾用奇之日也乃復貽



王公書曰頃奉宸斷此中更無異議但此事關係重大須處置得宜操縱在我上不失朝廷之體下可獲柔服之利乃爲勝算其便以二十日發去計今想已得其要領必如勿議執送趙全等首惡數人納欵效貢有番文信使乃可奏聞朝廷爲之哀懇仍加那吉一職賚以衣幣禮而遣之則老酋既感不殺之恩那吉亦受中國之命自可以消其惡毒懷我好音邊境之利也王公乃使善譯語者鮑崇德入鹵營反覆告諭俺答於是俺答慙然悔用趙全謀仰天歎曰始吾欲脩貢天朝請封趙全等謂我有天分數導我與兵今我何愛數人豈不以易吾孫耶但我北番幾無釜

不無出既和之後請各量給爲生若得請天皇封我一王  
爵鈐制諸部永爲中國藩籬固幸甚乃因鮑崇德使人之  
王公所言之時黃台吉以萬騎偪雲永邵卜以五千騎走  
威遠張兩翼而進俺答聞之卽下令麾之使退王公乃條  
具封事上言鹵願執叛易孫請封論貢詔許之一時言官  
乃有以爲不便者有謂和戎示弱者有謂互市起釁者衆  
言藉藉司馬不能裁決張公旣排衆議行之又以書與方  
公王公計畫邊事甚悉王公手其書曰邊事張公見如指  
掌吾輩久諳忝情者多愧之復遣鮑崇德至俺答營諭以  
先執金輩歸中國爲汝表奏然後歸那吉乞封通貢之事

徐任其所欲爲時張彥文已繫陽和周元飲藥死俺答令其麾下哈伍奴柱襲捕衆賊二人固俺答嬖倖自全等用事二人者日見疎遂擒趙全與其弟趙龍及李自馨劉四兒猛谷王呂西川李老十馬西川之屬凡八人面縛械繫抵邊城外是日入雲石堡十九日送大同左衛方公令習趙全者數輩驗其狀無僞具內之獄二十日出把漢那吉於庭宴以酒食數所賜衣以授其使打兒漢遣行那吉與其妻泣曰吾慕天朝故棄祖父母來歸獨奈何棄我方公論之曰朝廷以汝祖思汝故使汝還非棄汝也汝歸孝順以事汝祖懷忠以報朝廷汝行矣那吉拜謝去方公又慮

俺吉怒其從行者因來使了文力赤猛克論以無害阿力哥二人指邊河誓曰阿力哥保力哥不死鑽刀示信後竟如所誓於是王公大臣皆全等數人本事妖術背國臣鹵導引內寇攻城陷城至二十年乃者聖德中興鹵首懾服故其孫慕義來降復獎待以不死許之生還遂使中外一家永爲內屬數十年來討之奸宄一旦繫頸囹圄臣等擇日械送京師乞如先朝行飲至獻馘禮然後下吏誅之詔下悉如議行十二月二十日送趙全等八人由德盛門入京師大司寇按全等反狀悉具上命禮部官爲文詞告郊廟戮之東市文解以徇其請封通貢二事太集朝臣

詰闕下會議有言便者有言不便者張公復爲書致王公  
言封貢事乃制鹵安邊大機大畧而時人以媚嫉之心持  
庸衆之議計目前之害忘久遠之利遂欲搖亂而沮壞之  
僕受國厚恩死無以報况處降欵旣以身任之今日之事  
敢復他諉并言封貢有五利趣王公圖上貢額貢期市易  
事宜當備聞於上請首行之毋惜浮議隆慶五年二月二  
十日王公上書穆宗皇帝其畧曰俺答強悍狼肆於諸酋  
獨稱雄長况吉能把都兒黃台吉皆其子弟雖土蠻與之  
角勝亦托身老把都白結婚姻藉其聲援今羈以空爵而  
無兵衛財力之費臣獨何情而不爲但必令其大會衆首

表人貢方可擬封以彰歸義之榮仍聽名自爲部  
假以統攝之權至於貢市之議先朝行而不利蓋其故始  
於逆鸞借以媾鹵故其勢必招釁啓侮而得志於中國今  
俺答暮年悔禍且感激朝廷厚造那吉之恩納款求封出  
於誠悃豈昔日兩地爲市費財玩敵之比哉鹵若奉職通  
貢賜答自有常數如其叛盟於吾撻伐之威未嘗少挫會  
大同開府劉公亦言求貢與馬市不同况俺酋再使懇請  
若重違其意終阻向化之念且驚忿不平終爲邊害畿會  
一失不可再得張公又爲書贈王公言封貢之事所當經  
畫者有四所當修補者亦有四勸其悉心籌畫採而行之

王公乃爲疏酌其入貢之道定其獻貢之期限其貢馬之數北使進止之所纒纒可行議市場在大同以左衛威鹵堡地在宣府以萬全右衛張家口地山西於水泉營邊令裨將統兵憲臣監市而黃銅鐵軍器各有禁約鹵入毋持弓矢甲冑使得與沿邊居民有無相易在彼不肆憑陵我亦應加存恤往年燒荒搗巢劫馬兩相仇害一切不得已之厲政今宜稍寬以示招携天子重其事復下宗伯議宗伯具題成祖朝北部酋長曾封忠順忠義順寧賢義五王在往藉可致俺答之封的爲有據疏上制曰可隆慶五年四月俺答遣使奉表稱臣貢名馬三十疋上御建極殿受

之使太史奉金冊封俺答爲順義王老把都黃台吉俱都督同知那吉仍舊所賜指揮使其餘小酋長爲指揮同知者十爲指揮僉事正千戶者各十九副千戶十二百戶二所賜銀帛衣服有差俺答大喜告中國使者曰趙全等已伏誅尙遺趙宗山餘黨數十年據有板升此輩不滅亡終敗和約王公以聞詔捕獻獄如趙全等刑是年秋套部亦願輸貢總督少司馬戴公爲言於朝許其入貢開市延綏寧夏悉得市易如宣大例報可賜吉能都督同知官餘以指揮千百戶受秩者四十九並賜衣帛次年六月今上登極吉能貢如俺答事萬歷元年各修貢事如初二年上念



王公在邊之勞詔歸以大司馬協理戎政適首事巡撫方  
公服闋起代王公以故是年市事復興諸開府同心共濟  
費省慮悉三鎮晏如大抵因貢爲市中國以段布皮物市  
易鹵馬鹵亦利漢財物交易誠所謂買遷有無中外一家  
故東西延袤五千餘里無烽火警行人不持弓矢近疆水  
陸屯田悉墾治如內地墩臺哨望之卒以漸撤去所省糧  
餉歲不下數十萬石督撫諸臣及時而城邊險飭器械練  
兵馬倡勇敢所易馬至數十萬匹命官設牧統養待用在  
野成羣誠如雲錦遡流窮源運軸轉轂功蓋有自云

碑

上都華嚴寺碑

元 袁 桷

太祖皇帝肇造區夏視居庸以北爲內地戶族散處皆安  
其簡易在憲宗皇帝時將有事西南底慎舊章建置靡遑  
時則世祖皇帝治軍和林相厥地利曰維灤陽展親會朝  
茲爲道里得中稽衆契龜僉告允吉因城而名之曰開平  
焉歲在庚申世祖承大歷服建國改元削僭靖亂宗王殊  
邦奉貢效率咸會同於開平繇是定爲上都大興爲大都  
兩京之制協於古昔矣省方有常庶職攸敘商旅子來置  
而勿征首建學廟乾艮二隅立二佛寺曰乾元曰龍光華  
嚴復立老子宮於東西相須以成化俗儆蒙繄二教是先

具訓淵遠將垂憲永以爲民則仁宗皇帝在東宮如華嚴  
惕然永思粵惟皇祖置慮宏廓建都功業弗克崇闡紹開  
是我子孫不大彰顯爰命守臣相畫撤而廣之踰十年將  
成仁宗陟今上皇帝北巡狩回上都首幸華嚴若曰列聖  
在天神化合一朕罔敢有替述脩聖明將於是存存廣植  
冥福神御周流宜得以屆止其以先帝所殿鎮於後維五  
方佛像在世祖時素有感異復廣大殿以居之梵相東西  
挾翼以從凡尊事棲息悉如其教以備又別賜吳田百頃  
安食其衆至治二年夏六月丁卯丞相入宿衛上都留守  
司臣某傳旨命翰林宜爲碑紀其成績俾萬姓蒙祉庶得

以昭朕奉思臣桷竊以爲天地生物無心以成雖聖人有  
憂則曰物有不齊皇極是訓西方聖人則曰性本至善遷  
以隨欲慾由妄生性日益昏故爲物爲變至於摩盪轆轤  
生死靡分於是有懣解之說焉有追崇之說焉彼生得以  
斷死得以離則本性湛空無有垢累道奚病矣華嚴設辭  
以富貴爲喻終之以返真復初俾世之所以景慕由境以  
入因境而悟入於無相其於喻也深有旨矣世祖命名亦  
將以警夫迷俗愍濟羣動與前聖相合者實在是聖聖繼  
承靡有銖異臣桷屢從屬車聞首主是山者曰至溫師以  
妙密縝緻爲本行侍宗洞山與太保劉文貞公秉忠爲方

外友磊落有大計因得見世祖於潛邸陳對明朗遂大器  
之六傳曰惟壽今授司徒際遇隆赫於法祖有光壽能文  
詞守其道專固則永以傳謹再拜稽首爲之銘曰於赫世  
祖武緯文經廣莫相攸堅墉斯城監觀羣生厥性有恒驕  
鷲忿鬪失常是行沉昵昏惑執妄是成惟政與德具訓以  
儆善本性初爲明爲靜猗歟覽皇功始戒定或喻以空或  
設以境空解境悟真慧永證巍煌華嚴窮珍極瑰龍伏藻  
井雲凝瑤臺積香浮浮側瓴枚枚耄穉畢觀心掉膽摧相  
旣永離虛空如埃世祖稽古是則是效暨於仁皇益闡乘  
教惟皇御極承志廣孝曰列聖在天鴻績靡報顧瞻咨嗟

殊妙錫福兆民列聖之心拯彼大迷覺皇其陳謨烈  
顯承如歲之春物無癘疵膏熙沐淳億萬上年刻銘堅珉  
應昌府報恩寺碑

元  
程鉅夫

城應昌之四十有一年上卽皇帝位公主相哥刺吉封皇  
姊大長公主子阿禮嘉世立嗣封魯王命下之日主謂王  
曰應昌有土肇自大祖皇帝成於世祖裕皇而順宗皇帝  
今儀天興聖慈仁昭懿壽元皇太后實已所自出上篤親  
睦之誼承成宗武宗惇叙之心以有今日欲報之德惟佛  
焉依至大二年嘗規建佛寺於宮之東日報恩盍竭力成  
之旣成請文勒碑昭示無極上以命詞臣臣鉅夫謹案太

祖初興魯國宗武上按亦那演以佐命元勳有分地約世婚而昭睿順聖皇后歸於我世祖太祖之孫薛赤干公主下嫁王子納陳至元八年始置應昌府以封其子帖木兒尙帝季女囊加真公主未幾陞府爲路十四年帖木兒北征有大勳賜號按答兒圖那演元貞元年封濟寧王主爲皇姑魯國大長公主子孛不剌尙相哥刺吉公主乃今皇太后之中子也大德十一年武宗卽位封皇姊大長公主孛不剌魯王逮今嗣王祖孫凡五世國益大爵益貴恩數益異爲之傳以輔之爲之羣有司以治之於是宏吉刺氏雖古塗山有娥不足擬隆寺之建所以歸美報上昭忠孝

也殿堂廡門庖寮庫庖度經之室樓碑之亭金碧焜華芬  
棹宏密繚以周垣亘以修塗一木一石必出乎已一夫一  
役不煩乎民簡僧之有行業者曰智心主之日帥其徒請  
演祝讚梵唄洋溢諸佛降監祖考來格帝室王家福祿攸  
同謂之報恩不亦宜乎洪惟聖祖皇帝覆斯天載斯地廣  
大慈仁與佛一德皇姊嗣王克永孝思克廣德心以崇佛  
乘宜聖上親親之道彌至而臣子報稱之誠無斃贊皇圖  
於億載保王國以匹休猗歟休哉臣鉅夫謹拜手稽首而  
獻頌曰在昔太祖龍興朔方惟宏吉刺忠武洸洸佐定中  
原遂開大荒約締世婚申錫土疆實生昭睿相我世皇光



天下之德盛仁疆應昌旣邦魯國是王貳館繼承奕葉重  
芳連城列邑沃野相望設官分職乃紀乃綱婉婉皇姊愛  
積厥躬帝弟帝兄承於祖宗洎我聖母澤濬恩隆何以報  
之佛法是崇廼集羣材廼徵六工於城之中於宮之東爰  
作爰謀爰蔽我衷以奠覺皇以異孝恭飛殿巽我列屋周  
阿丹題藻悅電轉星羅彤雲承露翠霧凝柯天花夕雨貝  
葉晨娥慧日曬光祥風扇和寒松沃色碧海澄波永底佛  
慈百祿是荷盤石其宗礪山帶河聖母萬年帝壽且多佛  
法廣運皇道無頗

應昌路曼陀山新建龍興寺碑

元趙巖

至元丁未世祖皇帝躬御六師徂征弗庭駐驛之夕一佛  
飛空現金色身如影如幻旦諭近臣莫知從來耆誦耄詢  
俾審厥象或曰曼陀山石洞有佛殊相迺命帝師經燈吹  
螺凡七晝夜龕廬積年霜苔露荆皇姊大長公主魯王善  
根堅深睠懷皇聖櫛風沐雨勤勞天下金戈黃鉞壁於應  
昌於時乃顏離佛正法欲以螢火燒須彌山世皇旋乾轉  
坤有大力量以一指臂麾一切世界金剛鐵圍碎如微塵  
鞭弭所向怨敵摧伏梵王帝釋恒隨擁衛如來顯現克相  
有成於是鑱榛畚土斧樹滅石殿像觀音東西鹿頂三門  
廓宏面勢海廣一夕石洞金佛現相如初主念益堅聞者

信心廻標剝龍興以神至元若淨梵天水雲洞名皆主所  
定福及衆僧有眼無觀主與世祖所見等無差殊歡喜莊  
嚴得未嘗有巖霏寒開嵐輝月清洞邃三丈其穹半之仍  
穿其旁遊者投足深探遐歷莫得要領安知是穴不徹南  
海到菩薩岸不徹東海達娑羯羅又安知不徹天台鳳蕩  
應真飛處耶今主身履富貴而以寂照師心以一剎徧一  
切剎一佛示現徧一切佛億萬水年應佛受記得大歡喜  
得大饒益將自泰定甲子始是爲龍沙功德林第一說已  
主命偈而石焉其辭曰如來金色現法身非因非想而顯  
示世祖皇帝大威德青蓮咲日降群魔曼陀洞佛生光明

優鉢曇花此值遇音聲法事七晝夜亦復土木新龕廬我  
大長主大棟梁建觀音殿於其所剎楣龍興麗雲天洞穴  
邃窈不能竟日淨梵天水雲洞咸奉皇姊之所名一佛示  
現百億身百億身各現一佛以壽如來壽帝姊此剎無量  
福無量祝聖天子萬億年潢源永永咸滿願

龍虎衛上將軍木虎公神道碑

金 元好問

生而靜之謂性靜而應之謂材材與性出於天其初則通  
而中有大不同者蓋性者材之體而材者性之用體喻則  
璞也用喻則璞之雕也然性不害爲不及而材每患於有  
餘惟其不及故克於成惟其有餘故趨於壞人知椎鈍朴

魯拙於變通艱於鑄鑿之爲無所取而不知聰悟敏給敢於負荷安於墮窳爲大可哀也古有之博學雖愚必明况賢者乎困而學之又其次也况不至於困者乎以是論公則學之力爲可見矣公諱筠壽字堅夫姓木虎氏世爲上京人五世祖木不從武元下寧江王業漸隆論功第一一命銀青榮祿大夫節度寧江開國之後一門世封猛安五人謀克十七人尙縣主者三人子孫以世官故移戍西北路桃山之陽因占籍撫州勳貴之盛國史家牒詳焉曾大父布苦德襲猛安積官鎮國上將軍妣完顏氏金源郡夫人大父查刺明威將軍比部詳穩官妣溫敦氏金源縣君

之問散懷遠大將軍薊州益津縣主簿後用公貴贈鎮國  
上將軍妣金源郡君隋滿氏進封太夫人公卽益津府君  
之長子也初名雲壽道陵特旨改焉大定二十九年以人  
門選充親衛軍騎射曉捷時輩無能出其右初著籍卽衙  
直點檢司泰和中元妃李氏兄弟貴寵方盛內外諂附大  
奴文童者以事陵轢平民市人聚觀無敢爲救止者公見  
之唾掌大數日若人奴耳何敢爾耶直前擊之馬箠亂下  
奴流血被面號訴於都點檢喜兒人爲公危之公泰然自  
若謂同列言點檢公宮闈之長果解事當加重我或以一  
奴故而害正人豈久於富貴者我何懼焉喜兒召公入善

言慰之曰外人見吾家鷹犬且知愛之君乃能辦此可謂  
不畏疆禦矣奴輩儻復恣橫無惜教督之公用是知名嘗  
問一策論老生曰世謂親衛軍舉不能官其病安在生言  
公輩年二十許隸籍又二十年乃出官四十而學從政蓋  
已晚矣况衛士之職尊君之外無復餘事平日唯知威制  
疆脅積習既久豈復有平易近民者乎公復問然則如何  
而可曰公試取律令讀之公退而讀律不二三年條例及  
注釋問無不知他日又問生我讀律知大綱矣竊謂刑法  
但能治罪惡之有迹者耳假有情不可耐而迹無可尋者  
何以治之生曰聖人作春秋不誅其人身子能讀春秋則

治心與跡兩俱不困矣公復從人授春秋泰和中行臺駙  
馬都尉揆南征詔給親衛軍二百五十人以從而公爲之  
長破羅山得經生曹鼎從之講授從是言論開廓又非吳  
下阿蒙矣嘗言吾初讀律繼而授春秋因之涉獵史傳粗  
見成敗比死者須一見天子不有所建明可乎復取劉顏  
輔弼名對陸宣公奏議成誦之其疆學堅志類如此八年  
軍還用行臺薦收充奉職宣諭良厚大安初奉詔使高麗  
立節清介不聽以館伎給使令互市之利僅不廢故事而  
已御史上之卽日授中官護衛尋遷之御前至寧初右丞  
綱軍居庸詔公爲叅謀數與綱議不合綱積不能平檄公



從縉山高琪軍時大朝兵已薄居庸游騎旁午道路阻絕  
公從僮僕二三輩夜出關無一卒與俱會高琪移軍合河  
公馳赴之比至而軍已潰單騎南還且戰且走僅入南山  
與都統興哥收潰卒四千騎二千拒險而陣軍中遣譯人  
好謂公言我無他求止欲得馬耳公報言渠欲得馬我欲  
得吾人之被掠者耳公報吾人見歸馬非所惜也約既定  
相與結盟與馬十得老幼千餘以歸以功加鎮國上將軍  
賜馬十匹貞祐二年扈從南遷公憤懣欲有所言而無自  
發之行及新樂爲上言如后車乘綵畫鮮明徒事外飾而  
適用之具或不足任重而致遠設有意外之變非臣子所

敢言蓋積弊之極以致今日非獨此一事而已宣宗感悟  
詔公以便宜提控尙輦局七月以扈從勞授器物局副使  
一日內出鞫伏命料理之工部下開封市白帑取皮公以  
家所有鞫伏進且言車駕以都城食盡遠弃陵廟正陛下  
坐薪嘗膽之日奈何以毳鞫細物動搖民間使屠宰耕牛  
以供不急之用仇敵在邇非所以示新政也上不懌擲伏  
籠中明日日出公爲橋西都提控是歲臨秋公度遠近設候  
望河朔無警則聽河防民丁暫歸省薪糧以贍軍公私便  
之四年冬十一月潼關失守樞密院檄公守虎牢虎牢陵  
谷遷變無險可阨倉卒中作大橋以拒西師橋甫成而敵

至相去百舉武長兵已相接矣公橫槊橋上獨當之西師  
十六輩棄馬潛由澗中路偃僕而上欲出公軍士之後軍  
爲小却公策馬大呼後騎隨進聲勢甚張十六人者皆倉  
皇失措展轉澗底公下馬立視指麾後騎乘高而下顧盼  
之頃梟六首而還汜水東數城西師雖不侵突而群不逞  
有因亂相剽竊者獨公所鎮軍民按堵如故諸縣就河陰  
爲立生祠樞密院別帥軍二萬戍虎牢此軍至自河朔縣  
掠成俗且主帥馭之無紀律變在旦夕民謂公可恃自陳  
苦急公言之帥帥言我軍皆盜賊強梗之餘當以漸柔服  
急則生變咎將誰執公知帥不能軍縛暴橫尤甚者三人

斬之以詢軍中肅然俄改武器署為五年除同知定國軍  
節度使事自夏陽抵潼關上下千里茂卒五萬公兼領之  
因上奏關輔被兵之後殘民疲於供給所在城壑之役乞  
以農隙為之秦民賴焉興定二年改同知陝安軍節度使  
三年改環州刺史夏人大舉入寇城中守禦不嚴二千公以  
老幼婦女乘城度寇至木波地狹迫險阻遂欲自將步  
騎五百乘夜襲之寇果驚潰帝廷遣使賜之勳數千  
獲將領一人寇奔往西道公復邀擊之寇遁去  
萬餘慶陽總管子容以巡檢幕客再能南紹馬二欲取之  
倚公同局之舊私遣掾屬趙以情告公公雖以求索見汚

爲趙言彼部落旂以馬爲死生凡馬且不可得况名馬乎  
於是總管怨且慙乃誣再能有叛計遣趙掾勒公捕送趙  
復得以此脅再能獻馬可免罪再能率所部千人州縣前  
望闕泣拜曰我曹受恩百年何嘗有一人萌異志者幸太  
守申明之趙掾在我亦不爲寃死鬼矣公欲兩解之繼言  
愈怒馳奏再能有叛計劃史不奉府檄擁護罪人可其汝  
之有詔京兆行臺窮治其事叅知政事北公延安帥完顏  
公保公無他詔勿問猶以州府不相能兩罷之平涼行臺  
奏公爲馬步軍都總領公自以無罪橫被廢棄鬱鬱不平  
耶雖擢置亞帥非其好也居無幾何籍同官游邊

終焉之志不 數日遘疾疾遂革所親問後事公強起應  
之曰我武人不死疆場而死床篲獨是爲介介爾此外何  
必言言終而逝享年五十有一昔五年七月之十一日也  
元光改元冬十月諸孤扶護東還權殯汝陽積官龍虎衛  
上將軍金源郡侯先娶夾谷氏雲陽令阿合門之女前公  
卒再娶徒單氏秘書監里白之女後公十有八年而卒並  
封金源郡夫人子男五人長仲道次仲貞櫟陽監酒次仲  
坦闕鄉令次彭孫聃孫俱蚤卒女二人皆適士族男女皆  
前夫人出也男孫二人祖安老安女孫一人尙幼公儀幹  
秀偉資稟沉毅清儉公勤爲人寡言笑不妄取與事親孝

友愛諸季恩禮備至及弟兄析居公悉有以處之曰季弟  
通貴無俟分財某弟戰歿其孤當卹小弱弟蚤失怙恃尤  
可哀者孰多孰寡咸適其當公所取唯白玉帽環一雙而  
已曰此大門時物也在軍中十餘年與士卒同甘苦至盛  
夏不操扇或問之故曰古名將類如此吾願學焉且身歷  
艱苦亦從儉入奢之義也或言軍士近年俱無戰志殆不  
堪用耶公謂不然猶之鷹隼往在田間悉能自取食人得  
而畜之豈遽忘搏擊耶婦人女子爲氣所激尙能持刃而  
鬪况男子乎吾謂兵士無不可用亦猶鷹隼養之未至耳  
公旣耽嗜書史故親授三子 學夜參半猶課誦不已二

子服教悉能自樹立有聞於時某歲仲坦舉公樞北歸卜  
葬於輝州蘇門北之某原枉道過好問新興授公行事之  
狀涕泗再拜以神道碑銘爲請仲坦從好問游有昆弟之  
義義不可辭乃爲件右之惟公故大家生長燕雲間州閭  
貴游華靡相尙公家累鉅萬僮僕千人帷帳軒車琴筑棋  
槩可取諸左右而足能被服儉素攻苦食淡不變老人大  
父國俗真淳之舊此一難也帶刀宿衛從事獨賢而於番  
宿更休之餘爲幼學壯行之計心樂性熟寢食不廢乃如  
寒苦一書生雖明昌右文海內嚮化家存贏金之諺士有  
橋門之盛至於以衛士而治儒術者惟公一人是又一難



也流品旣高朝譽旣著高墉射隼足致要津公則剛近平  
仁義形於色未信不虞於謗已而奉公寧至於失名蹭蹬  
一麾有識興歎使之得時行道持衆美而效之君文武志  
膽用無不可徒以一言忤旨不得久居中何泰和封殖之  
難而貞祐摧折之暴也彼以假儒衣冠生死利祿碌碌無  
補蘇而復上六經掃地沒世不復反以武弁待公自公觀  
之其賢不肖果何如也銘曰

北方維強間氣維雄以宗起身而以名起宗金石獨止而  
無並流脂膏其處而不自豐直前徑行之謂剛有犯無隱  
之謂忠匪惟公賢策策之功丞相材官危戮鄧通北山諫

書乃在筆公使公不學無術猶當有占人之風大冠如箕  
鉅儒宗工徼巡周廬寔命不同乃如之人兮祿不計庸我  
銘墓石鬱孤憤兮何窮

誌銘

威寧井氏墓誌銘

元虞集

河西隴北道肅政廉訪使井淵介其僚友楊君益以其父  
兄之狀來告曰井氏之大父自汝寧辟地於興和威寧縣  
家焉有子五人生齒日以盛今尙書之父其第四子也大  
父沒昆弟請分財異居各取美田宅強壯奴婢馬牛而已  
則怡然獨以脩身教子爲事今尙書之伯氏早仕有聲由

中書椽除從仕郎戶部主事贈其父從仕郎高原縣尹再  
爲工部主事階奉直大夫贈其父奉直大夫大都路奉聖  
州知州飛騎尉追封威寧縣男主事又以戶部員外郎歷  
左司都事拜監察御史出爲河南江北等處行中書省左  
右司郎中積階奉政大夫而沒蓋泰定四年三月二十九  
日也先是奉聖以至大二年正月二十一日卒距郎中沒  
時凡十有九年而墓未有誌者郎中志有待也而淵也自  
掾中書左將作院主刑部事歷宣政太禧屬官至刑部員  
外拜監察御史右司都事兵部郎中儲政院判徽政院叅  
議旣贈其父奉聖君朝散大夫同知興和路總管府騎都

尉追封扶風郡伯參議遷內宰又贈其大父亞中大夫東  
平路總管輕車都尉進贈其父嘉議大夫禮部尙書上輕  
車都尉並追封扶風郡侯內宰改工部侍郎遷浙西憲副  
尋以侍郎而擢實右司直兼經筵官矣至元庚辰歲遷兵  
部尙書積階正議大夫憲臺擢河西隴北道副使散官如  
故顧未有以成其先兄之志懼歲月之滋久而浸泯也請  
爲誌之東平侯諱伯全配王氏尙書公諱德誠配高氏婦  
始並追封扶風郡夫人子五人長曰源字彥明左右司郎  
中君也娶侯氏繼郭氏以其夫貴皆封威寧縣君次順隆  
興宣德鷹房提領次顯淨州天山縣尹次溫上都興和等

路打捕鷹房提領所副官次元次淵字彥深河西隴北道  
廉訪使君也娶劉氏繼娶牛氏因其夫貴俱封扶風郡夫  
人女一人適同郡進士王弼早寡以貞節表其門孫男九  
人天歷二年秋右司爲刑部時天子自北方還上都供億  
視常歲爲夥有司請豫大儲蓄宰相使刑部爲之出令使  
民得入粟受厚直於是任者輦者負者戴者畢至則平斗  
斛受之民以次得直去府史閭徼無姦留不日而粟盈鉅  
萬四方聞之商農日集都市粟價頓平民益悅是歲予以  
太史亦在上都見刑部爲政陞中書兵部尙書擢河西隴  
北道憲使而信其父兄之善銘曰

人有子孫或以貴令或以德存斯獲孰敦惟德弗競田取  
無繩器取竄病而有餘慶化行於家長怡幼愉德用不孤  
爲善之符其符何有伯氏孔廡縻爵之好以介父母嗣伯  
以升匪季莫勝來侯來公尙最爾能威寧桑梓蔽芾井里  
有隆斯封以享永祀

塔銘

西庵院智崇禪師塔銘

金梁朗

佛有內教外教頓漸之機其來尙矣內外兼通者西庵師  
其人也師諱智崇俗姓王氏文德護塞里人也師七歲志  
樂釋門卓然不可奪禮宣德法雄傳妙大師出家受其記

勃旣游諸方聽學不倦諸經律論悉精究焉爾後棲息禪林問於西京西堂後歸雷首顯老磁州寶老造形悟道所謂人中著龜佛法中龍象也父母旣沒遂歸里中起庵於塋側及時進道以爲追薦天眷間增廣其庵遂成道院構堂數間莊嚴聖像復建雲堂香積并餘寮舍數十間使先塋之前皆布金之地十年未嘗出院三年不與人交語遠近無不皈依大定十八年九月二日卒於院春秋六十八僧臘三十七死之前五日戒其門徒曰時將至矣又二日天大雨雪川原草木皆成瓊瑤琪樹之狀死之後三日雨雪成瑞亦復如是茶毗旣畢齒不灰者二十有五其上覆

以祥雲終宵不滅以戊戌十二月七日丙申葬於庵溝門  
徒裕辯裕基裕金等共建靈塔走告予請銘因刪其所錄  
行狀爲銘曰頓漸之教異途同歸孰稱龍象崇公禪師以  
戒定慧滅貪嗔痴德行可仰福緣可資貝多音在窣堵波  
巍若稽景教請視斯碑

銘

封燕然山銘

後漢

班固

維永元元年秋七月有漢元舅車騎將軍竇憲寅亮聖皇  
登翼王室納於大麓惟清緝熙乃與執金吾耿秉述職巡  
禦治兵於朔方鷹揚之校螭虎之士爰該六師暨南單于



東胡烏桓西戎氏羌侯王君長之羣號騎十萬元戎輕武  
長轂四分雷轡蔽路萬有三千餘乘勒以八陣蒞以威神  
玄甲耀日朱旗絳天遂凌高闕下雞鹿經磧鹵絕大漠斬  
溫禺以彘鼓血尸遂以染鏑然後回校橫徂星流彗掃蕭  
條萬里野無遺寇於是域滅區殫反旆而旋考傳驗圖窮  
覽其山川遂踰涿邪跨安侯乘燕然躡冒頓之區落焚老  
上之龍庭將上以攄高文之宿憤光祖宗之元靈下以安  
固後嗣恢拓境宇振大漢之天聲茲可謂一勞而久逸暫  
費而永寧也乃遂山刊石昭銘盛德其辭曰

鏢王師兮征荒裔勦凶虐兮截海外奠其邈兮巨地界封

神正兮建隆鳴熙帝載兮振萬世

賦

鶴媒賦 并序

元王惲

中統二年予在上都掌記中堂客有負青幃挾長杖二鶴  
馴於後以廩繼來請問其役日以鶴媒取鹿者也嗚呼鶴  
善類也喙雖長不鉤銛以噬爪雖巨無指跡以攫而於麀  
伏容有忤害其如人之不仁何至元壬午冬與禮部王兄  
子冕因話及此慨然有感曰今人以智計相傾內險外易  
者何殊於鶴之取鹿也作鶴媒賦其辭曰萬物者元氣之  
盜氣之靈者莫人若也既役物而君之其忍以盜作智而

爲得計乎如絳麋草間圖鷓潔地齒紙求蜂葉城網雉盜  
物矜雄此何足異以智獵愚理固宜然用愚戕愚斯則不  
仁之極也鶴本善類與物無忤飛翔寥廓仙游之驥教之  
羽舞已違元性詐以標鹿遂戕彼命是則鶴之善人則用  
而險之返有過於機弄也鶴了不知鹿終弗悟歲供庖廚  
皆鶴之故何殊人心內險外易以詐假仁顯比陰忌將取  
彼有則必姑與彼昏不知日狎而伍一落其機投足無所  
誠何異以鶴而媒取也吾然後知物之顯暴者旣得預而  
防之愚而深中者尤不可玩而侮也示我同志筆而爲賦

口北三廳志卷十三終

日北三廳志卷十四

藝文志三

詩 樂府歌行

敕勒歌

北齊 斛律金

敕勒歌陰山下天似穹廬蓋四野天蒼蒼野茫茫風吹草底見牛羊

大漠行

唐 崔 湜

單于犯薊堧驃騎略蕭邊南山木葉飛下地北海蓬根亂上天科斗連營太原道魚麗合陣武威川三軍遙倚伏萬里相馳逐旌旆悠悠靜瀚源鞀鼓喧喧動盧谷窮徼上幽

陵吁嗟倦寢興馬蹄凍溜石衣毳暖生冰雲沙泱泱天光  
閉河塞陰沈海色凝崆峒異國誰能托蕭索邊心常不樂  
近見行人畏白龍遙聞公主愁黃鸞陽春半岐路間瑤臺  
苑玉門閔百花芳樹紅將歇二月草蘭綠未還陣雲不散  
魚龍水兩雪猶飛鴻鴈山山嶂連綿不可極路遠辛勤夢  
顏色北堂萱草不寄來東園桃李長相憶漢將紛紛攻戰  
盈敵旅蕭條幽朔清韓君拜節偏知遠鄭吉驅旌坐見迎  
火絕煙沈右西極谷靜山空左北平但使將軍能百戰不  
須天子築長城

部落曲

唐  
高適

春軍傍塞遊代馬噴風秋老將垂金甲闕支着錦裘瑠弓  
蒙豹尾紅旆插狼頭日落天山下鳴笳漢使愁

鐵山碎 敬飲鏡歌第八

唐 柳宗元

鐵山碎言突厥之自古傳莫彊焉師大破之降其  
國告於廟也

鐵山碎大漠舒二鹵勁連穹廬背北海專坤隅歲來侵邊  
或傳于都天子命元帥奮其雄圖破定襄降魁渠窮竟窟  
宅所余吾百蠻破膽邊氓蘇威武輝耀明鬼區利澤彌萬  
祀功不可踰官臣拜手惟帝之謨

春水行

金 趙秉文

先春宮外春水生，駕鵝飛下寒猶輕。  
綠衣探使一鞭信，春風寫入鳴鞘聲。  
龍旗曉日迎天仗，小隊長圍圓月樣。  
忽聞疊鼓一聲飛，輕紋觸破桃花浪。  
內家最愛海東青，錦鞵臂翻青冥晴。  
空一擊雪花墮，連延十里風毛腥。  
初得頭鶯誇得雋，一騎星馳薦陵寢。  
歡聲沸入萬年觴，瓊毛散上千官鬢。  
不才無力答陽春，羞作長楊侍從臣。  
閒與老農歌帝力，歡呼一曲太平人。

扈從行

金趙秉文

馬翻翻車轆轤塵土難分真，面目年年扈從春。  
水行裁染春衫波漾綠，綠鞵珠勒大羽箭。  
少年將軍面如玉，車中小

婦聽鳴鞭遙認飛塵郎馬足朝隨鼓聲起暮逐旗尾宿樂  
事從今相繼躅聖皇歲歲萬幾暇春水圍鵝秋射鹿

做郎士元寶刀塞下兒

金趙秉文

長安俠少年白馬黃金鞭侈騎捧長劍官儀如殿前烟塵  
生絕塞烽火照甘泉如聞辭第將遺貌上凌烟

征人怨

元元好問

瀚海風烟掃易空玉關歸路幾時東塞垣可是秋寒早一  
夜清霜入鏡中

沙陀行

元郝經

老鼠山陰界墻北隱隱磷磷起沙磧泉腴草美地高寒王



氣瑰雄當斗極幾同秦漢儘消沉隔斷中原沒行跡坡陀  
瀟漫重復重舊深新尖宛如一天傾海劍白浪枯中有生  
龍千萬匹雲屯霧郁無畔岸水灩煙浮川谷溢驟驛窟宅  
簸蕩寬駮駁康莊戛磨密參差不斷動魚文涵瘴相銜翻  
蟻隙噴風掣電脫兔疾色別群分鮮錦織春迴凍裂怒蹄  
齧蹴碎水天轟霹靂分馳茁壯賈餘俊突兀權奇縮生力  
角伏踠促口又豁目凸銅球凹溝脊鯨鬣瀾翻鳳臆橫山  
字圓平尾梢直飄飄舉是萬里足往往玉立八九尺雪壓  
草根脂滿口不解人間有阜壘腹腴氣猛穩且馴不喜牽  
籠喜迎敵隘視河山渾一抹仰首西風聽鳴鏑古來伯樂

未曾見天下更無多馬國國初西北半天紅房駟光苾遶  
天策帳前白馬飛下天青草年年益蕃息開國一戰何所  
須木第五千跨生駒百萬山崩排堵墻乘勝逐北過燕都  
更得金源四十萬大青小青絕世無回戈却取西南夷奄  
有渥洼與余吾長鬚巨鼻入監牧大宛空群王作奴崑崙  
蹴平飲河源瑤池月窟皆長驅沙陀拓境數萬里驥驟曉  
騰古無比金粟堆空漢月沈馬上真人作天子數端不在  
宴賜年斗尾堆金勢難止西域既定右臂舉阜旗隨風便  
南指迅鋒踏破李王城抄騎直入杏花營小關透漏潼關  
敗嶢峰扶出汴梁驚黃流見底江漢狹我馬正渴方橫行

中原無人馬有足殘城破屋不足平風聲鶴唳皆落膽但  
言有馬不問兵旣平西海復南海馬鳴蕭蕭迴旌歸來  
罷戰合長圍令如殺敵誰敢違包山絡海數千里西稍把  
手隔年期一朝圍合密鐵匝馬耳戢戢爲籓籬百獸擁起  
白衝蹙骨牙挂角傷毛皮先開一面放三日然後共施弧  
矢威黃羊野馬不足數躡躡羆兕驅熊羆赤霧不散肉山  
赭乾坤模糊血淋漓長楊上林莫大誇舍長露短彼一時  
向令見此無復獵相如枉用多文辭以戰爲獵國俗然况  
乃萬里皆鞭笞馬多地廣兵力勁將士能將馬爲命終身  
騎射不離鞍辛苦生瘠殆天性每將饑渴勒狂橫一飽一

肥無復病俊逸都無水草態變化自有真龍性鼓鼙聲動  
使開張人人據鞍皆王良直入飲血鬻頭顱查牙生人潤  
枯鴈所向空闕都無敵遂令四海皆天王駝錦背高崔  
嵬玉帛萬國來梯航琵琶絃急曳落高醜顏半醉馬乳香  
玉脂漱灑玻璃滑浮動酥顆金粟黃供官大群肉擁腫揮  
霍頰洞如酒漿馬頭一璞驚屏顏橫截數尺琢玉鞍絳革  
編珠排碎錦繁纓小鈴絡金環前朝不數大無價九采奪  
目誰敢看五花虎文稱裝束踏地恐破驕且閑大官牽來  
至尊御馬前拜舞朝百蠻此時息民立紀綱泰山四維萬  
世安地無與大兵無強何用更舉祗自殘天生此馬爲天

下敵盡兵窮亦當罷五十年來不摘鞍安得瘡痍被王化  
但願沙陀馬無數會見中原有新戶深宮九重不動塵永  
使驂駟脫羈鼻

白山行

鴛鴦灤東白石山一峰峻削尤高寒金蓮花擁玉芙蓉奇  
秀誰教在此間頑冰積雪雕鏤就追琢琳琅露枯瘦霧披  
煙染不能青草隱沙昏日依舊當時朱酌若相逢玉京不  
運萬歲峰華陽宮中第一山沉水灌洗金泥封瑰異無緣  
到華夏歲歲年年聚羊馬幾回重著吟鞭點崔嵬貌作詩  
中晝曉來雨過無埃塵落日冷浸光更新就中必有連城

壁世間誰過三別人北山交得移山叟移向石淙玉溪口  
太湖烏玉都壓倒更添風月三千首

北嶺行

元郝經

中原南北限兩嶺野狐高出大庾頂舉頭冠日尾插坤橫  
亘一脊繚絕境五臺南望如培塿下視九州在深井上有  
太古老死冰沙埋土食光爛爛盤磴滑硬草無根枯石摩  
天墮生礦南人上來不敢前撲面欲倒風色猛坡陀白骨  
與山齊慘澹萬里殺氣冷嶺北乾坤士馬雄雪滿弓刀霜  
滿頸稀星如盃斗直上太白如月人有影寄語漢家守城  
將莫向沙場浪馳騁

化城行

東郊野馬如鳥驚依稀隱約還成城參差雉堞雲間橫  
頭岌業擎長鯨壯哉三都與兩京殿閣樓觀頽空明丹雘  
峭麗歆且傾烟氣荏苒搖旆旌其中似有百萬兵是邪非  
邪寂無聲秦邪漢邪杳難名長風忽來一掃清赤日如赭  
高天青霜淨沙乾雁鶩鳴路傍但見棘與荆祇有慘澹萬  
古情人間城郭幾廢興一抔聚散皆化城君不見始皇萬  
里修長城人土並築頑如冰屈丐按劍將土蒸堅能礪刀  
草不生神愁鬼哭枯血腥殺人盈城著死爭只今安在與  
地平平地深谷爲邱陵江南善守鐵瓮城城外有田不敢

耕西北廣莫無一城控茲百萬長橫行身爲心城屋身城

一朝破壞俱化升佇立感化參元冥乾坤翻覆一化城

案張獨二口塞外有太子城遺蹟已不可考每黎明時從遠望之見有城郭涌出地上樓櫓雉堞宛然如新須臾日出即隱不見殆即所謂化城者蓋亦地鏡海市之類也○又案此詩中重用七城字是亦有意而爲之者非漫然也

松林行

元 袁 桷

陰陰松林八百里昔日相傳爲界址元雲卷甲天馬來雪

兔霜狐先委靡山前犬牙十六州石郎屈膝輕相投淺沙

圓石古轍迹草青草枯無盡愁闕二拂天鎮南北萬井燃

松烟似墨大車闕二龍角全小車輪困束矛戟松花落子



關復抽不如昔日當道稠采薪之人不辭遠出郭十里爭  
相酬君不聞雪山之西銅柱南混同鴨綠成東漸金山橐  
駝爭貢寶翦取平林作馳道

天鵝曲

元袁桷

天鷲頸瘦身重肥夜宿官蕩羣成圍蘆根唳唳水蒲滑翅  
足蹇曳難輕飛參差旋地數百尺宛轉培風借雙翩翩身  
入雲高帖天下陋蓬蒿去無跡五坊手擎海東青側眼光  
透瑤臺層解條脫帽窮碧落以掌疾搯東西傾離披交旋  
百尋袞蒼鷹助擊隨勢遠初如風輪舞長竿末若銀毬下  
平坂蓬頭喘息來獻官天顏一笑催傳餐不如家雞柵中

生死守免使羽林春秋水邊走

楊花曲

上都楊花瘦且堅葉葉不展圓如錢年年飛花作端午遠  
客乍見心茫然上都飄雪不知數此花與雪相旋舞黃鸝  
聲絕孤雁鳴萬騎千車互來去手攀短條心欲絕宛轉成  
毬恨初結寒風飛蓬卷車輪點點相亞隨相滅南鄰蕩子  
衣夜單曉望日出如黃綿辛勤掇拾不敢棄願刮龜毛同  
作瓊

北行歌

元馬祖常

君不見李陵臺白龍堆自古戰士不敢來黃雲千里雁影

暗北風裂旗馬首回漢家衛霍今何用見說軍還如裹痛  
不思百口仰食恩豈念一身推轂送如今天子皇威遠大  
積金山烽燧鮮却將此地建陪京灤水回環抱山轉萬井  
喧闐車戛輪翠華歲歲修時巡親王覲圭荆玉盡侍臣朝  
綬蠙珠新高昌句麗子入學交趾蠻官貢麟角斗米三錢  
金如土國人謳歌將軍樂將軍樂四海清吾皇省方豈田  
獵觀風察俗知太平

車簇簇行

元馬祖常

李陵臺南車簇簇行人夜向灤河宿灤河美酒斗十千下  
馬飲者不計錢青旗遙遙出華表滿堂醉客俱年少侑杯

小女歌竹校衣上翠光金陸離細肋沙羊成體薦共訝高  
門入三縣白髮從官珥筆行毳袍衝雨桓州城

上京端午行

羅襦垂垂扇奩歇守宮持紅不數蝎桐官馬酒銀流澌內  
饗餅啖酥凝雪灑水之陽漢帝京拂天翠華風日清繡絲  
鞋墻擅南陌玉環鏡鼻馬東城射柳王孫五花馬醉來見  
客不肯下擷藍攬綠鬪草嬉靈運無鬚更誰詫香爐熏衣  
今幾人蘭堦畫永簾光勻圍坐屏風罨畫劇杯中菖蒲笑  
回春

白翎雀歌

鳥桓城下白翎雀雌雄相呼以爲樂平沙無樹託營巢八月雪深黃草薄君不見舊時飛燕在昭陽沉沉宮殿銷鴛鴦芙蓉露冷秋宵永芍藥風暄春晝長

灤水秋風詞

元柳貫

朶樓清曉常祠罷吾殿新秋曲宴回御帛功由寒女出分額恩自九天來

西風初吹白海水落日正見黑山雲旃廬小泊成部署沙馬野駝連數羣

後灤水秋風詞

元柳貫

界牆窪尾砂如雪灤河觜頭風捲空泰和未必全盛日幾

驛雲州避暑宮

旋卷木皮斟醴酪半籠高帽敵風砂  
丈夫射獵婦當御水  
草肥甘行處家

山郵納客供次舍土屋迎寒催堊藏砂  
頭蔴菇一寸厚雨  
過牛童提滿筐

上都柳杪詞

元  
王士熙

惹雪和烟復帶霜小東門外萬條長  
君王夜過五花殿曾  
與龍駒繫紫韉

偏嶺前頭樹樹逢輕於蒼檜短於松  
急風捲絮悲游子永  
日留陰送去儂

合門嶺上雪淒淒小樹雪深望欲迷何日汝陽尋故里綠  
陰陰裏聽鶯啼

竹枝詞

元  
王士熙

宮裝騶裏錦障泥百兩羶車一字齊夜宿巖前覓泉水林  
中還有子規啼

車簾都卷錦流蘇自控金鞍撚僕姑草間白雀能言語莫  
學江南唱鷓鴣

北方巫者降神歌

元  
吳萊

天深洞房月漆黑巫女擊鼓唱歌發高粱鐵鎧懸半空塞  
向墜戶跡不通酒肉滂沱靜几席箏琶朋措淒淒霜風暗中

鏗然那敢觸塞外祆神喚來速嚙坻水草肥馬羣門巷光  
輝耀狼羆舉家側耳聽語言出無入有凌崑崙妖狐聲音  
共叫嘯健鶻影勢同飛翻甌脫故王大獵處燕支廢積黃  
沙樹休屠收像接秦宮于闐請闕開漢路古今世事一渺  
茫楚襪越女幾災祥是耶非耶降靈場麒麟披髮跨大荒

塞上曲

元 迺 賢

秋高砂磧地椒稀貂帽狐裘晚出圍射得白狼懸馬上吹  
笳夜半月 中歸

馬乳新桐玉滿瓶沙羊黃鼠割來腥蹋歌盡醉營盤晚鞭  
鼓聲中按海青



雜沓瓊車百兩多五更衝雪度灤河當轅老嫗行程慣倚  
岸敲水飲橐駝

烏桓城下雨初晴紫菊金蓮漫地生最愛多情白翎雀一  
雙飛近馬邊鳴

詐馬行 并序

元周伯琦

國家之制乘輿北幸上京歲以六月吉日命宿衛大  
臣及近侍服所賜只孫珠翠金寶衣冠腰帶盛飾名  
馬清晨自城外各持綵仗列隊馳入禁中于是上盛  
服御殿臨觀乃大張宴爲樂惟宗王戚里宿衛大臣  
前列行酒餘各以所職叙坐合飲諸坊奏大樂陳百

戲如是者凡三日而罷其佩服日一易大官用羊二  
千噉馬三匹他費稱是名之日只孫宴只孫華言一  
色衣也俗呼日詐馬筵至元六年歲庚辰忝職翰林  
扈從至上京六月廿一日與國子助教羅君叔亨得  
縱觀焉因賦詐馬行以紀所見

華鞍鏤玉連錢驄彩暈簇轡珠英重鈎膺障顙鞞鏡叢星  
鈴絲校聲瓏瓏高冠艷服皆王公良辰盛會如雲從明珠  
絡翠光蘿葱文繪縷金紆晴虹犀毘萬寶腰鞞紅揚鑣迅  
策無留蹤一躍千里真游龍渥注奇種皆避鋒藹如飛仙  
集崆峒乘鸞跨鳳來曾空是時閭闔含薰風上京六月如

初冬金支滴露冰華濃水晶殿閣搖瀛蓬扶桑海色朝曠  
曠天子方御龍光宮袞衣玉璫回重曠臨軒下接天威崇  
大宴三日酣羣惊萬羊鬻炙萬甕釀九州水陸千官供曼  
延角觥呈巧雄紫衣妙舞衣細蜂鈞天合奏春融融獅獰  
虎嘯跳豹熊山呼鼉抃萬姓同曲欄紅藥翻簾櫳柳枝飛  
蕩搖蒼松錦花瑤草烟茸茸龍岡環拱灤水淙當年定鼎  
成周隆宗藩磐石指顧中興王彝典歲一逢發揚祖德并  
宗功康衢擊壤登時雍豈獨耀武彰聲容願今聖壽齊華  
嵩日門大啓達四聽臣歌天保君彤弓更圖王會傳無窮

白翎雀

元張憲

真人一統開正朔馬上鞞鞞手親作教坊國手碩德間傳  
得開基太平樂檀槽衍衍鳳皇髀十四銀環柱冰索摩訶  
不作兜勒聲聽奏筵前白翎雀霜矐矐風殼殼白草黃雲  
日色薄玲瓏碎玉九天來亂撒冰花灑瓊幕玉翎琤珰起  
盤礴左旋右折入寥廓峯嶺孤高繞羊角啾啾百鳥紛參  
錯須臾力倦忽下躍萬野寒星墜叢薄碧然一聲震龍撥  
一十四絃暗一抹鴛鴦飛起暮雲平鷺鳥東來海天闊黃  
羊之尾文豹胎玉液淋漓萬壽杯九龍殿高紫帳暖蹋歌  
聲裏懽如雷白翎雀樂極哀節婦死忠臣摧八十一年生  
草萊鼎湖龍去何時回

白翎雀辭二章 并序

元 楊維禎

按國史脫必禪曰世皇敗於松林聞婦哭甚哀明日  
白翎雀飛集幹耳朶上其聲類哭婦上感之因令侍  
臣製白翎雀辭雀能制猛獸尤善禽鴛鵝者也舊辭  
未古爲作白翎鵲二章以補我朝樂府

白翎雀西極來

叶黎

金爲冠玉爲衣百鳥見之不敢飛雄狐

猛虎愁神機先帝親手鞫重爾西方奇海東之青汝何爲  
下攫草間雉兔肥奈爾猛虎雄狐狸

白翎雀來西極地從翼旋山日側邊風勁氣勁折膠材官  
猛箭與之敵黃狼紫兔不餘力須臾白雪輕一舉千仞直

駕鵝洒血當空擲金頭玉頸高十尺千秋萬歲逢玉食

塞上謠八首

錄三

明張昱

漭然路失龍沙西  
捫酒中人軟似泥  
馬上毳衣歌刺刺  
往還都是射鵬兒

野蠶作繭絲玉玉  
乳雞浴沙聲谷谷  
駱駝妳子多醉人  
瓊帳雪寒留客宿

雖說灤京是帝鄉  
三時閑靜一時忙  
駕來滿眼吹花柳  
駕起連天降雪霜

雲州誌

尹耕

黃霧塞雲州川止有獨石無新邊無新邊鹵何便堪憐小

校能迎戰頭二刀臂雙箭西軍來若雷電漢廷飛將何足  
美

出塞曲

尹耕

鷺鷥涿劍鵠調弓獵罷陰山落日紅鐵騎不嘶沙磧草牙  
旗飛掣桔槔風

塞上曲

謝棒

旌旗蕩野塞雲開金鼓連天朔雁回落日半山追北騎彎  
弓直過李陵臺飛將龍沙逐一遠夜驅駝馬入燕關城頭  
殘月誰橫笛吹落梅花雪滿山

塞下曲

明  
胡應麟



平沙一望隴雲開玉笛飛聲夜轉哀  
萬里朔風吹不斷梅  
花齊落李陵臺

塞下曲

本朝 徐蘭

萬騎從天下邊人拭目看長城  
無數窟飲馬一時乾

赤陵姐琵琶歌

本朝 徐蘭

邏沙檀上紅紋蹙龜茲國唱無愁曲  
尤物皆乘氣運生天  
教色藝空金屋千年大漠藏龍蛇  
化為女子顏如花生長  
赤陵呼作姐能將蕃曲譜琵琶  
琵琶宮調八十一別有新  
聲緩挑出韻並風生樂萬方國王  
一見加諸膝其王  
分地應與和山西與山戎接壤多間起  
侵凌緣互市

終修和好悔操戈鼓聲坎坎冰天裂豔粧正踏山頭雪一  
 枝春色照黃沙兩國兵端從此結虎奪龍爭秋復春朝爲  
 楚勝暮爲秦掌上青娥偏解舞原頭戰骨幾生塵皇皇  
 天子修文德頻遣行人頒玉敕蠶茲獬豸鳴爾丹惡浮天爲  
 一婦人滅一國旌旗出沒黑山陬風雨憑陵青海頭塵起  
 白靈爭訴帝霜高屬國盡防秋維時五月三日暮 至尊  
 駐蹕香泉戍寇騎倉皇走大荒龍驤浩蕩來西路羽林年  
 少爲余言親見闕氏陣前仆鳴爾丹之妻名阿弩嘎吞四寸文綦么鳳  
 飛迴身細鎧秋金鍍芙蓉十隊化寒烟剩有殘英泣斷弦  
 鬢點雪霜亡普贊命餘鋒鏑出祁連理藩院裏秋槐老階

一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

塤猶把琵琶抱宛似蝦蟆陵下人潯陽江上傷潦倒聽彈  
一曲別郎官弦上傳來意萬般未死若憐北地隔得歸翻  
戀漢恩寬曲終上馬風蕭索風吹淚逐哀弦落何須淚逐  
哀弦落黍黍油油滿沙漠君不見傾城傾國代有人若個  
老歸生處樂况爾歸時國有君太平無復強侵弱

五言古詩

李陵臺

唐  
劉灣

漢武愛邊功李陵提步卒轉戰單于庭身隨漢軍沒李陵  
不愛死心存歸漢關尙欲報國恩不爲匈奴屈身辱家已  
無長居虎狼窟朔天無春風北地多積雪窮陰愁殺人况

蘇武別發聲天地哀執手肺腸絕白日爲我愁陰雲爲  
我結生爲漢宮臣死爲北地骨萬里長相思終身望南月

界墻雪

不用體物字冒州北  
金人所築界墻也

元

郝經

陰風播長嶺坤倪忽軒豁磷磷生鐵雲黯淡死灰潑初來  
雜沙石硬顆傾碎雹旋轉迸玉屑一噴勢愈惡勁發萬弩  
齊激去掣箭鑿委積皆重搭背左著點剝遵緊不暇飛滾  
滾互團拈蟠空凍相粘連締渾欲閣漫天都一片奚計席  
與箔何處覓界墻人間無海嶽顧盼已數尺氣偃驚駭愕  
慄慄寒作威稜稜痛如斫模糊半垂面酸楚欲折脚我馬  
不得前我僕指已落重繭頓覺輕透骨江紙薄挾續殆兒

戲豐貂亦纖弱向晚耦陡黑陰雲肆饕虐橫空怒潮頭壓  
地塌天角平拉老鼠山倒卷鴛鴦深刀槩走柔然金鼓塵  
衛霍竟夜遠呼號乾坤碎磨錯車從谷口沒人在冰底罨  
黎明遞相尋堆阜各挑撥還聞頓足歌彎弧盡欣躍正好  
射黃羊何須待消鑠長嘯蹴踏去天沙蕩寥廓聲繞霹靂  
絃查牙競禽縛平地深虎穿更不用繒繳瀝血嚼紫肝流  
漸飲紅酪雪盛馬尤肥皇天助幽朔資賦不畏寒自得生  
處樂可笑羸秦初更歎金源末直將一抔土欲把萬里遏  
隱墻日避冷手弄不龜藥救死尙未能奚暇更守捉况乃  
天道北斗極重旋斡黑雪是長安飛灑過汴洛突兀無與

強萬古入陰壑爲告党家兒惟當守盟約君看銷金帳豈  
是疆戎索

書上都學宮齋壁

元馬祖常

齋居芹宮傍永日少人跡清心暮古躅簡編頗紬繹徒自  
傷迷民位卑力莫及苟祿亦可羞吾將反蓬葦

望李陵臺

元柳貫

平沙北流水青山在其上李陵思鄉臺駐馬一西向草根  
含餘淒峰尖入塞望俚言雖莫稽陳迹尙可訪想其深入  
初步卒亦材壯手張天子威氣奪名王帳覆車陷囚鹵此  
志迺大妄一爲情愛牽遑恤身名喪縷縷中郎書挽使同

四七三 鳳元 卷一 四  
跌蕩安知臣節恭之死不易諒河梁執別處出語謾惆悵  
家聲故輝赫三世漢飛將兵法有死生人運迭休旺忠回  
在信史豈沒功罪狀馬遷當腐刑強欲雪其謗土思豈能  
無層雲塞亭障千年麒麟圖吾將執元鬯

書上京國子監壁

元 虞 集

神京極高寒幽居了晨夜雷風無時發零雨每飄灑炎光  
不到地蕭爽度長夏大化漠無宰豈必事陶冶揚雄不曉  
事守道棲棲者元經百無徵白髮漫盈把

擔子窪

元 黃 潛

自從始出關數日走崖谷迢迢度偏嶺險盡得平陸陂陀

皆土山高下紛起伏連天暗豐草不復見林木行人烟際  
來牛羊雨中牧颯然衣裳單咫尺異寒燠佇立方有懷相  
逢仍問俗畏途宜疾驅更傍灤河宿

上都分院

元黃潛

晨興過桓州旭日生蒼涼舉頭見觚稜金碧何巍煌洪河  
貫其中青山環四旁暮投玉堂署鼇峰屹中央升階旅羣  
彥官燭分餘光琴無紛在側談笑來清觴列坐無所爲陳  
詩詠黃唐帝鄉豈不樂父母遠莫將起視雲漢低垂星爛  
寒芒南飛有冥鴻邈矣天際翔

灤河

元袁梅



近山馬昂髮遠山鳳翥羽百谷奔亂流屈曲長蛇赴維時  
雨新過急溜槽牀注居人滙爲井千屨集沙步寒光澄玉  
膏甘冽過牛乳茲泉成白溝巨浸合沮洳蓮芡充饌糧魚  
蝦足租賦塞翁話疇昔陋彼成險固往事不復論汙汙日  
東去

登侯臺

元 袁 桷

蜿蜒西龍岡綠草搖晴波旁有雙玉井石角增嵯峨明良  
佐神運目力窮陂陀層垣睥睨雄寶構通義娥昂昂鐵竿  
聳飛鳥光盪摩土屋黏蜜房文瓊圍錦窠緬思皇猷遠默  
止松林戈匪以清暑遊躑履勞鳴珂陰森晚色晦寒沙聚

羣馳悲筓月初上戴斗瞻天河

灤河吟

元  
宋本

灤河上游陔涓涓僅如帶偏嶺下橫渡復遶行都外頗聞  
會衆流旣遠勢滂沛雖違禹貢道獨與東海會乃知能自  
致天壤無廣大

金蓮川

元  
陳孚

茫茫金蓮川日映山色赭天如碧油幢萬里罩平野野中  
何所有深草卧羊馬昔人建離宮今存但古瓦秋風吹白  
波猶似哀淚灑村女採金蓮芳香紅滿把豈知步蓮人艷  
骨掩泉下人生如蜉蝣百年無堅者安得萬斛酒浩歌對

花瀉

李陵臺約應奉馮昂霄同賦

元陳孚

落日悲笳鳴陰風起千嶂何處見長安夜夜倚天望臣家  
羽林中三世漢飛將尙想甘泉宮虎賁擁仙仗臣豈負朝  
廷忠義風所尙漢天青茫茫萬里隔亭障可望不可到血  
淚墮汪漾空有臺上石至今尙西向

擔子窪

昔多盜賊今置巡檢司於山椒其山無林木蔓草

元 廼賢

朝發牛羣頭夕愁擔子窪高秋得清曠野蔓多幽花黃雲  
翳日脚草色浮天涯山荒樹寂寂寒陂落昏鴉頗喜盜賊  
清塞田盡禾麻至今將軍壘日落聞清笳我生久羈旅崎

嘔涉風沙天寒道路遠  
曛黑投山家

李陵臺

元 迺 賢

落日關塞黑蒼茫  
路多岐荒烟淡暮色  
高臺獨巍巍嗚呼  
李將軍力戰陷敵圍  
豈不念鄉國奮身或  
來歸漢家少恩信竟  
使臣節虧所愧在一  
死永爲來者悲千載  
撫遺蹟馮高起遐思  
寒裳覽八極茫茫白  
雲飛

次上都崇真宮呈同遊諸君子

元 迺 賢

雞鳴涉灤水慘淡望沙漠  
穹廬在中野草際大星落  
風高班馬嘶露下貂裘薄  
晨霞發海嶠旭日照城郭  
嗟峨五色雲下覆丹鳳閣  
琳宮多良彥休駕得棲泊  
清尊置美酒展

席共歡酌彈琴發幽懷擊筑詠新作佳時屬承平幸此帝鄉樂願言崇令德相期保天爵

鴛鴦樂作

元 周伯琦

官路何透迤里數不可度宿止有常程晚次鴛鴦梁山低露草深天朗雲氣薄積水風颼颼平沙烟漠漠鳧鷖雜翔集巨鱗條潛躍居人歲取給遠眺近一勾原隰多種藝農奚犬牙錯滌場盈粟麥力穡喜秋穫舒徐八駿遊相羊瑤池樂山川豈不佳人事日蕭索匆收紆邦供征徭非昔昨都人望翠華朝朝候靈鵲

興和郡 屬河東憲司按部西抵太原千餘里

元 周伯琦

我行已旬浹所歷昔朔漠興和號上郡版陀具城郭  
界東履汾晉直西原提封廣漢道編氓半土著逆襄結  
區曾樓瞰寥廓宴會稱雄麗  
載承制作北巡必西還遠擬東邑洛伏億須浩繁撫循在  
恭恪四郡懼備虞三韓嚴寄託賢愚不同調蟲沙與猿鶴  
長願四海清漢儀歲燿燿

懷禿腦兒作

漢言後海也

元周伯琦

侵晨離白海輦路轉西邁野光散平蕪山容列修黛秋風  
動地來曾波忽澎湃戎馬多驚嘶寒聲襲擊帶踰岡覽晴  
川夷曠襟抱快白花間紫蕤將將委珩珮幽興足目前絕

境疑方外旌麾匝雲屯輿帳擬行在法從各有司諫垣敢  
 荒急邊事業遠面蒼黃盡吁怪解鞍憇前村伏枕念當代  
 王綱未旋綴羣生半塵芥紆軫誰與言沉思屢長慨東南  
 何時蘇吾欲問大塊

是日驛報  
杭省有警

黑谷東路山

元 朱德潤

高岡盤崖巍白石落絕壑鳴泉咽古竇巖麓淨如削緬想  
 融化初元氣下磅礴山靈託奇範株脈下連絡大峰齊雲  
 霄羣嶠入雲脚朱闌圍碧瓦隱見仙人宅真境不可負行  
 將理芒屨

獨石口

本朝 高士奇

懸崖削千仞窄徑通一綫舉鞭指獨石色喜塞門見昔來  
春風寒山骨露峭蒨王師有程期勝概不敢戀茲還已徂  
暑瞻眺景物變宿雨收長林白雲橫匹練野花各自媚灼  
灼露華泣鏡吹殷地來未覺鞍馬倦

七言古詩

晚夏驛騎再之涼陘觀獵山間往來十有五日因書

成詩

金 蔡松年

兜羅蔥鬱浮空青曉日馬頭雙眼明名山不作世俗態千  
里傾蓋來相迎老松閱世幾千尺玉骨冷風戰天碧應笑  
年年空往來塵土勞生種陳迹山回晚宿一川花翦金裁



碧明烟沙寒鄉絕艷自開落欲慰寂寞無流霞明日行營  
獵山麓古樹寒泉更深綠強臨水玉照髣毛只恐山靈怪  
吾俗陂潮不盡水如天清波白鷗自在眠平時朝市手遮  
日思把一竿呼釣船驛騎回時山更好過雨秋容淨如掃  
山英知我宦遊心爲出清光慰枯槁可憐歲月易侵尋慙  
愧山川知我心一行作吏豈得已歸意久在西山岑他年  
俗累塵能畢雲水一區供老佚舉杯西北酌山川爲道此  
言吾不食

扈從冬狩

并序

元 耶律楚材

癸巳扈從冬狩獨予誦書于穹廬中因自譏云

天皇冬狩如行兵白旆  
龍震慄山神驚長圍布  
如圓陣方騎雲屯貫魚  
進千羣野馬雜山羊赤  
熊白鹿奔青麋壯士彎  
弓殞奇獸更驅虎豹逐  
貪狼御閑有馴豹縱之以搏野獸獨有中書倦遊客放下羶簾讀  
周易

題灤陽胡氏雪溪卷

元虞集

積雪平沙陰山道射虎殘年不知老豈識船如天上坐翠  
竹爲帷樹爲葆昔乞鏡湖苦不早白髮如絲照清潦他年  
此地若相逢應著漁簑脫貂帽

金人出塞圖

元虞集

海風吹沙如捲濤高爲陀磧深爲壕築壘其上嚴周遭名  
王專居氣振豪肉食渾飲田爲邀八月草白風颼颼馬食  
草實輕骨毛加弦試弓復置橐今日不樂心慄慄什什伍  
伍呼其曹銀黃兔鶻明繡袍鷓鴣小管隨鳴靴背孤向虛  
出北臯海東之鷲王不驕錦鞞金鏃紅絨條按習久蓄思  
一超是時晶清天翳絕駕鵝東來雲帖帖去地萬仞天一  
瞥離婁屬望目力竭微如聞音鷲一掣束身直上不同折  
遂使孤飛一片雪頃刻平蕪灑毛血爭誇得雋頓足悅挂  
兔懸狼何足說旌旗先歸向城闕落日悲風起騷屑烟塵  
滿城鼓微咽大酋要王具甘歆王亦欣然沃焦熱闕支出

迎騎小鐵琵琶兩姬紅顰頰歌舞迭進醉燭滅穹廬斜轉  
躍瑜月

端午日繇車中抵開平客中三度端陽愴然有懷

元  
袁 桷

居庸昔日逢端午子規聲聲勸歸去舊歲灤陽萬壽宮九  
節菖蒲泛瓊醕今年車中飽掀簾盲風北來雨如注沙坡  
馬鬣高下迎土屋魚鱗先後附舊家松篁百尋碧蒼荀花  
前石榴樹停車俛首不得語鄰墻簫聲雜駝鼓勞生得意  
同蝸牛舊歷却行等蠅虎

賦得灤河送蘇伯修參政

元  
周伯琦

清灤悠悠北斗北千折縈環護邦國直疑銀漢天上來搖  
漾蓬萊五雲色蛟龍變化深莫測金蓮滿川淨如拭鑿輿  
歲歲兩度臨雨露同流草蕃殖長亭短亭來往人朝夕照  
影何時息相君親授臨軒敕紫駟嚼齧黃金勒却從江漢  
望龍岡三疊晴虹勞夢憶

上京效李長吉

元馬祖常

龍沙秋淺雲光薄畫羅衣裳侵曉著吳娃楚娘侍團扇象  
輿鳳輦明珠絡椒花染紫風雨香三十六盤天路長南都  
北都望行幸千秋萬歲迎君王

蘇伯修往上京王君實以高麗笠贈之且有詩伯修

徵和章因述往歲從遊之悰與今茲睽攜之歎云爾

元陳旅

往來飲馬灤河秋灤河斜抱石城流青城丈人來水上揭

謝蘇王

曼碩敬德伯修君實

皆與遊顧予濫倚橋門席日斜去坐翫

峰石夜涼共飲明月尊醉眠更聽高樓笛灤河九曲流濺

濺自我不見今三年蘇郎又扈屬車去佇望弗及心茫然

龍門峽中雲氣溼山雨定灑高麗笠別意遙憐柳色深歸

心莫為鵲聲急

龍門道中夏月多杜鵑

不才未許收詞垣賦成何日

奏甘泉人言凡骨苦難化為我致意青城仙

旅時已注為史官復勒留

助教

白翎雀圖

明王禕

白翎雀雪作翎羣呼旅食啁嘶鳴何人翻作絃上聲傳與  
江南士女聽南人聽聲未識形畫師更與圖丹青圖丹青  
一何似知爾之生何處是秋高口子草如雲風動腦兒沙  
似水

塞外觀牧

并序

本朝高士奇

張家口外皆 國家育牧之場馬牛羊不下數千百萬  
望若雲錦

上緩轡巡行察其勤惰蕃育之盛自古無媿賦詩紀之天  
弧親射旄頭落捲地風霆吞大漠軍前騾裹三百萬一

一龍媒官字烙砂磧由來水泉少霜寒四月無青草

王師到處如有神草苗泉甘芻飲好圍人太僕森成列

塞外牧馬場有屬內務府上駟院者有屬太僕寺者牛羊有屬內府慶豐司者廣放山南與山

北月中紉爛錦七襄山上瀰漫雲五色獅毛虎符各曉

騰曹霸草偃畫不得軍實委輸積如堵羣下牛羊亦甫

甫貌貅夜帳寂無譁但聽連空噍風雨我

皇攬轡勤慰問踴躍奚官與牧監君不見郎樞女樞馬易

畜大角安陽最宜續

古樂府隴上謠郎樞女樞十馬九駒安陽大角十牛九續何如

天育更蕃滋不效區區烏保谷又不見周宣薄伐四牡

同牧人乃得牛羊豐 聖朝威遠豈物力在垆堪知造



化功

謁元世祖陵

本朝 徐蘭

元世祖陵在起輦谷無封樹獵者或踐其地輒有  
風雷之異

聞昔朱明修祀典曾命禮臣巡禹甸伏羲下逮宋理宗三  
十六陵皆祭徧祁連因未入提封欲賈香帛無由從掃塔  
席纏順天府春秋遙奠青芙蓉芙蓉青青亂雲宿中有三  
間老瓦屋征人遙望綠琉璃知是元家起輦谷谷口番僧  
通漢字留客招提話遺事自言歷劫悟前身親見陰房築  
空翠巫媪纒牽靈馬來聖僧已渡流沙至

僧名朝

維時指

點白毫光爭覩君王顯神異天花鋪地坐親親夜半山頭

分舍利

元祖火化時得舍利甚多

東方日射雲窈冥背人入山埋寶瓶

地下有天黑如漆祕祝才宣役萬靈亂峰高下化機械俄  
頃萬壑藏雷霆雪漬風吹不數日依舊滿天芳草青往年  
有客挾弓弩誤入雲中踏玉虎千雷萬霆出谷飛百里人  
家苦霖雨至今鹿兔滿巖阿馬蹄不敢驚黃土問余到處  
訪雲蘿中國名山想遍過間道長陵在天上此中靈異更  
如何

李陵臺

本朝  
徐蘭

少卿當日若戰死何至有臺名望鄉臺前有路不能返南

望故鄉空斷腸孤鴻忽叫夕陽裏想見登臺哭聲起二十  
餘年淚幾何風吹草上聲如水

麀鼠

爾雅云北方有比肩獸焉與邛邛邛邛虛比爲邛邛  
邛邛虛齧甘草卽有難邛邛邛邛虛負而走其名  
謂之麀鼠呂氏春秋云麀鼠前兔後邛邛邛邛虛鼠後  
兔前前高不得取甘草故須麀食之李時珍本草  
云今契丹及交河北境有跳兔頭目毛色似兔而  
瓜足如鼠前足僅寸後足長尺尾亦長其端有毛  
一跳數尺止卽麀也土人云蒙古打跳  
兔圍於月黑夜人持一木棍驚草中則跳兔成羣  
而出跳入樹中但未  
見有邛邛巨虛耳

本朝

徐蘭

有獸蒼蒼鼠之屬同乎兔者耳與目後足空長難躑躅何  
不截長補不足彼以爲豹缺一角此以爲狼足太縮我就  
視之形局促一跳一仆尾直豳豳巨虛齧草忽躍去棄爾啾

俄空谷履鼠履鼠不須哭誰使爾爲獸之僕劉安雞犬  
滿雲中飽食菴藟莫他矚

本草巨虛食菴藟子而仙

### 燐火

徐 蘭

土雨空濛著衣濕燐火如螢飛熠熠須臾散作星滿天空  
際如聞萬人泣有火獨明必鬼雄衆鬼吐焰無其紅約束  
羣燐共明滅無乃昔日爲元戎別有火光黑比漆埋伏山  
坳語啾啾鬼馬一嘶風亂旋千百燈從暗中出電光閃閃  
兩軍接狐兔草中皆震懾一派刀聲不見刃髑髏墮地輕  
於葉血過千年色尙新那知白骨化烟塵新鬼不添故鬼  
冷無復寒衣送遠人

五言律詩

出塞

唐 耿 漳

漢家邊事重，實憲出臨戎。  
絕漠秋山在，陽關舊路通。  
列營依茂草，吹角向高風。  
更就燕然石，看銘破敵功。

和吳侍御被使燕然

唐 盧照隣

春歸龍塞北，騎指雁門垂。  
胡笳折楊柳，漢使採燕支。  
戍城聊一望，花雪幾參差。  
關山有新曲，應向笛中吹。

奉使朔方贈郭都護

唐 李 華

絕塞臨光祿，孤營佐貳師。  
鐵衣山月冷，金鼓朔風悲。  
都護徵兵日，將軍破敵時。  
揚鞭玉關道，回首望旌旗。

登單于臺

唐李士元

悔望層樓望翻成極目愁路沿葱嶺去河背玉關流馬散  
眠沙積兵閑卧戍樓殘陽三會角吹白旅人頭

李陵臺和水雲韻

宋昭儀王清惠

李陵臺上望答子五言詩客路三千里鄉心十二時  
孟勞欣已釋區脫未相離忽報江南使新來貢荔枝

塞上

金趙秉文

因尋射雕壘偶到殺狐川鹵地牛羊瘦邊沙草木羶廢城  
餘井口古戍斷烽烟自說無征戰經今六十年

撫州

元楊奐

北界連南界昌州又撫州月明魚泊夜雲冷鼠山秋爲客  
無時了勞生有許愁殘年嬰世網吾欲謝浮鷗

次袁學士上都詩韻

趙孟頫

曉日夾雲樹春風吹雪山飛鷹元兔磧飲馬白狼灣寶帶  
吳鉤迥金矛漢節閑將軍萬里外不怕二毛斑

崇真宮西梨花

元馬祖常

春日梨花下相逢把臂行香痕憐粉薄酒暈惜紅輕影動  
簾穿燕聲來樹度鶯共當拚一醉莫待鬢華生

上都道中

元張養浩

窮近惟沙漠昔聞今信然行人鬢有雪野店竈無烟白草

羊地黃雲鵬鷄天故鄉何處是愁絕晚風前

宿灤河望白海行宮

元許有壬

下馬河邊市遙瞻海上宮水天涵野白禁樹擁雲紅望幸  
羣黎切思歸獨客窮聖恩疎酒令暫得醉歌同

時有旨特放灤河酒

林宗

上京雜詠十首

元袁桷

雲護中街日風開北戶天千溝凝白雪萬竈起青烟午滯  
曾持扇朝寒却衣綿松林空有界翦伐不知年

土屋層層綠沙坡簇簇黃馬鳴知電急雁過識天涼墨菊  
清秋色金蓮細雨香內園通閫苑千樹壓群芳



天闕虛無裏城低納遠山白榆迷雁塞青草補龍灣市簇  
家家近官清日日閒重遊深問俗漸恨鬢毛斑

舊歲寒久惡霏霏土雨迷門荒懸馬草草淨絕牛蹄列帳  
烟光慘空營月色低縣官捐粟帛歲晚得扶攜

上國饒爲客天涼眼倍青白魚沙際網黃鼠草間翎芍藥  
圍紅斗摩姑綴玉釘漸知塵骨換振佩接青冥

天賜清涼國晴霞綻雪峰月低疑墮兔雲近得攀龍寶鑑  
頌冰徹筠籠賜果封白頭貂帽客爲我話深冬

鼙鼓村村應傳更趣進程草肥涼露白樹薄曉風清帳殿  
積金屋瓊房簇錦城屬車流水度細點侍臣名

伏日瓊林宴名王總內朝帽尖花壓翠衣角錦圍貂炙熟  
牛酥羊酪深馬乳澆柘枝旋舞急宛轉一稱纖腰

市狹難馳馬泥深易沒車凍蠅爭日聚新燕掠風斜晚  
暄沙井晨炊斷木槎間閭通茗酪俗簡未全奢

長夏崇真觀疎簾灑靜便支頤推萬古止息契重元月窟  
窗如雪天瓢酒似泉主人憐老客下榻不會懸

再次韻十首

元  
袁  
綸

帝京環陸海平野接冰天龍吐青林火狼沉紫塞烟風花  
秋黯澹雲葉雨連綿昔日君臣意深符卜洛年

寶閣凌空涌金壺映日黃梵音通朔漠法曲廣伊涼御榻

惟經帙宮鑪獨篆香  
吾皇清淨德銀管願垂芳

高下雲中樹疎明雪外山坡  
凹茅結屋嶺轉水回灣  
禁路分馳道沙場當內閑  
通明風露冷時許侍清班

晨起儀臺立烟青望眼迷  
草低鷹側目車逼馬迴蹄  
風動弓弦直泥融柱礎低  
蚊蠅深歛跡塵尾不須攜

紫極中天正森森接帝青  
雁歸傳帛信雉落舞紅翎  
寶所金千頃朱門帶萬釘  
瀛洲清淺處高坐納青冥

昔年曾扈蹕宿直對鼇峰  
錦掣蘭苕翠波翻墨沼  
龍起居青簡注除拜紫泥封  
共說先皇日千官總住冬

土驛高低置蒼茫七日程  
馬通分熠燿牛酪注深清  
殘雪

明珠闕繁星列火城前山黃白處草藥不知名

千蝶蜂腰凸羣山馬首朝沙場調俊鷗草窟射豐貂鬧舞  
花頻簇狂歌酒恣澆今年春事減土舍雪齊腰

箭落驚遊騎鈴傳督運車土風殊楚越驛道仿褻斜細雨  
三更枕清秋八月槎夜聽繁管急漸習五陵奢

長齋孤館靜捧腹睡便便酒斷眸凝碧塵深鬢返元凍蜂  
粘暖草乳燕啄冰泉過翼時頻數鄉心日夜懸

客舍書事五首

元 袁 桷

客景真愁絕淒涼倍舊年草穿沙背縮雲住屋頭偏竈冷  
廚烟濕窗低簷溜懸畏寒難出戶盡日得高眠

愁極吟肩聳塵深望眼迷屋隨冰上下山趁雪高低乾酪  
瓶爭挈生鹽斗可提日斜看不足蹋舞共扶攜

蟾影穿窓蠹龍光拂席流淒清三伏暑漸瀝九天秋水惡  
停泥井冰堅宿瓦溝年年遊上國那識望鄉愁

禁堞防危石官衢漾淺沙犬能搜兔窟馬解避駝車童翦  
青蔬甲僧分墨菊芽飄零堪慰藉小雨墊烏紗

宿霧成疎雨寒蓬卷細塵雲飛疑到地草長不知春香儿  
蜂喧密花房燕語真白頭關塞外猶作未歸人

寄陳衆仲助教上都作

元虞集

學省足清晝詞垣驚早秋美人隔河漢落月在高樓持衣

未成曲吹笛不勝愁還趨鳩鵲觀別製鷓鴣裘

同楊仲禮和袁集賢上邨詩十首

元柳貫

出塞行瞻日趨朝喜近天離宮苑圍馳道絕風煙瑤水  
巡非遠峒山歷更綿甘泉多法從獻賦憶當年

雨水漸衣黑雲沙際日黃州開纔黯慘日出已蒼涼徇俗  
高簷帽清心小篆香端居萬里念蕙草惜微芳

昔建寰中業初開徼外山雉城平兀兀沙水淨灣灣朱夏  
宸遊正清秋武衛閑叨陪文學乘空愧鬢毛斑

謠俗隨方異溝塗隔舍迷醺人惟馬湏勸客有馳蹄殿角  
孤花靚城隅雜樹低天涯中夜舞如意昔曾攜

天潢猶白白雲幕故青青積潦摧車軸高風墮箭翎宮塗  
丹赭堊殿戶紫金釘女樂蓬萊祕哀簫動杳冥

幄殿層雲障轅門積雪峰奇鷹皆戴角御馬盡飛龍瀚海  
將臨幸雲亭望陟封青邱大羽獵有事待元冬

儒務惟章句官規自法程齋扉侵雨潤宴几得風清歷歷  
三刀夢行行萬里城明年遂耕隱深仗酒爲名

經游還絕塞際遇復清朝大暑無蒙綵輕寒已御貂盤空  
螿屢薦觴至酒頻澆貧病請爲客何慚帶減腰

公子青絲轡王孫綠幘車宴酌風小定舞破日西斜手擲  
官中果神行海上槎築郿母自厚儉德不期奢

水草芳芳善弓弧戶戶便合圍連婦女從成到曾元雪毳  
千家帳冰瓢百眼泉浚稽山更北長望斗光懸

桓州

元陳孚

躍馬長城外方知眼界寬晴天雷雨急暑夜雪霜寒鐵騎  
秋呼鶻金盤曉薦糝柳營弓劍滿容我一儒冠

送鄭喧宜伯赴赤那思山大幹爾朶儒學教授二首

元張翥

絕漠同文軌提封振古稀大牙開武帳元老秉天威白馬  
紫駝騎青貂銀鼠衣那思山下水曾覩六龍飛

野散千軍帳雲橫萬里川寒冬雨是雪日近海爲天黑黍



供甘醲黃羊飽割鮮廣文但少客寧慮坐無羶

江東魏元德所製齊峰墨于上都慈仁殿賜文錦馬

渾以寵之既南歸作詩以贈云

元 廼 賢

錦襲元圭瑩龍香秘閣浮漬毫春黛溼拂楮翠雲流繡綺  
頒宮掖瓊漿出殿頭小臣沾雨露千載荷恩休

九月一日還自上京途中紀事二首

元 周伯琦

九月灤陽道寒烟暗遠坳有山皆積雪無水不成冰獵犬  
高於鹿鳴鴉大似鷹欲爲風土記問俗果誰馮

行宮臨白海金碧出微茫銅豹仍分署鞞鷹亦有房射熊  
名節漢祝網德懷湯乾豆遵彝典人瞻日月光

立秋日書事三首

元周伯琦

大駕留西內茲辰祀典揚龍衣遵質樸馬酒薦馨香望祭

園林邈追崇廟祐光艱難思創業萬葉祚無疆國朝歲以七月七日

或九日天子與后素服望祭北方陵園奠馬酒執事皆世臣子弟是日擇日南行

鐵刹標山影金鋪耀日華龍廻秋歇雨燕落晝翻沙苑御

調驍騎官官葺幃車長楊誰共賦滿耳沸寒笳上京西山樹鐵幡

竿高數十丈以其下海中  
有龍用梵家說作此鎮之

涼亭千里內相望列東西秋猶聲容備時巡典禮稽鳩鳧

隨矢落猓鹿應茲迷乾豆歸時薦康莊頌耄倪上京之東五十里有

東涼亭西百五十里有西涼亭其地皆饒水草  
有禽魚山獸置離宮巡狩至此歲必獵較焉

紀行詩二十六首 錄十二 元 周伯琦

乘輿繩祖武歲歲幸灤京夏至今年早山行久雨晴日瞻黃道肅夜拱北辰明隨步窺形勝周諮記里程

嵐翠摩台斗林霏隱日車谷深幽境迴路轉列峰斜錦石欹瑤草蒼叢綴白花柴門成聚落山崦盡人家

萬幕懸崖下高低疎復稠剝墻聯虎衛幄殿聳龍樓榆柳清長晝槐松颯早秋威容隆古昔神武鎮中州

高嶺橫天出炎天氣候涼白沙深沒馬碧草淺連岡晨服增絲纈寒鄉貴稻粱土風多國語問井異尋常

晴川平似掌地勢與天寬煙草青無際雲岡影四圍

環武陣麟鳳擁和鑾高獻南山壽同承湛露歡

右沙嶺二首是日上

都守土官遠迎至此內廷小宴

嶺西通驛傳山盡見郵亭萬竈間閭聚于轅驃騎營市樓

風策策野埃霧冥冥雄略卑秦隴孤兵笑廣青

右牛羣頭

涼亭臨白海行內壯黃圖貝闕明清旭丹垣護碧榆龍湫

時霧雨鷹署世衡虞駐蹕光先軌長楊只一隅

右察罕腦見猶漢言

白海也

地曠居人少山低雲影微石墻蟲避燥土屋燕交飛沙淨

泉宜酒天涼秋合圍朔方戎馬最芻牧萬羣肥

右明安驛

漢將荒臺下灤河水北流歲時何袞袞風物尚悠悠川草

花芬郁沙禽語滑柔暮梁遺句在過客重綢繆

右李陵臺

桓州當孔道城築自唐時翊輔千年盛川原萬里夷草滋

新雨歇雲起遠山移迎送官僚習長懷眷被私

右桓州古烏丸地也

南坡延勝概一舍抵開平地蘊清涼界天開錦繡城雷轟

駟鼓振霞絢象輿行填道都人士瞻前戴聖明

右南坡

巡守綏畿甸游從覽近風山川隨地異聲教此時同王業

艱難遠神都制作雄按行循故事不用避青驄

上京雜詩

元周伯琦

省方繩祖武清暑順天時法從嚴番直周廬肅羽儀瓊瑜

馳背展隆匝馬頭垂惟有都人士長望雨露私

卑濕如吳楚，雄嚴軼漢唐。土蔕長伏火，板屋頗通涼。菌出沙中美，椒生地上香。忘歸江海客，直欲比家鄉。

上都四首

明 釋梵琦

突厥逢唐盛，完顏與宋隣。君王饒戰略，公主再和親。異域車書會，中天雨露均。皇朝真一統，御歷正三辰。

塞外疑無地，人間別有天。宮牆倚樹直，御榻愛花偏。正想爐熏滿，遙知漏點傳。輪臺方奉詔，版築更求賢。

夜斗低垂地，秋河近著城。有灰開月暈，無扇滅風聲。角奏梅花早，杯傳竹葉清。尙衣綿欲折，高殿雪初晴。

萬國初無外，諸羌更在西。閣門朝見雪，亭障晚開鞞。天子

黃龍府將軍白馬氏錦袍涼似水銀甕醉如泥

開平書事六首

明 釋梵琦

射虎南山下看羊北海邊築城侵地斷居室與天連墨黑  
沾衣雨沙黃種黍田自從爲帝里無復少人烟

地勢斜臨北河流穩向東龍庭行萬里虎路遶三巉羌女  
裁皮服奚兒挽角弓長吟對落景獨坐感飛蓬

舊俗便弓馬新霜稱綺羅平原芳草歇古戍暮雲多翠袖  
調鸚鵡金鞭制駱駝上樓看月色無酒奈君何

北海何人到西天此路通尊經舍衛國避暑醴泉宮盛夏  
不揮扇平時常起風遙瞻仙仗簇復有綵雲籠

夜雪沙陀部春風勅勒川生涯惟釀黍樂事在彈弦不用  
臨城將何須負郭田雙雕來海外一箭落天邊  
孤城橫落日一望暗銷魂天大織雲卷風多積草翻有田  
稀種粟無樹強名村土屋難安寢飛沙夜擊門

漠北懷古十首 錄九

明 釋梵琦

世祖起沙漠臨軒銷甲兵羌中一片地秦後幾長城象膽  
隨時轉馳蹄入夜明何須待秋獵不必問春耕  
曠野多遺骨前朝數用兵烽連都護府柵遶可敦城健鷗  
雲間落妖狐塞下鳴却因班定遠牽動故鄉情

北向無城郭遙遙接大荒舊來聞漢土前去是河隍野蒜



根含水沙葱葉負霜何人鳴感策使我涕霑裳

無樹可黃落有臺如白登三冬掘野鼠萬騎上河冰土厚  
不爲井民淳猶結繩令人思太古極目眇平陵

吾聞窮髮北此地卽天涯夏有九河凍春無三月花清涼  
非枕簟富貴是雲沙愛爾捐居室長年到處家

曠望重關外蕭條萬里餘未嘗營粒食終不好樓居繆甚  
英雄事茫然艸昧初大人饒畜牧隨分有穹廬

漢使騎高馬唐兵出近關前臨蒲類海却上浚稽山帝號  
垂千古軍聲蓋百蠻初無功可紀只有劍須殷

北入窮荒野人如曠古時天山新有作耶律晚能詩地坼  
河流大峰高月上遲自言羊可種不信繭成絲

遠客停驂處平沙落日時塞蓬穿土早河柳得春遲欲乳  
羊求母頻嘶馬顧兒朔方多雨雪南望是京師

烏桓

明釋梵琦

烏桓第一州白雪亂三秋不盡邊雲起無情塞水流兎銜  
蒙氏筆狐潔檜君裘自笑成癡坐何期作遠遊

贈江南故人

明釋梵琦

煮茗羹羊酪看山駐馬搥地椒真小草芭欖有奇花塞月

宵沉海邊風晝起沙登高望吳越極目是雲霞

塞上見山桃

本朝 胡會恩

樹樹山桃發春風塞上行六飛臨朔漠萬騎出關城日麗  
霓旌嫋風和鼙鼓鳴千羣組練裏橐筆幾書生

金蓮花

胡會恩

仙葩生朔漠當暑發奇英色映金沙麗香分玉井清倚風  
無俗艷含露有新榮試植天池側芙蓉敢擅名

駐蹕沙陀步獵 賜鮮兔

高士奇

觀兵陟沙磧步獵愛春晴本自月中得頒從天際擊肥因

新草綠閒就野泉烹翹首岡陵外宣威仰 聖明前一日為萬壽

節

闕窩圖東山產石五色甚佳

聞克魯倫河更勝

高士奇

不信陰山石看來錦不如斑斑閒丹綠磊磊亂璠璣飽飯  
消磨後清泉洗濯初歸囊無長物持此贈鄉間

塞蝶

黑質黃腹  
時來草間

高士奇

夏五陽坡煖翩翩草際飛  
蠢茲生異域未解戲芳園  
野籬香難拾天寒卉竟稀  
靜看過布幔來去似相依

沙燕

高士奇

于飛沙上燕結侶亦雙雙  
無計巢朱屋何由傍綠窓  
依棲惟在野鳴喚自成腔  
觸物鄉心動茅簷想越江

金蓮花

高士奇

卉本仙山種

清涼山產  
金蓮花

開當夏候深異香飄紫塞  
寶相湧

黃金露葉凝輕翠風枝裊  
細陰曾邀天筆賞移取植  
華林

詩系植內園

雁雛雁子五月間生雛塞上諸澤中其大如拳細鳴噉噉就水草爲棲息高士奇

憐此隨陽鳥生雛水澤中脆毛初曬日弱翅未凌風沙軟

羣相戲蘆深到處叢待時遵渚去寥闊任秋空

白翎雀

塞上鳥如鵲翎而小翅有白翎因名白翎雀雌雄相呼聲可聽京師園沼閨閣中多畜之

鳴之巧者一雀數金元世作樂名白翎雀想亦以其可聽也元人多咏之高士奇

積外相呼樂人間重白翎名傳元樂府產略古禽經妙選

籠雕檻清音嘯畫屏芙蓉秋露冷曾否憶沙汀

翠華所至蒙古夾道叩迎各獻方物 高士奇

絕塞山綿邈龍輿日指西九旂虹影動萬竈黑烟低鼓角

邊隅靜壺漿部落攜 聖君宏覆載遠邇視皆齊

早發

本朝  
高其倬

韞馬瞻高旆，穿衣待曙雞。  
地當灤水北，家在霧靈西。  
塞遠山相續，邊寒草未齊。  
連朝足陰雨，石路喜無泥。

灤陽對月

高其倬

北極風初定，東山雨暫晴。  
何曾今夜月，不似故鄉明。  
輪定當樓影，鴉喧匝樹聲。  
老親應念子，危坐向深更。

登曼陀山望應昌故城

本朝  
拉 歆

翠栢峰峰合，黃沙處處明。  
草荒迷舊壘，塔聳認孤城。  
水遶天山去，雲從故國生。  
登臨時欲暮，空使客魂驚。

口北三廳志卷十五

藝文志四

詩 七言律詩

春陰

宋 朱 弁

關河迢遞遶黃沙，慘慘陰風塞柳斜。  
花帶露寒無戲蝶，草連雲暗有藏鴉。  
詩窮莫寫愁如海，酒薄難將夢到家。  
絕域東風竟何事，祇應催我鬢邊華。

駕幸春水放海青扈從得鵝應制

金 趙 沔

駕鷺得暖下陂塘，彩騎星馳入建章。  
黃繖輕陰隨鳳輦，綠衣小隊出鷹坊。  
搏風玉爪凌霄漢，瞥眼風毛墮雪霜。  
共喜



園林得新薦侍臣齊捧萬年觴

金蓮川

金趙秉文

一色天連玉氣中離宮風月滿雲龍向來茵苜香銷盡何  
許薔薇露染濃秋水明邊羅襪步夕陽低處紫金容長楊  
獵罷回天仗萬燭煌煌下翠峰

贈燕 并序

金田琢

明昌丙辰予從軍塞外合鹵里山野舍荒涼難以狀  
言春末有雙燕亦巢此屋土人不之識屢欲捕之予  
曲爲全護此燕晝出夜歸予必開戶待之忽一日飛  
止坐隅都無驚畏巧語移時不去予始悟明日秋社

此鳥當歸殆留別語也因作一詩贈之以細字寫之  
爲蠟丸繫之燕足上明年四月予受代歸又八年泰  
和甲子任潞州觀察判官四月十二日偶坐廨舍之  
含翠堂忽雙燕至一飛簷戶間一上硯屏予諦視之  
繫足蠟丸故在乃知此鳥蓋往年贈詩者也因請同  
年龐君才卿畫爲圖求諸公賦詩

幾年塞外歷崎危誰謂烏衣亦此飛  
朝向蘆陂知有爲莫  
投茅舍重相依君憐我處頻迎語我憶君時不掩扉  
明日  
西風悲鼓角君應先去我何歸

題田器之燕子圖

金  
楊雲翼

危巢客舍久相依常記西風社日歸海國傳心千驛隔塞垣回首十年非新詩尙在人空老舊夢無憑鳥自飛寄語齊諧休志怪沙鷗相欵解忘機

陰山

元 耶律楚材

八月陰山雪滿沙清光凝目眩生花插天絕壁噴晴月擎海層巒吸翠霞松檜叢中疏畎畝藤蘿深處有人家橫空千里雄西域江左名山不足誇

鹿尾

元 耶律楚材

鑿輿秋獮獵南岡鹿尾分甘賜尙方濃色殷殷紅玉髓微香馥馥紫瓊漿韭花酷辣同葱薤芥屑差辛類桂薑何似

羶根蘸濃液流匙滑飯大家嘗

開平晚歸

七月一日  
授翰職

元王惲

龍首岡邊野草深秋風灑水動歸心百年蓬巷開圭竇一  
日恩光照士林吟鬢有光浮鏡玉家書封喜認泥金料應  
曉月簾櫳底乾鵲飛來報好音

宿李陵臺

元周應極

曠野平蕪入壯懷征鞍小駐李陵臺關河萬里秋風晚霜  
月一天鴻雁來持節蘇卿真壯士開邊漢武亦奇才千年  
懷古無窮意且向郵亭酌酒杯

送王繼學修撰馬伯庸應奉分院上都二首

玉京高處雪流脂，連插雞翹綠鬢垂。  
蹀躞有泥歌獨漉，琵琶無夢說相思。  
黑河舊樂催填譜，白海名花擬進詞。  
羽獵上林俱罷賦，卿雲何以報明時。

元  
袁  
桷

淺坡平疊積漫漫，拂嶺青帘罨畫看。  
瓊屋起營羊，肺熟土房催頓馬。  
通乾桐官走驛傳，金椀冰正分奩貯。  
玉盤莫上鄉臺望，南北白雲微處是槍竿。

泊庸開平書事次韻四首

元  
袁  
桷

沈沈樓殿內門西，曲宴名王舞馬低。  
桂蠹除煩來五嶺，水蠶却暑貢三齊。  
金罍醅重凝花露，翠釜膏浮透杏泥。  
最愛

禁城千樹柳歸鴉揀盡不曾核

身如病鶴倦梳翎往事猶存舊汗青  
伏日賜冰來上苑晚風傳竹度疎櫺  
承恩裁詔心抽繭落筆誅奸眼拔釘惆悵  
當今人物論披衣危坐望晨星

的的新愁漲碧波可堪跋馬上危坡  
明知風伯秋當路更候天孫夜度河  
砂磧共傳歌敕勒陰山那復見延陀  
周廷王會須椽筆慚媿陳人奈老何

馬足曾窮五色河更將舌本品浮槎  
新聲促軫傳三疊寶構懸鈴鎮四阿  
短榻鴈來愁不奈小窗人去酌母多  
白頭慵作東封頌願效諸生賦止戈

華嚴寺

元 袁 桷

寶構熒煌接帝青，行營列峙火晶熒。  
運斤巧闢攢千柱，相杵歌長築萬釘。  
殿基水泉沸涌以木釘萬枚築之其費鉅萬  
雲擁殿心團寶蓋，風翻簷角響金鈴。  
踰知帝力超前古，側布端能動地靈。

上京翰苑書懷三首

元 馬祖常

沙草山低叫白翎，松林春雨樹青青。  
土房通火爲長炕，羶屋疏涼啓小櫺。  
六月椒香晚貢乳，九秋雷隱菌收釘。  
誰知重見鼇峰客，颯颯臨風鬢已星。

門外春橋漾漾波，因尋紅藥過南坡。  
已知積水皆爲海，不信疎星又隔河。  
酒市杯陳金錯落，人家冠簇翠盤陀。  
薰風

到面無蒸暑去鳥長雲柰客旬

萬里雲沙碣石西高樓一望夕陽低谷量牛馬烟霞錯天  
險山河海岱齊貢篚銀貂金作藉官窰磁蓋玉爲泥未央  
殿下長生樹還許尋巢彩鳳棲

次韻王繼學參議寄上京胡安常諸公二首

元  
馬祖常

石甃冰漸古不消廣寒張樂喜聞韶五坊戲馬春旗合百  
隊回龍曉仗朝闐闐門高承藻井番禺縣遠貢鮫綃年年  
載筆陪京道題柱相如又過橋

省中溫樹晝陰陰郎署熏衣盡麝沉星近紫垣明上界日



行黃道對天心和鸞秋駕車塵靜佩玉朝鳴漏水深好乞  
龍門灘上石種桐千尺斷爲琴

送王叅政上京奏選

元馬祖常

滇池細馬踏龍沙宰相朝天路不賒峽裏琴泉春作乳月  
中珠樹夜成花三千禮樂尊儒術百二河山壯帝家魚上  
禹門無點額直郎宣奏日當衙

駕發上京

元馬祖常

蒼龍對闕夾天闈秋駕凌晨出國門十里貔貅騎駿裏一  
雙日月繡旗幡講蒐獵較黃羊十圍賜宴恩沾白獸尊赫奕  
漢家人物盛馬卿有賦在文園

開平事

元王結

金馬門東畫省西  
千官花覆曙光低  
九莖芝蓋雲衣合  
百石銅盤露顆齊  
鹿柵已營修竹塢  
燕巢還補落花泥  
上林伏日金桃熟  
鸚鵡來時不敢棲

送馬伯庸學士赴上都

元貢奎

人間六月沸炎波  
上國清涼樂事多  
視草舊傳真學士  
散花新起病維摩  
千年結友心相似  
萬里辭家意若何  
料想勝游偏得句  
秋風先寄雁南過

上都察院

元張養浩

栢臺人散坐堆  
甍默記灤江四  
往廻髮爲廌冠  
容易雪心

因蝸角等閑灰慚無元素回天策空負坡仙酌月杯兩處  
飄零家萬里亂山遮斷白雲堆

中都道中

元  
張養浩

細草和烟展翠茵雜花勻簇道旁春鳴禽曠野棲無樹破  
屋荒山住有人露濕敝袍寒觀月風餐行鉢暗凝塵去年  
閩海今沙漠贏得霜華鏡裏新

典和道中

元  
張養浩

底事勞勞形與神道途鞍馬動經旬烟橫絕澗疑無地風  
響深林似有人早發舉鞭揮霧露夜行翹首認星辰何時  
却遂桑榆晚愛殺坡仙此語真

上都次馬伯庸尙書韻二首

元 曹元用

灤水橋邊御道西，酒旗閒挂暮簷低。  
春從玉樹陰中老，雲補青山闕處齊。  
畫戟遙臨青瑣闥，紫騮解惜錦障泥。  
鸞鳳自爲明時出，宜傍上林高處棲。

柳簇金溝蘸碧波，雲深玉闕瞰重坡。  
鳳凰曲奏鈞天樂，烏鵲橋通織女河。  
萬井閭閻春浩蕩，六街車馬晚陂陀。  
山人素有林泉興，奈此承明夜直何。

送袁伯長扈從上京

元 虞 集

日色蒼涼映赭袍，時巡母乃聖躬勞。  
天連閣道晨留輦，星散周廬夜屬橐。  
白馬錦韉來窈窕，紫駝銀甕出蒲萄。  
從官

車騎多如雨祇有揚雄賦最高

觸石墜馬卧病蒙恩予告先至上京寄漑之學士敬

仲參書二首

元虞集

翠幄臨都尙駐郊言瞻龍漠度前茅兩條草氣千原合口  
下雲章五色交給札脩辭持玉筆賜羹充腹出珍庖白頭  
感遇知何補阿閣清嚴栖鳳巢

趨召顛躋歎目昏旋聞予告荷深恩藥頒西域千金劑酒  
賜初筵九醞尊默憶舊書忘晝永行吟冷署覺春溫摩挲  
翠壁光於雪思得參書寫樹根

王儀伯參政見和郊字韻詩復用韻叙謝二首

錄

龍游宮沼鳳游郊通水明堂不翦茅  
縣絕草儀三日且大  
亨饗帝五雲交執典已信神爲馬  
和鼎寧容祝代庖八月  
涼風張樂地頌聲洋溢播雲巢

端午節飲客與趙伯高

元虞集

龍沙冰井夏初融簪筆長隨避暑宮  
蠟燭烟輕留賈誼銅  
盤露冷賜楊雄南村久病思求艾  
北客多情問轉蓬忽聽  
滿船歌白苧翻疑昔夢倚春鴻

還次桓州

元柳貫

寒雨初乾草未霜穹廬秋色滿沙場  
割鮮俎上薦黃鼠獻  
獲屨間懸白狼別部烏桓知幾族  
他山稽落是何方長雲

西北天如水想見旌旗瀚海光

次伯長侍制韻送王繼學修撰馬伯庸應奉扈從上

京

元柳貫

仗前搗酒進瓊脂翠絡金鉤向馬垂少宰瓊廬初張事從  
官魚笏正書思三辰上應旗旂象六樂中陳鼓吹詞供奉  
逍遙承御宿故應燕許擅同時

山圍黑谷翠漫漫獨許詞臣息馬看蹕道雲開朝采正躡  
林風定雪花乾賦成特賜麒麟剡宴出初擎碼碯盤歲歲  
八州人望幸鉤陳旗尾認朱竿

漫題齋壁

元柳貫

牧馬新來秣地椒街頭  
荆酒玉傾瓢  
羲和白日經天近  
敕勒陰山度幕遙  
雨過忽然思御袂  
風清聊復快凌歊  
他年續作灤陽夢  
萬里排雲迥沈寥

次韻伯庸侍制上京寓直書事四首因以爲寄

元柳貫

舉頭涼影動明河  
問信仙人八月槎  
斗下孤光懸太白  
雲間長御挾纒阿  
霓裳催按新聲遍  
鳳藻需承曲宴多  
一代詞華歸篆刻  
龍文還欲映琬戈

松鬢新裁似鶴翎  
手中雲影落深青  
宮花忽動紅千帳  
禁柳齊分綠半檣  
金掌擎秋調玉屑  
銅渾窺夜約銀釘  
不知



太史朝來奏東壁光聯第幾星

烏桓落日稍沉西南極青山女堞低馬谷夏泉經雨漲龍  
堆秋草拂雲齊一箇祠檢將升玉萬里丸封不用泥傑直  
夜涼談往事乘車猶欲避雞棲

杯面春風濺濺波醉來難覓百東坡寧無天上支機石信  
有人問采玉河霜驛舊圖開党項雪毫新興寫伽陀聚星  
更此荀陳盛月照金鑿夜若何

觀失刺幹耳朶御宴回

元柳貫

毳幕承空柱繡楣綵繩亘地掣文霓辰旗忽動祠光下甲  
帳徐開殿影齊芍藥名花團簇坐蒲萄法酒折封泥御前

賜酺千官醉恩覺中天雨露低  
車駕駐蹕御賜近臣灑馬  
娘子御筵設瓊殿失刺幹

耳朶深廣可容數千人  
上京五月芍藥始花

午日雪後行失八兒禿道中有懷同館諸公

元柳貫

尖峰猶是漠南山駝褐蕭蕭午日寒  
艾葉漫將頭上插榴花應許夢中看  
馬前沙雪行初隱鵬背荒雲落更盤  
王事獨賢吾敢憚重煩同館勸加餐

送賀尙書致仕後赴召上都  
二元傅與礪

使者徵行立曉風宰臣傳詔守離宮  
關中舊憶留蕭相江左俱看起謝公  
路經琴峽秋聲滿天繞灤河御氣通  
聞說

至尊勞睿想莫令行色後賓鴻

次韻張仲助教上京卽事

元 吳師道

海波填碧湧金鼇當日經營得俊髦  
周鼎卜年開帝業漢都作鎮奠神臯  
宮中雙鳳朝扶輦帳下千牛夜捉刀  
萬國會同時肆覲衆星遙拱北辰高

大駕時巡鎮北庭皇風萬里暢威靈  
有年太史仍書雨卜日祠官已祭星  
百草黃雲秋漫漫朱樓翠樹晚冥冥  
南歸却作灤陽夢應是平生舊所經

鳳翼行都歲幸臨名王諸部集如林  
瓊車滿載彤庭帛寶馬高馱內府金  
尊散歌呼灤水上夜騰光氣黑山陰  
世皇

謨烈真宏遠共感湛思到骨深

聞危太朴王叔善除宣文閣檢討

元 吳師道

陰山分脈自崑崙朔漠絲延迥北門遙見馬馳知牧地時  
逢水草似漁村穹廬敕勒秋風曲青塚嬋娟夜月魂今日  
八荒同一字向來邊徼不須論

亭障連山入杳茫瓊車如雪謾沙場鵬盤天際秋雲白雁  
去關南木葉黃獨客應憐冠戴楚閒情無奈管吹羌歸來  
若度桑乾水莫忘并州是故鄉

用袁侍制送行韻

元 王士熙

青草白沙入渺漫層層山色舊曾看赤城曉日霞初起黑

谷晴嵐雨未乾錦帕蒙鞍中使馬寶刀分膾內家盤不才  
底事頻行役只合清江把釣竿

寄上都分省僚友二首

元 王士熙

天上風清暑盡消尙方仙隊接

一作

雲韶白鷺海水生鷹

獵紅藥山岡詐馬朝涼入賜衣飄細葛醉題歌扇濕輕綃  
河堤楊柳休傷別八月星槎到鵲橋

畫省薰風松樹陰合歡花下日沉沉腐儒無補漫獨坐故  
人不來勞寸心紫極三台光景接洪鈞萬象歲年深灤江  
回宮九天誰傍香爐聽舜琴

上京次伯庸學士韻二首

元 王士熙

侍臣催講御階西雲靜觚稜曉色低天闕神州卑兩漢地  
連碣石轉三齊含香畫永闕青瑣視草堂幽濕紫泥最憶  
東山老松樹秋風應有鶴來棲

長堤芳草遍灤河誰買扁舟繫樹槎金帳薰風生殿角畫  
樓晴霧宿檐阿萬年枝上烏啼早九奏階前鳳舞多供奉  
老來文采盡詩壇昨夜又投戈

紀行述懷

扈從上  
京之行

元  
宋 裴

陪扈灤京愧未曾馬瘖兒病苦凌兢龍門湍息山陘雪偏  
嶺風淒石瀨冰倏忽雨暘天叵測迂疎道路事難憑侍臣  
爭笑馮唐老不向明時獻技能

失刺鞞耳朶觀詐馬宴奉次貢泰甫授經先生韻

元 迺 賢

詔下天門御墨題龍岡開宴百官齊路通禁籞聯文石幔  
隔香塵鎮水犀象輦時從黃道出龍駒牽向赤墀嘶繡衣  
珠帽佳公子千騎揚鑣過柳堤

珊瑚小帶佩豪曹壓轡鈴鐺雉尾高宮女侍筵歌芍藥內  
官當殿出蒲萄栢梁競喜詩先捷羽獵爭傳賦最高一曲  
霓裳纔舞罷天香浮動翠雲袍

繡綺新裁雲母帳玉鈎齊上水晶簾鳳笙屢聽伶官奏馬  
漢頭煩太僕添風動香烟飄合殿日扶花影上雕檐金盤

禁衛纔供膳階下傳呼索井鹽

上林宮闕淨朝暉宿雨清塵暑氣微玉斧照廊紅日近雷  
旌夾仗彩霞飛錦翎山雉攢遊騎金翅雲鵬織賜衣宴罷  
天階呼秉燭千官爭送翠華歸

灤河源似九龍池清暑年年六月時孔雀御屏金纂纂櫻  
欄別殿日熙熙青藜獨喜頒劉向黃閣重開拜子儀千載  
風雲新際會願將金石播聲詩

時太傅脫  
公再入相

得大人書喜聞秋末自散不刺復回大都賦寄宣彥

高

元  
吳萊

一紙江南到屋扉高秋漠北奉宮闈金微駐蹕踰唐塞鐵



勒鳴弮接漢畿縣最行朝因贊玉蹄林望祭類游衣明年  
草賦呈親去想像汾陰扈從歸

院中聞大駕先還再和伯修韻

元 陳旅

甘泉宴罷雁聲寒桂樹吹香出寶闌翠輦遙臨秋海白霓  
旌高拂曙星殘瓊城家拜銀麇賜棘院人爭繡虎看堪笑  
子雲能作賦獨騎羸馬後奚官

送閣學士赴上都

元 李孝光 一作廿五

從官萬騎擁鑿輿東閣詞臣載寶書雨過草肥金絡馬月  
明山轉紫駝車龍庭日近瀛洲路灤水天高玉帝居明日  
仙凡便相隔少年察吏認躊躇

上京秋日三首

元張翥

山前孤戍水邊營落日無人已斷行  
甌脫數家門早閉  
曠温千帳火微明白摧野草狼同色  
秋入榆關雁有聲  
最是  
不禁橫笛怨海天秋月不勝情

水遶雲迴萬里川烏飛不下草連天  
歌殘敕勒風生帳獵  
罷闕氏雪沒羈紅頰女兒花作隊  
紫髯都護酒如泉  
時巡  
歲歲還京樂別換新聲被筦絃

遠山平野浩茫茫會是當年古戰場  
飲馬水乾沙窟白射  
鵬塵起積雲黃中郎節在仍歸漢  
校尉城空罷護羌  
今日  
車書逢混一不辭老去看檀鄉

上郡許馬大宴五首

元  
貢師泰

紫雲扶日上璇題萬騎來朝隊仗齊織翠轡長攢孔雀鏤  
金鞍重嵌文犀行迎御輦爭先避立近天墀不敢嘶十二  
街頭人聚看傳言丞相過沙堤

櫻欄別殿擁仙曹寶蓋沈沈御坐高丹鳳銜珠裝騶裏玉  
龍蟠甕注蒲萄百年典禮威儀盛一代衣冠意氣豪中使  
傳宣捲珠箔日華偏照鬱金袍

卿雲弄彩日重暉一色金沙接翠微野韭露肥黃鼠出地  
椒風軟白翎飛水精殿上開珠扇雲母屏中見袞衣走馬  
何人偏醉甚錦鞬賜得海青歸

簾韶九奏南風起沙燕高低撲繡簾醽醁酒多杯迭進鷓  
鴒香少火重添舊分宮錦緣衣襪新賜奩珠簇帽簷日午  
大官供異味金盤更換水晶鹽

清涼上國勝瑤池四海梯航燕一時豈謂朝廷誇盛大要  
同民物樂雍熙當筵受几存周禮拔劍論功陋漢儀此日  
從官多獻賦何人爲誦武公詩

夜宿灤河黃兒

元陳孚

貂裘塵土黑如鴉海角孤臣扈翠華萬里親庭應鶴髮一  
生客路又龍沙囊中藥卷菴蓉葉盤裏蔬堆芍藥芽漸見  
馬前添喜氣明朝又近玉皇家

開平卽事二首

元 陳 孚

百萬貔貅擁御閑  
灤江如帶綠廻環  
勢超大地山河上  
人在中天日月間  
金闕觚稜龍虎氣  
玉階閭闔鷲鸞班  
微臣亦有河汾策  
願叩罡風上帝關

天開地闢帝王州  
河朔風雲拱上游  
鵬影遠盤青海月  
鴈聲斜送黑山秋  
龍岡勢繞三千陌  
月殿香飄十二樓  
莫笑青衫窮太史  
御爐曾見袞龍浮

和吳宗師灤京韻

元 李 存

紫駝白象壯行儀  
但覺炎威日日微  
露透地椒清寶仗  
風生天棘滿旂旂  
金盤藹藹行新饌  
玉體脩脩進袂衣  
自得

仙吟因想像半生元不離門畿

次韻王師魯侍制史院題壁

元 周伯琦

大安御閣勢岩亭華闕中天壯上京  
虹繞金堤晴浪細龍蟠粉堞翠岡平  
衆星拱北乾坤大萬國朝元日月明  
分署玉堂清似水簫韶時聽鳳凰聲

七月七日同宋顯夫學士暨經筵僚屬遊上京西山

紀事二首

元 周伯琦

聯岡疊阜衛神都萬幕平沙八陣圖  
朝市星垣周社稷宗藩磐石漢規模  
官堤亘野豐青草禁籞深林暗碧榆  
地闢天開到今日九重垂拱制寰區

盤盤絕頂撫崢嶸日盡天涯一掌平  
海氣騰空搖鐵剌山風卷霧淨  
金城鞫鷹秋健諸酋帳苑馬宵肥  
七校營相顧依然情未已攜壺  
明日約同傾

出明昌界

元邱處機

陂陀折疊路灣環到處鹽場死水灣  
盡日不逢人過往經年時有馬  
迴還地無木植惟荒草天產邱陵  
没大山五穀不成資乳酪皮裘羶  
帳亦開顏

魚兒濼

元邱處機

北陸初寒自古稱沙陀三月尙凝冰  
更尋若士爲黃鵠要識修鵬化大  
鵬蘇武北遷愁欲死李陵南望去  
無憑我今

返學盧敖志六合窮觀最上乘

龍岡晴雪

元 張嗣德

陰山積雪亘春秋霽景玲瓏燦十洲  
玉展畫屏當黼展翠凝香霧繞龍樓  
吟懷暖動鼠鬚筆酒力寒輕狐白裘  
清暑年年動游幸冰壺六月坐垂旒

灤江曉月

元 張嗣德

灤江曉月漾琉璃皓景沈沈碧海西  
監牧平沙時洗馬趨朝青瑣正聞雞  
鐘聲破霧騰珠刹橋影垂虹枕玉溪  
夙德詞臣勞扈從恩承紫誥又春泥

次韻王侍郎上都見寄

元 薛元曦



灤水東風淨物華石鼇峰下駐仙車  
清明草檢歸黃閣勝日開筵近紫霞  
萬戶砧聲聞別館九天秋色落誰家  
仙郎賦罷長回首南去還乘八月槎

開平

明陳循

灤河河北開平府云是前朝舊上都  
萬瓦當年供避暑孤城此日設防鋪  
龍岡夜照烏桓月鳳輦時巡敕勒區  
何處登臨最愁絕李陵臺上望平蕪

上谷歌八首

錄一首

明尹耕

魏豨十萬陣堂堂自古安危繫朔方  
東下鼓鞶連碣石西來亭障帶河湟  
分兵久戍勞充國借箸前籌賴子房  
闡道

暫留諸部落拔營今已遁遐荒

### 塞北感懷

明王清

西風關外雪初晴懷古思鄉百感生  
玉帳枕戈人萬里鐵衣傳箭夜三更  
夢回絕域烏桓戍戰罷空山敕勒營  
烽火微茫天路遠月中鴻雁起秋聲

### 千家店

明羅存禮

杖屨乘閒塞外行客鄉此日慰飄零  
壺觴乳酪千家店車馬瓊裘十里亭  
白廟雨餘秋澗碧紅門日落暮山青  
雁飛好向江南去爲報平安在永寧

### 登張家口城樓

本朝戴本孝

蜿蜒城勢列長蛇堡斷峰連水折沙駟僧驛通中外市牛羊氣雜往來車神爭社會當場綠女競邊粧滿髻花一望西風烟草寂駝鳴旃幕夕陽斜

塞外午日和江邨韻

本朝

胡會恩

斗杓頭上已南移亭午寒飈獵獵吹雪片尙封牀下草榴花不照鬢邊絲遙天信息征鴻杳絕漠流光凍雀知相對重裘話京洛羅衣紈扇隔年時

塞外雜咏

胡會恩

川原泱漭古沙場一綫新蹊接混茫斷磧淒風迴白雁陰山殘雪下黃羊蕭蕭塞草搖空壑漠漠窮邊絡大荒馬首

但諳西北去不知身世此何鄉

霜蹄貫鐵尙凌兢沙路衝寒踏萬層杲日橫空常灑雪春  
風動地不銷冰戴星捲甲停朝食聽鼓歸營辦夜燈捧腹  
壯夫應笑我豎儒軍旅更何曾

窮陰氣候異京華小幙斜支算抵家雲度一痕旋過雨草  
長徑寸未穿沙革囊遠汲爭甘井土銜新樵識異花相訊  
馬駝無恙否披營促坐點膏茶

弓刀結束並征西大塊高寒白日低野曠天迴屯萬馬沙  
平草長散羣羝連營戒櫜聲常肅列障縣旌路不迷身到  
天山回望處層岡疊疊似雲梯

途次大雪過江郵詹事帳中潑茗夜話和乾齋侍讀

韻

胡會恩

雪壓荒陲萬疊沙相逢罽帳即為家  
汲來雁磧新濺水點就龍泓舊試茶  
謾訝聯鑣行漠北還將接軫到天涯  
茫茫鞞譯從何辨賴有琅函載滿車

過上都河

高士奇

窮荒春盡草無青何處淒涼訪故亭  
元時西涼亭遺址不可得塞北山

川迷史籍幕南部落絕王庭雲垂野  
水流俱遠鳥入長空去不停閒把玉鞭  
吟馬上夕陽風角起林垆

扈蹕至興安嶺有旨命登絕頂遠眺恭紀七律四

首

本朝  
查慎行

崇岡斗起杳難攀，翠翠罕華旌歲往還。  
六合一家寧恃險，九邊三面總無關。  
龍沙展勢提封外，鳥道盤空霄漢間。  
詔許重登峰頂望，始知高出萬層山。

忽開眼界向層巔，指掌圖成立馬前。  
東走陪京山委浪，北踰瀚海地黏天。  
牛羊白散千屯雪，草木青回萬竈烟。  
四十丸藩齊望幸，呼嵩聲徹半空傳。

甲帳辰旗紫邏長，極天晴色辨微茫。  
黃榆不斷庭芳路，白日能消冰雪光。  
獵騎嘶風爭北向，野鷹隨雁亦南翔。  
西山蒼靄遙相接，直似登臨在帝鄉。

輿圖遠隔古興安鳳舞龍馳氣鬱蟠半嶺出雲鋪大漠  
松落葉倚高寒嶺以北松皆落葉丹青不數東南秀俯仰方知覆

載寬萬里乾坤千里日欣從奇嶮得奇觀

八月十七日伊蘇河源雪中聞雷食頃開霽

查慎行

雲黑初防挾雨來俄看黍谷散寒灰千峰雪作漫天霧萬  
帳風兼動地雷紅樹一番殘葉盡碧空依舊夕陽開眼前  
變幻真奇絕天果難將管見推

隨 駕行興安嶺上

查慎行

東西路幾千直從遼海控居延盡消伏莽山無樹不

斷靈源地涌泉羣牧牛羊量論谷諸蕃廬帳列如塵  
聖朝不畫長城界一道平岡是九邊

塞外七夕早發

本朝 拉 歌

一夜秋風助曉涼  
鞭梢拂露滿征裳  
平林日上沈青靄  
欵岸花開散野香  
客路忽驚逢七夕  
歸期猶道過重陽  
蕭條立馬高原望  
羨爾穿雲雁幾行

和茫圃題蘇武廟詩用壁間茶字韻

本朝 金 虞

青塚明妃共一家  
至今遺廟傍天涯  
少卿別後如中酒  
通國歸來似小茶  
小茶蕃女之稱  
見元遺山詩  
入畫麒麟終慘淡  
寄書鴻



雁漫咨嗟銀沙萬里忠魂在迴樂峰前看月華

和蘇武廟茶字韻詩正如宋書生讀明律也再步一

首聊以解嘲

金 虞

節毛落盡竟還家廟食無涯歲有涯瀚海牧羝終化乳漢  
庭歌馬未通茶從征客過應長歎疥壁詩傳亦可嗟絕調  
千秋首蘇李莫將輕翰染烟華

青城懷古

本朝 高其倬

築城絕塞跨岡陵門啓重關殿百層宴罷白沈千帳月獵  
回紅上六街燈夜江欲渡金源馬秋使方徵渤海鷹劫火  
東延名勝盡前塵難問再來僧

塞外招提

本朝徐蘭

萬幕懽聲接九邊，翬飛黃屋奉金仙。寶輪掩映春浮樹，

法輪處樹名春浮

珠像橫陳色界天。百尺雀離封古雪，

雀離佛國見北魏史

一盆鮓答浴香泉。

京房易占兵強王武則牛腹生石卽鮓答也西域人以淨水浸之玩弄

花著處消兵氣，甌脫新開萬頃田。

過鄂倫拖羅海

本朝關寧

颯颯西風動大荒，平岡衰草冷斜陽。天如覆釜晴光遠，地

似層波去路長。野渚炊烟藏部落，遙林殘雪露牛羊。橫空

幾點南歸雁，嘹唳飛鳴向故鄉。

五言排律

奉使契丹道中五言長韻

宋 歐陽修

初旭瑞霞烘都門祖帳供親持使者節曉出大明宮城闕  
青烟起樓臺白霧中繡鞵驕躍貂袖紫濛濛朔野驚飈  
淩邊城畫角雄過橋分一水回首羨孤鴻地里山川隔天  
文日月同兒童能走馬婦女亦腰弓度險行愁失盤高路  
欲窮山深聞喚鹿林黑自生風松壑寒逾響冰溪咽復通  
望平愁驛迥野曠覺天穹駿足來山北輕禽出海東合圍  
飛走盡移帳水泉空講信鄰方睦尊賢禮亦隆斫冰燒酒  
赤凍鱸縷霜紅白草經春在黃沙盡日蒙新年風漸變歸  
路雪初融祇事須盡力嗟予乃病翁深慙漢蘇武歸國不

論功

開平新宮五十韻

元郝經

日月旋天蓋星辰合斗樞光騰掌內鐵氣繞澤中蒲金帛  
羞重賜弓刀奮一呼真人翔灑上天馬出余吾尺箠初開  
闢羣雄競走趨無勞爲更舉乘勝卽長驅蹴踏千年雪驍  
騰萬里駒長城衝忽斷弱水飲先枯肅殺威靈盛驅除運  
會俱華彘塵瀆洞天地位血模糊地盡諸蕃外兵窮兩海隅  
九州皆瓦礫萬國一榛蕪誰與重休息徒爲妄駭吁治平  
須化日殺伐豈良圖聖子曾當璧神孫會握符鐵山深蘊  
玉瀚海特生珠歷數終當在謳歌信不誣欲成仁義俗先

定帝王都畿甸臨中國河山擁奧區燕雲雄地勢遼碣壯  
天衢峻嶺蟠沙磧重門限扼狐侵淫冠帶近參錯土風殊  
翠擁和龍柳黃飛盛樂榆岐山鳴鶯鶯冀野牧駒駉風入  
松杉勁霜涵水草腴穹廬罷遷徙甌脫省勤劬階土遵堯  
典卑宮協禹謨既能避風雨何用飾金朱棟宇雄新造城  
隍屹力扶建饒增壯觀定鼎見規模五讓登皇極羣生賜  
大醜還聞却走馬卽見弛威弧簡策詢前代弓旌聘老儒  
恢宏同一氣徼幸絕多塗雷雨施龐澤乾坤洗舊污直爲  
提赤子遂使出洪鑪遠徼收疲忝窮邊罷轉輸江壩遺鄂  
岳石窟棄巴淪刀槊存殘骨膏粱換毒痛却令逢有道免

何所無華契濶還同室鰥惻得字孤八荒皆壽域六合極  
微煨白叟休垂泣蒼生獲再蘇只知期用夏更擬論平吳  
旭日冰天透仁君雪國無終能到周漢亦足致唐虞遇主  
得知已逢時合舍軀殫兵通信誓奉詔敢踟躕頓覺心田  
豁還將肝紙剗行行重回首瑞氣滿闔閣

魯子翬御史分按遼陽作長律五十韻愛其精密予  
今歲亦扈蹕開平因次其韻

元  
袁  
桷

象御天街正烏輪海觀昇省方秋戒慎扈蹕歲因仍石迸  
根駢拇山迴勢左肱塵深疑帽重霧密覺衣蒸午頓炊難  
熟宵征酒易勝解鞍心惘惘執轡念兢兢酪水分罌缶通

薪算斗升皮毛均製服脂腓或然燈統幕迷高下烽臺閱  
廢興度關泉水咽出口月華澄狼戾官芻峙魚麗餽粟徵  
千房雲疊疊萬竈墨層層列帳排衣甲行營護棘矜旆旋  
環似翼鼓發去如繩斗北瞻紅棧雲西指白登草肥青穉  
稭松聳翠峻嶒積雪疑忘象搏風訝徙鵬屬車攢幄帳行  
殿儼茵憑白氍時逢賈朱衣定指僧翠旄逼華蓋金甕耀  
觚稜觀闕天經界儀臺象緯凭攸飛拳似虎鐵杖足如能  
竹帛司常煥丹青職貢增會朝諸帽簇賜宴寶卮凝陞立  
六軍橐師行陋釋棚廣寒通月窟高爽寄涼槽上聖英資  
丁年武德宏天戈中夜渡星檄百川承同軌跋行夏明

祖恥用節別州端首冀分器定先滕德啓無憂服光傳有  
道曾皇威宜絕漠陽澤散堅冰表正辰居所漸仁水集壩  
庭開下鳴鳳苑廢罷飛鷹舉逸尊加璧掄材鄙販繒鄧林  
搜八柱瀛海取三凌曲學慙繩祖孤聞賴得朋沈思雲外  
弋冥索澤中醫容議鷄同鶴人疑驥聚蠅濡毫終有思執  
簡豈無愆謂可兼遐邇胡云立愛憎清芬蘭佩結芳薦蕙  
肴丞鴻筆吾誠忝輔軒子累乘共知心耿耿明對髮鬢鬢  
馬磨誰憐許龍門共企膺枚生詞過實揚子德徒稱盛化  
乾坤闢王綱日月恒麟符昭炳蔚豹霧駭超騰虛白難爲  
繪空青不受矧欲追千古筆爲付一枝藤



次韻繼學三首 錄一

元 馬祖常

雞塞西寧外龍沙北極邊有天皆入貢無地不生仙鵲玉  
光含水驪珠濕帶涎香清堪閉閣衣薄豈勝綿珥筆遊鰲  
禁扶犁占鶴田酒來揚子宅人上剡溪船自信篇章貴能  
歌擊壤年

省中書事

元 王士熙

玉京長夏裏畫省五雲邊終日身無事時清職是仙縹緲  
分馬乳銀葉薦龍涎細草烟籠扇垂楊雪妒綿客懷天外  
鶴農事雨餘田染翰逢歌扇揮金向酒船鰲峰孤絕處閒  
坐似當年

上京大宴和樊時中侍御

元貢師泰

一元開大統四海會時髦畿甸包幽薊天門啟應臯羣黎  
皆屬望百辟盡勤勞蕃國來琛獻邊陲絕驛騷劍鞘龍尾  
匣弓屬虎皮囊列聖尊皇極元臣異節旄宗盟存帶礪世  
胄出英豪歲駕巖先躡居人望左纛平沙班詐馬別殿燕  
櫻毛鳳簇珍珠帽龍盤錦繡袍扇分雲母薄屏晃水晶高  
馬漣浮犀椀馳峰落寶刀暖茵攢芍藥涼甕酌蒲萄舞轉  
星河影歌騰陸海濤齊聲纔起和頓足復分曹急管催瑤  
席繁絃壓紫槽明良真曠遇熙洽喜重遭化類工成冶聲  
同士赴馨隆恩雖欵洽醉舞敢呼號拜命榮三錫論功恥

二桃重華躋舜禹盛業繼夔臯燕饗存寅畏遊畋戒逸遨  
乾坤春拍拍宇宙樂陶陶爭獻公車頌光榮勝袞褒

至正元年復科舉取士制奉中書檄以八月十九日  
至上京卽國子監爲試院考試鄉貢進士紀事

元  
周伯琦

上國興王地神州避暑宮規模三代廓聲教萬方隆至正  
儒科復留司造士充周南麟趾厚冀北馬羣空積雪寒無  
夜清秋月正中瓊闈環壁水彩筆扇祥風殿陳寧韜劔先  
登不待弓豹斑開曉霧雉尾爛晴虹障候瞻鄒魯都人想  
鎬豐簾分堂上下區別院西東副楮行鴉螳藏名畫鳥蟲

屬防周四署塗抹眩雙瞳理到無優劣辭修有拙工神明  
終日監造化四時公讐校稽魚豕詮題辨鷓鴣固知散繫  
博敢以贖爲聰天淨文星麗寒收士氣叢臺萊浮渭洛祀  
梓出恒嵩借計先章甫前驅軼小戎有人爭覩鳳何處兆  
非熊合志官聯樂連牀笑語同獸爐圍炭熾魚燭綴花紅  
雕豆羞肴炙金卮奉酪酬環廬帷毳屬侍史服貂鼯扇鏞  
虔朝暮閤兵慎始終更移壺滴瀝衙報鼓籠銅事憶歐蘇  
遠詞懷賈董雄驛程心歷歷雅奏口颯颯聖統乾坤久人  
文日月崇灤河天上出銀漢定相通

塞下

明謝榛

路出古雲州風沙吹不休烏鳶下空積駝馬渡寒流地曠  
邊聲動天高朔氣浮霜連窮海夕月照大荒秋擊鼓蕃王  
醉吹笳漢女愁龍城可復取俠士幾封侯

五言絕句

涼陁

金趙源

峩峩景明宮五雲湧蓬萊山空白晝永野曠清風來

李陵臺二首

元馬祖常

故國關河遠高臺日月荒頗聞蘇屬國海上牧羶羊  
歸林聞野祭漢室議門誅辛苦樓蘭將淒涼太史書

續讀雅十詩

元白珽

海青羽中虎燕燕能制之小隙沉大舟關尹不吾欺海青俊禽

也而羣燕緣撲之即墜物受於所制者無小大也

草食押不盧雖死元不死未見滌腸人先聞棄簣子漠北有草

名押不盧食其汁立死然以他藥解之即蘇華佗洗腸胃攻疾疑先服此

誰令珠玉唾出彼藜藿腸仁人不為寶良賈宜深藏和林有尼

能吐珠玉雜寶

嬰啼聞木枝羝乳見茅茹何如百年身反爾無根據漠北種羊

角能產羊其大如兔食之肥美嬰啼木枝見山海經所載

西狩獲白麟至死意不吐代北有角端能通諸國語角端北地

異獸也能人言其高如浮圖

纔脫海鶴啄已登方物輿仰面勿啾啾我長非僑如小人

七寸夫婦二枚形體畢具

羯尾大如斛堅車載不起此以不掉滅彼以不掉死西漢有羯

尾大如身之半非車載尾則不可行

八珍肴龍鳳此出龍鳳外荔枝配江蚺徒誇有風味謂迤北八

珍也所謂八珍則醍醐麝沆野駝蹄鹿脣駝乳麋天鷲炙紫玉漿元玉漿也元玉漿即馬奶子

灤人薪巨松童山八百里世無奚超勇惆悵度易水取松煤於

灤陽即上都去上都二百里即古松林千里其大十圍居人薪之將八百里也

兩駝侍雪立終日飢不起一覺沙日黃肉屏那足擬沙漠雪盛

命兩駝跌其旁終夜不動用斷硬架片璽其上而寢處於下煖勝肉屏且不起心兵也

七言絕句

邊詞

唐

三秋大漠冷溪山八月嚴霜變草顏  
卷旆風行宵渡磧銜  
枚電掃堯應還

撫州

金趙秉文

蕭寺金風動剎竿  
西城北斗挂闌干  
一蟲不響夜更靜  
片月未高山已寒

燕賜城邊春草生  
野狐嶺上斷人行  
沙平草遠望不盡  
日暮惟有牛羊聲

和景賢

元耶律楚材



今日邊城又見君試彈流水燕梅魂聲和塞色金微潤香  
散穹廬玉鼎温

過界墻

元 劉秉忠

地老天荒雪亦蒼車聲軋軋轉羊腸短衣蓬鬢沙陀路一  
歲三蕃過界墻

毳幕卓歇圖

元 王 惲

牙旗風輭馬蕭蕭渭水歸來氣更豪想得龍沙西北道際  
天秋草黑山高

甘不刺川在上都西北七百里外董侯承旨扈從北  
迴過於榆林酒間因及今秋大獵之盛書六絕以紀

其事 錄一

元王 惲

千里陰山騎四周休誇西伯渭濱遊今年較獵饒常歲一  
色天狼四十頭

明安驛道中

元陳 孚

野鵲山頭野草黃野狐嶺上月茫茫五更但覺天風冷帳  
頂青氊一寸霜

風吹灤水湧如淮十萬雕弓飲馬來長嘯一聲鞭影動金  
鞍飛過李陵臺

次韻繼學伯庸上都見寄二首

元袁 桷

陰陰櫻殿水雲蒼鵠鵲風微夏日長渾似醴泉宮畔境千

官齊立從文皇

紗縠單衣珮水蒼碧  
牋裁詔繭絲長日斜  
雙入通明殿雲  
母屏前對玉皇

李陵臺

元 袁 桷

雪袞寒沙風袞灰  
眼穿猶上望鄉臺  
隴西可是無迴鴈不  
寄平安一字來

秋懷

元 曹元用

沙磧秋高宛馬肥  
哀笳一曲塞雲飛  
南都兒輩應相念  
過盡征鴻猶未歸

五月芍藥

元 馬祖常

紅藥花開端午時江南遊客苦相疑上京不是春光晚白  
是天家日景遲

丁卯上京四絕句

元馬祖常

山雨晴時已是秋苑中行殿日華浮長楊十里旌旗宿不  
使飛霜入畫樓

離宮秋草仗類移天子長楊羽獵時白馬水寒霜露滿騎  
奴猶唱蹋歌詞

海國名鷹豈鵠胎渥洼天馬是龍媒明時不惜黃金賜只  
欲番王萬里來

持橐詞垣已賜金對衣侍拜更恩深何如坐索長安米只

有詩歌滿翰林

李陵臺次韻楊學士

元 貢 奎

青山繞驛客重來十里羸驂首重迴  
今古李陵悲絕處夕陽野牧下荒臺

李陵臺

元 許有壬

李陵臺下駐分臺紅藥金蓮滿地開  
斜日一鞭三十里北山飛雨逐人來

八月十五日得旨先歸驛騎在門復  
召還草詔十七

日至通州驛題壁

元 虞 集

鳥桓東望大無際祇有銀蟾出海頭  
不得吹簫送清夜禁

城鐘鼓度中秋

王朋梅東涼亭圖延祐中奉勅所作草也

灤水東流紫霧開千門萬戶起崔嵬  
陂陀草色如波浪長是鑿與六月來

詐馬宴上京作

元宋 裴

寶馬珠衣樂事深只宜晴景不宜陰  
西僧解禁連朝雨清曉傳呼趣賜金

灤陽邢君隱於藥製芍藥芽代茗飲號曰瓊芽先朝

嘗以進御云

元黃 潛

芳苗簇簇徧山阿玉蕾珠芽未足多  
千載茶經有遺恨吳

儂元不過灤河

春風北苑鬪時新萬里面封效貢珍羨爾託根天尺五不  
勞飛騎走紅塵

次韻虞學士上京道中

元黃潛

欲去仍爲一日留玉堂中夜有詞頭歸鞍曉逐南飛鴈猶  
及西山半夜秋

上京次李學士韻

元王士熙

山擁石城月上遲大安閣前清暑時玉盃爭呼傳法酒碧  
牋時進教坊詩

金燭承恩出院遲玉堂學士草麻時明朝上國新端午彩

筆應供帖子詩

晝漏渾爭一刻遲  
玉京六月似秋時  
篋中日日藏紈扇  
說與班嬈莫寫詩

芍藥闌前春信遲  
灤京端午石榴時  
雙雙紫燕自尋壘  
小白翎能念詩

奉題袁伯長開平百首詩後

元 王士熙

玉海雲生貝闕高  
騎鯨人去采芝遨  
灤江一夕秋風到  
瑟瑟珊瑚涌翠濤

上都寄叅政

元 王懋德

野草侵階水遶門  
西風颯颯雨紛紛  
小軒坐對爐烟冷  
却



憶溪南一片雲

上京雜詠

元葉衡

水晶宮殿柳深迷朝罷千官散馬蹄只有詞臣留近侍經  
筵長到日輪西

雲擁蒼松嶺勢雄微茫俯見九州同皇家萬載千秋歲看  
取天垂日照中

塞漠穹廬散萬營平沙細草際天青柳林老校渾無事閒  
倚斜陽理箭翎

玉階天近露華流夜久涼風入鳳樓曾把翠雲裘進石上  
京六月冷于秋

夜宿榆林月滿天青帘紅燭喚觥船相逢莫問兒家姓醉裏空留白玉鞭

細沙新築御家坡恰有清塵小雨過扶杖老翁先喜舞翠華聞已渡灤河

上京雜詠

元 薩都刺

白晝簫韶起半空水晶行殿玉屏風諸王舞蹈千官賀高捧葡萄壽兩宮

沙苑棕毛百尺樓天風搖曳錦絨鈎內家宴罷無人到面  
面珠簾夜不收

涼殿參差翡翠光朱衣華帽宴親王紅簾高捲香風起十

六天魔舞袖長

中官隊仗等宮車小樣紅靴踏軟沙昨日官家清宴罷御  
羅輕帽插珠花

院院燒燈有咒僧垂簾白日點酥燈上京六月涼如水人  
渴天瓢更賜冰

上京卽事

元  
薩天錫

大野連山沙作堆白沙平處見樓臺行人禁地避芳草盡  
向曲闌斜路來

祭天馬酒灑平野沙際風來草亦香白馬如雲向西北紫  
駝銀甕賜諸王

牛羊散漫落日下野草生香乳酪甜卷地朔風沙似雪  
家行帳下璫簾

紫塞風高弓力强王孫走馬獵沙場呼鷹腰箭歸來晚馬  
上倒懸雙白狼

和胡士恭灤陽納鉢卽事韻五首

紫駝峰挂葡萄酒白馬鬣懸芍藥花繡帽宮人傳旨出黃  
門伴送內臣家

野闊天垂風露多白翎飛處草如波髯奴醉起傾渾脫馬  
漣香甜奈樂何

蕎麥花深野韭肥烏桓城下客行稀健兒掘地得黃鼠日

暮騎羊齊唱歸

新教生駒不受騎  
小紅車裏簇歸時  
鉤簾醉卧瓊瑜月  
不省人間有別離

野館吹鐙夜未央  
薄寒偏透越羅裳  
出門不記人行路  
馬首惟占北斗光

灤河曲二首

元貢師泰

椎髻使來交趾國  
橐駝車宿李陵臺  
遙看徹夜鈴聲過  
知進六宮瓜果廻

白沙岡頭齊下馬  
爲拾闕氏八寶鞭  
忽見草間長十八  
衆人分插帽檐前

扈從上京學宮紀事

元 周伯琦

曾甍複閣接青冥，金色浮圖七寶楹。當日熙春今避暑，灤

河不比漢昆明。

右詠大安閣故宋汴熙春閣也遷建上京

鏤花香案錯琳鏤，金甕葡萄大白浮。羣玉諸山環御榻，瑤

池只在殿西頭。

右詠洪禧殿

睿思閣下瑣窓幽，百寶明珠絡翠裘。內署傳宣來準備，大

廷盛宴先初秋。

數樹青榆延閣東，三窗霞戶綺玲瓏。上林文鹿高於馬，時

引黃麕碧草中。

勝題仁壽睿思東，星列鉤陳繡閣重。中夜三時羞玉食，地

涼不用暑衣供

米華雪翼眩西東玉坐生寒八面風巧思曾經修月手通

明元在五雲中

右詠水  
品殿

鷓斑百和作堅材翥鳳翔龍四壁開寶地曉張香積界始

知天子是如來

右詠  
香殿

延閣圖書取次陳講帷日日集儒臣墨池雲合天光絢東

壁由來近北辰

右詠宜  
文閣

黌舍重開大殿西牙符給事籍金閨吾伊日課繙青簡揮

梁還看寫赫蹏

北闕岩巒號穆清北山迢遞繞金城四時物色圖丹壁翠

輦時臨幸太平

宣文下直

元周伯琦

亭亭翠柏倚朱闌  
雲母窓扉逼暮寒  
玉德殿前紅杏樹  
數花猶作去年看

灤京雜詠一百首

錄六  
十首

元楊允孚

東涼亭下水濛濛  
敕賜遊船兩兩紅  
回紇舞時杯在手  
玉奴歸去馬嘶風

南國鄉音漸漸稀  
朔風吹雪上征衣  
邊鴻飛過桓州去  
更向窮陰何處飛

窩名檐子果何如  
野草黃雲入畫圖  
弧矢縱懸仍覓侶  
塞



前番語笑人迂

驅車偏嶺客南還始見村姬笑整鬟誰信片雲三十里寒

暄只隔此重山

過人到偏嶺之北而不可洗頭不可梳冷極故也過此始有暖意素非高嶺寒氣止

隔于此良可怪也歟

李陵臺畔野雲低月白風清狼夜啼健卒五千歸未得至

今芳草綠萋萋

此地去上京百里許

鴛鴦坡上是行宮又喜臨岐象馭通芳草撩人香撲面白

翎隨馬叫晴空

山黑團至此始令轍馬即蔡罕孺兒白翎草地所產

歡喜坡邊望禁城鸞翔鳳翥卿雲清舉杯一吸灤陽酒消

盡南來百感情

此以下叙灤京之景及聖駕往還典故之大槪

鐵蕃竿下草如茵澹澹東風六月春高柳豈堪供過客好

花留待蹋青人

卽幹耳柔蹋青人卽宮人也

先帝妃嬪火失房前期承旨達灤陽車如流水毛牛捷轡

縷黃金白馬良

毛牛其毛垂地火失璽房乃累朝后妃之宮車也

聖祖初臨建國城風飛雷動螿龍驚月生滄海千山白日

出扶桑萬國明

上京大山舊傳有龍居之

北闕東風昨夜回今朝瑞氣集蓬萊日光未透香爐起御

道聲聲駝鼓來

謂駝鼓也

撒道黃塵輦路過香焚萬室格天酥兩行排列金錢豹欽

察將軍上馬駝

又是宮車入御天麗姝歌舞太平年侍臣稱賀天顏喜壽

酒諸王次第傳

千官至御天門俱下馬徒行獨至尊騎馬直入前有教坊舞女引導且歌且舞舞出

天下太平字樣至玉階乃止內門曰御天之門

九奏鈞天樂漸收五雲樓閣翠如流宮中又放灤河走相

國家奴第一籌

灤河至上京二百里走者如貴赤黎明放自灤河至御前已初中刻者上賞

得寵親王馬上回朱門繡闥一時開淋漓未了金釵宴中

便傳宣御酒來

大安閣下晚風收海月團圞照上頭誰道人問三伏節水

晶宮裏十分秋

大安閣上京大內也別有水晶殿

圓傑君前拜不名輪番內直浹辰更蓬萊山上羣仙集得

似王孫世祿榮四傑卽四快薛也或稱也可怯薛者卽大怯薛之稱是之謂不名當三問夜所以淡

辰一更者也

北極修門不暫開兩行宮柳護蒼苔有時金鎖因何掣聖

駕棕毛殿裏回棕毛殿在大幹耳榮

結綵爲樓不用肩角聲扶上日初明龍駒河北王來觀直

入金門下馬行

相國門前柳未花不多嫩綠便藏鴉東風吹得濃陰合散

入都城百萬家

千官萬騎到山椒箇箇金鞍雉尾高下馬一齊催入宴玉

闌干外換宮袍每年六月三日詳馬筵席所以喻其盛事也千官以雉尾飾馬入宴

口北三廳志 卷十五 藝文四

尾

錦衣行處後猊習詐馬筵前虎豹良特敕雲和罷弦管君

王有意聽堯綱

詐馬筵開盛陳奇獸宴享既具必一二大臣稱吉思皇帝禮撤于是而後禮有文飲

有節矣雲和署隸儀鳳司樂掌天下樂工

儀鳳伶官樂既成仙風吹送下蓬瀛花冠簇簇停歌舞獨

喜簫韶奏太平

儀鳳司天下樂工隸焉每宴教坊美女必花冠錦繡以備供奉

麗日初明瑞氣開千官錫宴集蓬萊黃門控馬天街立丞

相簪花御苑回

聿來新貢又殊方重譯寧誇自越裳馴象明珠龜九尾皇

正不寶壽無疆

萬歲山有九尾龜

意如魚貢自黑龍江西域葡萄酒更良前上至奇誇鳳髓北

陸異品是黃羊 黑龍江卽哈八都魚也鳳髓  
茶名黃羊北方所產御膳用

太平天子重文曹閣建奎章選俊髦一自六龍天上去至

今黃帕御牀高 昔文宗建奎章閣于大內年深  
灑掃睹御榻之歸然感而賦此

內人調膳侍君王玉仗平明出建章宰相乍臨閭闔表小

臣傳旨賜湯羊 御前廚常膳有日小廚房大廚房小廚房  
則內人八珍之奉是也大廚房則宜徽所

一膳具數十六餐餘必賜左右大臣日以爲常予常職賜  
故悉其詳

仙娥隱約上簾鈎笑倚闌干出殿頭鸚鵡臨階呼萬歲白

翎深院度清秋

香車七寶固始袍旋摘修翎付女曹別院笙歌承宴早御

園花簇小金桃

凡車中載固姑其上羽毛又尺許援付女侍手持對坐車中雖后如駝象亦然

鳳樓春暖翠重重內禁門開曉日紅寶馬香車金錯節太

平公主幸離宮

湯羊內膳日差排紅帖呼名到玉階底事金吾呵不住腰

間懸得象牙牌

東城無樹起西風百折河流遶塞通河上驅車應昌府月

明偏照魯王宮

內宴重開馬渾澆嚴程有旨出丹霄羽林衛士桓桓集太

僕龍車欵欵調

馬渾馬奴子也每年八月開馬奴子宴始奏起程太僕寺掌馬者

鸞車八月政高翔玉勒雕鞍萬騎忙天上龍歸纜帶兩城

頭夜午又經霜 每年駕起其夕即霜異哉

南坡暖翠接南屏雲散風輕弄午晴寄與行人停去馬六

龍飛上計歸程 南坡乃納寶地也故遊人罕至焉

月出王孫獵兔忙玉驄拾矢戲沙場皮囊乳酒鑼鍋肉奴

視山陰對角羊 良馬馳驟拾隨箭插綠羊或四角六角者謂之迭角羊迭義未詳以其角之相對故

曰對角毛角雖奇香味稍別故不升之鼎俎予以見天朝之玉食有等差也

雍容環珮肅千官空設番僧止雨壇自是半晴天氣好螺

聲吹起宿雲寒 西番種類不一每即殊禮宴享大會則設止雨壇於殿隅時因所見以發一哂

正元紫禁肅朝儀御榻中間寶帕提王母壽詞歌未徹雪

花片片彩雲低 此以下多叙一年之景并雜詠之物



元夕華鐙帶雪看佳人翠袖自禁寒平生不作蠶桑計只  
解青驄鞚繡鞍

試數窓間九九圖餘寒消盡煖回初梅花點遍無餘白看

到今朝是杏株

冬至後貼梅花一枝於窓間佳人曉妝日以胭脂日塗一圍八十一圍既足變作杏

花即煖

同矣

脫圈窈窕意如何羅綺香風漾綠波信是唐宮行樂處水

邊三月麗人多

上巳日灑京士女競作繡圈臨水棄之即修禊之義也

葡萄萬斛壓香醪華屋神仙意氣豪酬節涼糕猶未品內

家先散小絨縑

重午節也

白戲遊城又及時西方佛子閱宏規綵雲隱隱旌旗過翠

閣深深玉笛吹

每年六月華入然後登城設宴謂之遊皇城是也

紫菊花開香滿衣地椒生處乳羊肥

女塞裳拾糞歸

紫菊花惟灤京有之名公多見題品地椒草牛羊食之其肉香肥纏石韃鞨茶

為愛琵琶調有情月高未放酒杯停新腔翻得涼州曲彈

出天鵝避海青

海青擎天鵝新聲也

海紅不似花紅好杏子何如巴攬良更說高麗生菜美總

輸山後磨菰香

海紅花紅巴攬仁皆果名高麗人以生菜裏飯食之尖山產磨菰

偶因試馬小盤桓明德門前御道寬樓下綠楊樓上酒年

年萬國會衣冠

明德門午門也

不須白粲備晨炊乳酪羊酥塞北奇泥土炕牀銀甕酒佳

人椎髻語侏離

東風亦肯到天涯燕子飛來相國家若較內園紅芍藥洛

陽輪却牡丹花

內園芍藥迷望亭亭直上數尺許花大如斗揚州芍藥稱第一不及上京也

白白瓊房撒萬星名王酣宴借娉婷李陵臺北連天草直  
到開平縣裏青

東風吹暖柳如烟寄語行人緩著鞭燕舞巧防鴉鶻落馬  
嘶驚起駱駝眠

時雨初肥芍藥苗脆甘味壓酒腸消揚州簾卷東風裏曾

惜名花第一嬌

草地芍藥初生軟美居人冬采食之

霜寒塞月青山瘦草實平坡黃鼠肥欲問前朝開宴處白

頭官使往還稀

文宗曾開宴于南坡故云

雖然玉宇桂無花秋比江南分外佳絃管畫樓人散去舍

郎攜妓勸嘗瓜

俗以月下送瓜果往還上京不產桂花

御饌官廚不較餘金門掌膳意勤如更分光祿瓶中酒爛

醉歸時月上初

凡御膳及民間者謂之貢餘光祿寺掌御酒

別却郎君可奈何教坊有令趣興和當時不信郵亭怨始

覺郵亭怨轉多

興和署延教坊司屬掌天下優人

灤京九月雪花飛香壓萸囊與夢違鴈字不來家萬里孤

裘旋買換征衣

出塞書生瘦馬騎野雲片片故相隨凍生耳鼻雪堪理冷

北山三廬遺集卷之五

人肝腸酒強支凡凍耳鼻即以雪搽之方回近火則脫

買得香梨鐵不如玻璃椀裏凍潛蘇書生半醉思南土一

曲鐙前唱鷓鴣梨子受凍其堅如鐵以井水浸之則味回可食

元宮詞

明朱櫛周王

大安樓閣聳雲霄列坐三宮御早朝政是太平無事日九

重深處奏簫韶

鬼赤遙催駝鼓鳴短簷羶帽傍車行上京咫尺山川好納

鉢南來十八程

上京次貢侍制韻

明涂穎

海風吹雨度龍沙滿眼金蓮紫菊花日暮笙歌何處起高

仙穹帳五侯家

蓬萊仙子學長生  
羣帝朝天絳節迎  
昨日六龍回北極  
雲裾霞珮集灤京

題忠順夫人畫像

明 于慎行

天山獵罷雪漫漫  
繡袜斜偎七寶鞍  
半醉屠蘇雙頰冷  
桃花一片殢春寒

灤京雜詠

明 釋來復

秋滿龍沙草已霜  
射雕風急朔雲長  
內官連日無宣喚  
獵取黃羊進尚方

題胥抱雪塞遊圖

本朝 卓爾堪

新詩吟罷勸金杯  
萬里風吹沙雨來  
跨馬欲沿荒草去  
塞垣直北李陵臺

塞外截句

本朝 胡會恩

軍廚曉飯拍黃羊  
羽騎中宵射白狼  
霜月滿營歌敕勒  
夢回始覺卧沙場

邊風獵獵捲晴沙  
四月陰山草未芽  
莫道春歸無舊識  
駝茸滿地似楊花

葡萄宮錦覆貂襜  
宴罷旌門逞醉顏  
一隊燕支飛上馬  
玉鞭裁響過千山

萬帳雲屯大漠間  
儒臣扈蹕自蕭閒  
安營下馬渾無事  
卧

看峻嶒塞上山

塞外雜詠

本朝 高士奇

滿磧閒花送野香窮邊六月始青陽紛紛蜂蝶須留意若

到秋來便隕霜

塞外五六月始有和色七月即隕霜矣

望中宮闕隔雲霓今年負物華六月駝毛飄滿地渾

疑春盡落楊花

楊花于五六月脫毛塞上處皆有風吹展轉如楊花也

南風吹雨北風晴一日暄寒幾變更誰信龍荒天氣別無

須當暑葛衣輕

自湖灘河朔至三壘

高士奇

雲山絕好塞垣圖濃黛輕烟曉暮殊野外八屯分畜牧馬



牛千里富青

張家口官牧地分授八旗牧政各據一場每夏加遣人員督率之

上京秋色圖

本朝 湯右曾

落日牛羊下遠村平沙萬馬別開屯君看沒鵲盤鵲處莽莽青山是塞垣

八月窮邊雪片麤角弓鳴處草全枯上都一片清秋色却是寒林大小圖

大風下興安嶺

本朝 查慎行

崇岡無樹朔風寒直下真從井底看知是向南歸路近何飛黃葉打征鞍

重九雪後觀獵

查慎行

金犀編鹿擬噴虹重展圖  
教六騎作旁觀

芎鱸蓋解愛新霜每到登高必望鄉  
誰料烏桓山外路萬

峰蹋雪過重陽

前二日大雪

題陳允升塞外牧羊圖後

查慎行

鞭策曾趨萬騎先  
鑊鉦親扈六飛旋  
當初應笑柁中監塞北蒙瓊十九年

連日扈從由雍安嶺烏蘭哈爾哈至上都必拉觀圍

恭紀八首

錄四

查慎行

連天積素耀威弧  
鵠血牛螭力盡輸  
看取羣情齊踴躍一

人獲雋萬人呼

初分左右儼星奔旋列方圓陣法存千仞岡頭黃燾下藍

旗兩扇合旌門

西僧迎 輦列香旛擊鼓吹螺動法門番界從來知佛大

而今更識 帝王尊多倫那拉之西有喇嘛寺西僧一百五十大蒙吉可一部落供養一僧俱來

迎駕恩銀幾百差

嵯巽高勢拂雲闕 天語親聆指冰來踏遍峰峰沙似雪

始知身到白龍堆二十五日隨駕至上都海拉斯臺上諭云此地山形首皆西南向尾皆東

北向即古白龍堆也

隨 駕閱視羣牧恭紀八首

查慎行

在拔雲中左界遙放來翠收十分矇自從 聖祖開基遠

水草新來分外饒

齊色分花望不窮一羣拔萃一羣空天生駉驥初無種只

在 君王顧盼中

大漠塵消罷戍屯曾收汗血入關門於今青海無傳箭字

息均蒙泰養恩

肉鞍高出草頭低千百封牛羈色齊

漢書注駉駉背上肉鞍鞍高者封土俗呼

封知有泉源在山外但從沙上覓駉蹄

鳥特黃特種各殊麟躩迭角雜攻駒太平畜產間無用好

入豐年考牧圖

四時邊草閱榮枯填谷堙谿作雪鋪一色萬羣三百萬不  
會輕費大官芻

邊戶羣歌樂歲穰素封何必業耕桑家家賜種滋蕃息銀

餅渾如秬麥香

唐據言宜宗賜韋燠孫宏銀餅嚼  
皆乳酪膏之所爲卽今乳酥餅也

蒺藜苑小傳唐監苜蓿園荒笑漢家自是累朝無馬政天  
留沃壤在龍沙

行經獨石口外

查慎行

獨石西南路最紆時平關隘失崎嶇灤河源在千山外流  
過元朝避暑都

丙子春日雜詩

本朝  
陳奕禧

科爾輪河漫自東王庭氣暖草蒙茸巴顏烏刺中間地水  
北山南好過冬五音鳴爾其侵喀爾喀會其巴顏烏刺  
舊其其地南有科爾輪河北有山環繞昔  
寒向陽氣暖有水草可駐牧

上都秋夜

木朝 拉 歌

耿耿寒燈照不眠穹廬孤坐意凄然滿頭華髮西風老羞  
對黃花又一年

上都

木朝 闕 名

墩次邊牆內外長紛紛廬落繞牛羊白貂綠馬邊頭貴爭  
換紅鹽向市場

鴛鴦深上洗妝多毛銀闌鋪向菱荷宮女隻鳧教仰中放

鶴還去打天鷲

和友人雪後行獨石口外詠所見 本朝 徐蘭

明沙灘上雪鋪銀天作穹廬覆遠人覆到晚來天亦冷羲

和鞭出日三輪 近北諸口獨石為最冷寒晦風冽則冷氣

若五日並出狀如梅花則更冷冬月所常見然則唐書載貞觀初突厥五日並出者非異也

麥拉勒圖早發 本朝 關寧

葉打珊瑚馬帶霜浪翻白草走黃羊天空野闊無人跡一

路西風古戰場

過察汗格勒 土人傳為遼后 本朝 關寧

灑灑河流岸草春畫樓金粉已成塵青山不管興亡事依

舊崎嶇送路人

集唐

打鬼歌 有序

本朝 徐 蘭

番僧最尊者爲呼必辣吉能悟前身人稱之曰胡土  
克圖華言再來人也次朝爾吉次勺斂次喇木占巴  
次噶卜處次温則忒次德穆齊次合楞次合絲規次  
合噤爾次班第次合由巴次戳由巴次骨捻爾次顛  
馬女僧爲尺巴甘亦有室家者男爲吳巴什女爲吳  
巴三氣總名之曰喇嘛打鬼者梵言部勺是日佛殿  
上燃燈千盞建大旗於殿四隅旗繪四天王像戳由



巴鳴金傳執事者齊集設胡土克圖座於殿之東朝

爾吉以下俱列坐一僧名茶勃勃氣散淨水於眾僧

掌中無常職班第為之几上陳胡朗臥令以醍醐拌麵作人獻

形蓋鬼食也一甲士左右立以帛束口恐人氣觸之鬼不

食也班第扮二小鬼對舞一夜又覘其旁向內一呼

即潛入人叢中撒麵以眩人目殿內吹銅凍西番樂器銅骨

為諸樂隨之以奏合嗑爾十二人戴假面扮馬哈喇

佛備極殊怪雙雙跳舞而出其一曰厄利汗文殊化

身二曰作嘛知文殊之護法神三日嘛哈嚩喇四曰

喇嘛皆觀音化身五日威又叭喇六日滋那嗟七

日著基阿拉啞八日冬現著紋九日生合冬東十日  
出孫冬東十一日斂拉瓦十二日摸黑皆觀音之護  
法神惟厄利汗斂拉瓦爲牛鹿扮面餘皆不可辨合  
楞十人扮十地菩薩錦衣花帽繼之而出手執腦骨  
椀枯髑棒叉杵綵縷等物旁立番僧數百人人持鼓  
與鈸鼓鈸之徐疾隨其跳舞之節奏赤巴甘出吳巴  
什夫婦執香環繞溫則忒宜開經偈衆僧朗誦秘密  
神咒吽聲如雷鈴聲如雨喇木占巴以胡朗叭令擲  
於地於是牛鹿二假面持刀砍地作殺鬼狀復有一  
僧日乃冲戎裝執戟吐火吞刀云神附於身觀者皆

膜拜奉界單巾於神以問休咎跳舞畢合由已以糖

一鉢候於戶抹衆僧之口而佛事終焉余詢之譯者

云烏斯藏有稠房爲邪崇所據白晝攫人飲食喇嘛

乃扮假鬼飲食於房中以誘真鬼因扮諸佛排闥以

入而打之故名之曰打鬼今京師番僧寺上元除夕

亦爲之蓋猶周禮帥百隸以時儺之意也

十里城中一院僧薛能天香飄翠瑣窓凝劉滄一千龍象隨高

步裴休百八珍珠貫絲繩賈島萬國戎王盡稽首鮑防半是西方

社中人劉錫滿殿香花爭供養花蕊夫人良久問他不開口高適

口翻貝葉古字經譚嘈然歎起初駭聽老梵音妙音

柔軟音朱吐雲烟兮合窅冥盧鴻深松竊聽來妖精李一草

一木棲神明顧况門閣朝鳴大法鼓崔今日百獸先來舞薛

陰風慘淡天王旗李商繪畫日月蟠龍螭陸龜瘦鬼染面

惟齒白孟吹火熒熒又為碧李爪利如風眼似鈴薛曲頸

微伸高九尺馮遶頸髑髏乾子裂歐陽髑髏盡是長安卒

萬人肉上寒毛生劉言捲地朔風吹白骨卽銅凍白骨

相撐如亂麻李淒淒古血青銅生李風聲吼烈隨手起魯

一聲悲兮一聲喜戎一悲一喜併相宜王羌笛胡笳不用

吹孟浩然北市風生飄散麴白居一度出時拋一遍王奕奕

紛紛何所如劉廷汀上白沙看不見張若殿庭燈燭上熏

天杜審言紅光紫氣俱赫然郭元振夜叉歡喜動關鎖盧全青兕

黃熊啼向我杜甫鼓聲三下紅旗開張建封又見吳牛磨角來

環行急蹴皆應節李端忽作風馳及電掣王色虎鬚麋豬遠

狻猊殊形怪狀不易說寶真中有一人金作面王周麻絨

迥縱橫轉宗中有一人披霓裳劉長卿空中似放玉毫光

有一人兮神之側元稹前把兩戈後雙戟韓翃便似觀音手裏

時韓偓西上文殊留印迹曹松又如吳生畫鬼神蘇漢天池雷雨

變送巡陸希聲應同羅漢無名欲苑輝相分劉十八身張籍千

魑魅兮萬魑魅李放燄光高二丈李萬方秋地翻作

泥戴叔倫舞風斜去散醯醢吳融冷眼靜看真好笑徐夔纔聞此

戲身先到趙博蕃而將軍著鼠裘馬戴臂鷹健李懸懸帽盧死

龐眉老仙同佛力盧綸翠帽珠衫好粧飾盧綸聚立連連加弟

兄霍狀若歸尊趨有德蕭雲暗青天日下山雍陶歌終舞罷

歡無極吳少微毳帳望誰為主人殷文圭坐中有老沙場客張喬

金鎗亂點野駝酥岑參競引還家問都邑王維酒酣笑語秋風

裏姚鵠猶指去程千萬里韋莊澗中有國傾神功竇昔日住人

今住鬼陳陶山鬼揚威正氣愁溫庭梵經初向竺僧求司空曙

感得此神天上下皎然漫驅神鬼海東頭羅隱聽此迎神送神

曲李嘉祐華筵圖上應初錄柳宗元至今閭里逢災沴王盡室

惟求多降福羅焚香奠醑邀百祥李朝野歡娛樂未央司馬

一七二惠云 卷一 藝文四

逸容惟願 聖君無限壽 張雷動山呼萬歲長 和疑

口北三廳志卷十五終

口北三廳志卷十六

雜志

經有緯史有裨方志亦然義例貴在精服而掇拾蒼萃亦所不廢或異聞僻事知之者不必傳傳之者未必信以及炙輶之談捫籥之說率而綴之亦掌故之所由備也况塞北地處荒漠紀載闕略見聞之及與過而棄之寧過而存之爰取採錄所遺與夫流傳疑似條附無所者列之爲雜志



建武十二年正月己未小星流百枚以上或西北或正  
北或東北二夜止六月戊戌晨小星流百枚以上四  
面行小星者庶民之類流行者移徙之象或西北或  
東北或西面行皆小民流移之徵是時北征盧芳匈奴  
奴焉芳侵邊後徙吏民置常山關居庸關以東

後漢書天

志文

漢制護匈奴中郎將烏桓校尉銀印珪紐青綬朝冠武

冠獸頭釐

隋書禮儀志

鄧訓遷烏桓校尉故吏最貧乏者念訓常所服藥北州

少之又知訓好青泥封書從黎陽步推鹿車至洛陽

市藥還過趙國易陽并載青泥一襪至上谷遣訓其

得人心如是

東觀漢記

烏桓自為冒頓所破衆遂孤弱常臣伏匈奴及武帝遣

驃騎將軍霍去病擊破匈奴左地因徙烏桓於上谷

漁陽右北平遼東五郡塞外為漢偵察匈奴動靜其

大人歲一朝見於是始置護烏桓校尉秩二千石擁

節監臨之使不得與匈奴交通

後漢書  
烏桓傳

烏桓豪人扶漵官勇健每與鮮卑戰輒陷敵詔賜號率

衆君

後漢書  
鮮卑傳

桓帝時鮮卑檀石槐者其父投鹿侯初從匈奴軍三年  
其妻在家生子投鹿侯歸怪欲殺之妻言嘗晝行聞  
雷震仰天視而雹入其口因吞之遂妊身十月而產  
此子必有奇異且宜長視投鹿侯不聽遂棄之妻私  
語家令收養焉名檀石槐年十四五勇健有智略異  
部大人抄取其外家牛羊檀石槐單騎追擊之所向  
無前悉還得所亡者由是部落畏服遂推以爲大人

檀石槐乃立庭於彈汗山，自餘水上，去高柳北三百餘里，兵馬甚盛，東西部大人皆歸焉。因南抄緣邊，北拒丁零，東却夫餘，西擊烏孫，盡據匈奴故地，東西萬

四千餘里，網羅山川水澤鹽池。

後漢書鮮卑傳

廣陽閭柔少沒烏桓，鮮卑中爲其種所歸。信柔乃因鮮卑衆殺烏桓校尉邢舉，代之。袁紹因寵慰以安北邊。後袁尙敗奔，蹋頓憑其勢復圖冀州。會太祖平河北，柔帥鮮卑烏桓歸附，遂因以柔爲校尉，猶持漢使節。

治廣寧如舊。

三國志烏桓傳

晉武帝太康九年，幽州塞北有死牛頭，語近牛羴也。

晉書

五行志

自神元以來與晉和好是歲穆帝始出并州遷雜部落

徙雲中五原朔方又西渡河擊匈奴烏桓諸部自杏

城以北八十里迄長城原夾道立碣與晉分界魏書桓帝

紀○通典注杏城在中部以西

魏太武皇帝神麿二年夏五月北伐次于沙漠至粟水

蠕蠕震怖焚廬舍絕迹西走冬十月振旅凱旋于京

師列置新人於漠南東至濡源西暨五原陰山竟二

千里北史魏世祖紀

魏世宗正始二年二月癸卯有黑風羊角而上起于柔

元鎮蓋地一項所過拔樹甲辰至於營州東入於海

魏書靈  
徵志

高車蓋古赤部之種也初因以爲號歷北方以爲敕勒  
諸夏以爲高車丁零焉其語略與匈奴同而亦有小  
異其遷徙隨水草衣皮食肉牛羊畜產盡同蠕蠕唯  
車輪高大輻數至多部落強大常與蠕蠕敵亦每侵  
盜後魏太武帝征蠕蠕還至漠南遣騎襲破高車東  
部降數十萬皆徙至漠南千里之地後又相率北叛

通  
典

奚本名庫莫

東部落之種也爲慕容部所破遺落者

竄匿松漠之間初臣於突厥後稍強盛分爲五部一

曰辱紇主二曰莫賀弗三曰契箇四曰木昆五曰室

得每部俟斤一人爲其帥隨逐水草頗同突厥有阿

會氏五部中爲盛諸部皆歸之

隋書北狄傳○通典庫莫奚其先東部鮮

卑宇文之別種後稍強盛分爲五部理饒樂水卽鮮卑故地原注饒樂水一名如洛環水蓋饒樂之訛也

部落並在今柳城郡東北二千餘里

契丹之先與庫莫奚異種而同類並爲慕容氏所破俱

竄于松漠之間後魏初大破之遂逃逆與庫莫奚分

背經數十年稍滋蔓有部落于和龍之北數百里其

後爲突厥所逼隋開皇末有別部四千餘家背突厥

來降部落漸衆遂北逐水草當遼西正北二百里依  
回紇臨水而居東西亘五百里南北三百里亦鮮卑  
故地分爲十部多者三千少者千餘隨水草畜牧唐  
貞觀二十二年契丹帥窟哥率其部內屬以契丹部  
爲松漠都督府拜窟哥爲持節十州諸軍事松漠都

督

通典

突厥可汗什鉢苾者

始畢之嫡子

頡利之姪也隋大業中突

利年數歲始畢遣領其東牙之兵號爲泥步設頡利  
嗣位以爲突利可汗牙直幽州之北管奚霫等數十

部

通典



茵茵塞外雜類也晉世什翼珪入塞內後茵茵逐水草  
盡有匈奴故庭威服西域土氣早寒所居為穹廬瓊  
帳刻木為記不識文書馬畜丁肥種眾殷盛常與魏

為讐敵 齊書茵茵傳。按茵茵即魏之蠕蠕

遼本炎帝之裔曰葛烏菟者世雄朔陞後為冒頓所襲

保鮮卑山以居號鮮卑氏既而慕容燕破之析其部

曰宇文曰庫莫奚曰契丹契丹之名助見於此隋唐

之際契丹之君號大賀氏武后遣將擊敗其眾大賀

氏微部長過折代之過折尋滅迭剌部長涅里立廸

鞏紇里為阻午可汗更號遙鞏氏唐賜國姓曰李懷

秀旣而懷秀叛唐更封楷落爲王而涅里之後曰耨

思里者左右懷秀楷落至于屈成幾百年國勢復振

至耨思里之孫曰阿保機功業勃興號世里氏是爲

遼太祖於是世里氏與大賀遼韃號三耶律

遼史世表

遼制居有官衙謂之幹魯朶出有行營謂之捺鉢分鎮

邊圉謂之部族

遼史營衛志序

遼國盡有大漠浸包長城之境因宜爲治秋冬違寒春

夏避暑隨水草就畋漁歲以爲常四時各有行在之

所謂之捺鉢

遼史志行營序○春捺鉢曰鴨子河樂夏捺鉢無常所多在吐兒山秋捺鉢曰

伏虎林冬捺鉢

日廣平淀同上

遼之先世未有城郭溝池宮室之固瓊車為營硬寨為

宮御帳之官不得不謹

百官志○營衛志皇帝牙帳以槍為硬寨用毛繩連繫每

槍下黑瓊傘一以比衛士風雪槍外小瓊帳一層每帳五人各執兵仗為禁圍南有省方殿殿北約二百里曰壽寧殿皆木柱竹椽以瓊為蓋彩繪楹柱錦為壁衣加緋繡額又以黃布繡龍為地障窓榻皆以瓊為之傳以黃油絹基高尺餘兩廂廊廡亦以瓊蓋無門戶省方殿北有鹿皮帳帳次北有八方公用殿壽寧殿北有長春帳衛以硬寨宮用契丹兵四千人每日輪番千人祗直禁圍外卓槍為寨夜則拔槍移卓御寢帳周圍拒馬外設鋪傳鈴宿衛

契丹之先曰奇首可汗生八子其後族屬漸盛分為八

部居松漠之間

古八部曰悉萬丹部何大何部伏弗郁部羽陵部曰連部匹黎部黎部吐

六千部

隋開皇四年契丹別部寄處高麗者日出伏等

率衆內附詔置獨奚那頡之北又別部臣附突厥者

四千餘戶來附詔給糧遣還固辭不去部落漸衆徙

逐水草依紇臣水而居在遼西正北二百里分爲十

部逸其名唐大賀氏八部達稽部峭落州紇便部彈汗州獨活部無逢州芬間

部羽陵州突便部日連州芮奚部徒河州墜斤部萬丹州伏部州二匹黎赤山唐太宗置元

州以契丹大帥據曲爲刺史又置松漠都督府以窟

哥爲都督分八部并元州爲十州則十部在其中矣

遙輦氏八部且利皆部入室活部實活部納尾部頻沒部納會雞部集解部奚吐部唐

當開元天寶間大賀氏旣微遼始祖涅里立廸輦祖

里爲阻午可汗時契丹因萬榮之敗部落凋散卽故

有族衆分爲八部涅里所統迭刺部自爲別部不與

其列并遙輦迭刺亦十部也遙輦阻午可汗二十部

耶律七部審密五部八部涅里相阻午分三耶律大賀遙輦世里爲七二

審密乙室已爲五并前八部爲二十部其分部皆未

詳可知者曰迭刺曰乙室曰品曰楮特曰烏隗曰突

品不曰捏刺曰突舉又有右大部左大部凡十逸其

二大賀遙輦析爲六而世里合爲一云遼史部族志

西北二庭有西海白海青海蒲類海蒲昌海居延海白

亭海鮮水海皆竝海立稱然要其實致則衆水鍾爲

大澤如洞庭彭蠡之類故借海以名之非真海也李

吉甫辨白亭海而曰河北得水便名爲河塞外有水

便名爲海其說確也

北邊備對

漢趙信既降匈奴與之謀畫令遠度幙北以要疲漢軍

幕者漠也言沙磧廣莫望之漠漠然也漢以後史家

變稱爲磧磧者沙積也其義一也

同上

韃靼之俗每以草青爲一歲人有問其歲則曰幾草矣

亦嘗問彼月日笑而答曰初不知之亦不能記其春

與秋也每見月圓爲一月見草青遲遲方知是年有

閏月也

蒙韃備錄

道宗初年西北雨穀三十里

遼史食貨志

春飛放杏塢皇帝射獲頭鶯薦廟燕飲樂工數十人執

小樂器侑酒

遼史樂志

金太祖天輔七年四月上次落黎灤幹魯等以林牙大

石來獻并上所獲傳國璽

金史本紀

世宗元光元年正月遣戶部郎中楊大有等詣京西南

三路開水田

食貨志

章宗大定二十九年置節鎮學增養士之數奉聖州十

五人撫桓皆十人

選舉志

凡府試策論進士西京及西南西北二招討司者則赴

大同府試凡詞賦經義進士及律科經童府試之處

皆各於其境

金史選  
舉志

楊伯雄字希雲葉城人皇統二年進士以太子詹事兼  
諫議大夫大定六年世宗將幸西京欲因涼陘避暑  
伯雄率衆諫官入諫上曰朕徐思之伯雄言之不已  
是年至涼陘徼巡果有疎虞上思伯雄之言還遷禮  
部尙書謂近臣曰羣臣有幹局者衆矣如伯雄忠實  
皆莫及也

金史  
本傳

金之初年諸部之民無它徭役壯者皆兵其部長曰孛  
董行兵則稱曰猛安謀克從其多寡以爲號猛安者  
千夫長也謀克者百夫長也謀克之副曰蒲里衍士



卒之副從曰阿里喜部卒之數初無定制至太祖卽位之二年始命以三百戶爲謀克謀克十爲猛安金史

兵志

西北西南二路之乂軍十日蘇謨典乂曰取刺都乂曰骨典乂唐古乂霞馬乂木典乂萌骨乂咩乂狐都乂

凡九同上

金初因遼諸抹而置郡牧抹之爲言無蚊蚋美水草之

地天德間置廸河幹朶幹里保保亦作本蒲速幹燕恩兀

者五羣牧所皆仍遼舊名各設官以治之世宗置所

七日忒滿忒滿在撫州幹靛只蒲速梳蒲速梳本幹靛只之地大定七

年分製承安三年改爲振底因烏魯古甌里本承安三年改爲烏鮮鳥魯古烏魯古者言滋息

也合魯椀耶魯椀大定二十年更定羣牧官詳穩脫

朶知把羣牧人滋息耗損賞罰格二十一年敕諸所

馬三歲者付女直人牧之牛或以借民耕或又令民

畜羊或以販貧戶時遣使闕實其數缺則杖其官而

令牧人償之匿其實者監察舉覺之金史兵志

上都北極出地四十三度少元史天文志

初帝與汪罕合軍攻乃蠻約明日戰札木合言於汪罕

曰我於君是白翎雀他人是鴻雁耳白翎雀寒暑常

在北方鴻雁遇寒則南飛就暖耳意謂帝心不可保

也汪罕問之疑遂部衆於別所元史太祖本紀

至元十三年正月伯顏丞相入統二月起宋三宮赴上

都五月見世祖皇帝尋命幼主為檢校大司徒封瀛

國公十二日內人安康朱夫人安定陳夫人二侍兒

失其姓浴罷肅襟閉門焚香於地並雉經死衣中有

清江紙書云不免辱國幸免辱身不辱父母免辱六

親藝祖受命立國以仁中興南渡踰三百春躬受宋

祿羞為北臣大難既至守於一貞焚香設誓代書諸

紳忠臣義士期以自新丙子五月吉日泣血書王逢語溪

集詩注逢有感宋遺事詩云五月無花草滿原天回

南極夜當門籠香一篆魂同返猶藉君王舊賜恩

每歲駕幸上都以八月二十四日祭祀謂之灑馬奶子  
用馬一羯羊八縑緞練絹各九匹以白羊毛纏若穗  
者九貂鼠皮三命蒙古巫覡及蒙古漢人秀才達官  
四員領其事再拜告天又呼太祖成吉思御名而祝  
之日托天皇帝福蔭年年祭賽者祭畢掌禮官四員  
各以祭幣表裏一與之餘幣及祭物則凡與祭者共  
分之

元史祭祀志  
國俗舊禮

四怯薛太祖功臣四傑命其世領怯薛之長怯薛者猶  
言番直宿衛也其怯薛執事之名則主弓矢鷹隼之  
事者曰火兒赤昔寶赤怯憐赤書寫聖旨者曰扎里

赤爲天子主文史者曰必闈赤親烹飪以奉上飲食者曰博爾赤侍上帶刀及弓矢者曰云都赤闈端赤司闈者曰八刺哈赤掌酒者曰荅刺赤典車馬者曰兀刺赤莫倫赤掌內府尙供衣服者曰速古兒赤牧駱駝者曰帖麥赤牧羊者曰火你赤捕盜者曰忽刺罕赤奏樂者曰虎兒赤又名忠勇之士曰霸都魯勇敢無敵之士曰拔突其名類蓋不一然皆天子左右服勞侍從執事之人其分番更直亦如四怯薛之制而領於怯薛之長

元史宿衛志

車駕行幸上都太僕卿以下皆從先驅馬出健德門外

取其肥可取乳者以行汰其羸瘦不堪者還于羣自  
天子以及諸王百官各以脫羅羶置撒帳爲取乳室  
車駕還京師太僕卿先期遣使徵馬五十醞都來京  
師醞都者承乳車之名也既至俾哈赤哈刺赤牧人  
之在朝爲卿大夫者親秣飼之日釀黑馬乳以奉玉  
食謂之細乳每醞都牝馬四十每牝馬一官給芻一  
束菽八升駒一給芻一束菽五升自諸王百官而下  
亦有馬乳之供醞都如前之數而馬減四之一謂之

粗乳元史兵志馬政

世祖至元二十八年發虎賁親軍三千人凡立三十四

屯於上都置都指揮使司爲軍三千人佃戶七十九

爲田四千二百二頃七十九畝

元史兵志屯田

初宏吉刺氏族居於苦烈兒溫都兒斤迭烈木兒也里古納河之地歲甲戌太祖在迭蔑可兒時有旨分賜

按陳及其弟火忽冊等農土

農土猶言經界也

若曰是苦烈

兒溫都兒斤以與按陳及哈撒兒爲農土申諭按陳

曰可木兒溫都兒答兒騰兒迭蔑可兒等地汝則居

之諭冊曰阿刺忽馬乞迤東蒜吉納禿山木兒速拓

哈海斡連直至阿只兒哈溫都哈老哥魯等地汝則

居之當以葫蘆忽兒河北爲際按赤白爲界又諭火

忽曰哈老溫是夏塗河與河之間火兒赤納慶州之地與亦乞列思爲隣汝則居之又諭按陳之子唆魯火都曰以汝父子能輸忠於國可木兒溫都兒迤東絡馬河至于赤山塗河迤南與國民爲隣汝則居之至至元七年斡羅陳萬戶及其妃囊加真公主請於朝曰本藩所受農土在上都東北三百里答兒海子避夏之地可建城邑以居帝從之遂名其城爲應昌府二十二年改爲應昌路元貞元年濟寧王蠻子台亦尙囊加真公主復與公主請於帝以應昌路東七百里駐冬之地翔建城邑復從之大德元年名其城



為全寧路

元史特薛禪傳

一槩直脂魯華蒙古克烈氏人太祖命將萬人為木華黎

前鋒下金桓州得其監馬幾百萬匹分屬諸軍軍勢

大振

元史本傳

鐵哥姓德乃氏迦葉彌兒人至元二十二年桓州饑民

鬻子女以為食大司農鐵哥奏以官帑贖之

元史本傳

洪君祥高麗人至元二十八年為集賢大學士同僉樞

密院事議者欲自東南海口幸經濟河合灤河運糧

至上都奉旨與右丞相其利審還極言不便罷

之

元史本傳

劉正字清卿涪州人至元十四年分省上都會諸王昔  
里吉叛正至居庸關守者告前有警急使姑退正曰  
職當進而弗往後至者益怯矣疾馳出關至上都元史

本傳

虞集泰定初遷秘書少監天子幸上都以講臣多高年  
命集與集賢侍讀學士王結執經以從自是歲嘗在  
行一時大典冊皆出其手元史本傳

李木曾字子翬從幸上都嘗奉敕撰碑文稱曰文宗  
曰侯朕還大都當還汝潤筆資也還遷集賢直學士

兼國子祭酒

元史本傳

世祖中統四年置惠民藥局于上都每中統鈔一百兩  
收息錢一兩五錢至元二十五年以陷失官本罷革

之

元史食貨志

上都稅課提舉司歲額一萬五百二十五錠五兩與和  
路商稅歲額七百七十錠一十一兩七錢上都留守  
司歲額一千九百三十四錠五兩上都食羊等課上

都路計鈔三百錠與和路三百錠

食貨志

元世西僧怙勢恣睢氣燄熏灼延於四方爲害不可勝  
言至大二年上都開元寺西僧強市民薪民訴於留  
守李璧璧方詢問其由僧已率其黨持白梃突入公

府隴麥引壁髮捽諸地捶扑交下捩之以歸閉諸空  
室久乃得脫遇赦以免二年又有僧龔柯等十八人  
與諸王合兒八刺妃爭道拉妃墮車毆之事聞詔釋  
不問

元史釋  
老傳

世祖至元十四年八月車駕駐隆興北田忠良奏曰昔  
里吉之叛以安童之食不及彼也今宿衛之士日食  
一瓜豈能充饑竊有怨言矣帝怒咎主膳二人俾均

其食

元史方  
技傳

明初逐元漠北卽元上都設開平衛守之置八驛東接  
大寧西接獨石邊境無事後以大寧界鹵興和亦廢

開平孤立難守宣德中乃移衛於獨石

明會典

元君既遁復留兵開平猶有覬覦之意太祖遣使馳書

明示禍福因答詩曰金陵使者渡江來漠漠風烟一

道開王氣有時還自息皇恩何處不昭回信知海內

歸明主亦喜江南有俊才歸去誠心煩為說春風先

到鳳皇臺

剪勝野聞

永樂元年正月辛亥以萬全左右宣府前懷安開平開

平中等衛與和守禦千戶所俱隸北京留守行後軍

都督府

成祖實錄

永樂八年上親征漠北駐蹕興和駐馬於營前召幼孜

等謂曰汝觀地勢遠見似高阜至卽又卑此卽陰山

脊故寒過此又暖

北征前錄

發鳴鑾戍行數里平山漸盡東北有山頗高出諸山上

曰此卽大伯顏山西北有山甚長隱隱如雲霧間如

海波層疊上曰此卽小伯顏山望之若高少焉至其

下則又卑矣由是地始平曠

同上

闊灤海子有山如長堤以限水海子甚闊望之者無畔

岸遙望水高如山白浪隱隱自高而下天下之物莫

不於水嘗經江湖間望水無不平者獨此水遠見如

山之高近處若極下此理極不可曉

同上

七月次開平營於幹耳朶華言所謂宮殿也蓋元時宮殿故址猶存荒臺斷礎零落於荒烟野草之間可爲一慨初七日經元西涼亭故址四面石牆東廢殿基樹木已成抱殿前有栢兩行仍在俱蕭條寂寞不能

無感也

同上

五雲關卽哈刺罕凌霄峰卽兀出于伯顏龍沙甸卽阿蘭腦兒雙泉海卽撒里怯兒元太祖發跡之所舊嘗建宮殿郊壇每歲於此度夏山川環繞中闊數十里前有二海一鹹一淡西南十里有泉水海子一處西北山有三關口通飲馬河土剌河北人常出人處也

北征  
後錄

皇甫仲和睢州人精天文推步之學文皇北征仲和以  
占從一日師至漠北不見寇上意疑欲還召仲和占  
之曰今日未申開寇至自東南方問勝負何如曰王  
師始却終必勝召袁忠徹問之皆如仲和言上怒械  
之曰今日寇不至二人皆死日中不至復召二人占  
對如初頃之寇大至直前以神鎗衝之寇按兵不動  
頃之寇衆齊發上登高望之召總兵譚廣曰東南不  
可却乎廣率精兵舞牌斫其馬足寇稍却已而疾風  
揚沙不可相見寇引去詔欲乘夜還二人曰不可明



日寇必來降從容而去明日果詣軍門納款乃還

守溪

筆記

宣德九年正月大同總兵官武安侯鄭亨等奏近聞北  
寇百餘人攜家口至官山近地牧放就食馬困力窮  
衆心不一請出兵掩捕不然請給榜招之上曰彼不  
寇而加以兵不仁惟當撫諭招懷之耳

宣宗實錄

楊榮字勉仁永樂八年從出塞度野狐嶺召榮及胡廣等指示山川聚落語良久奉制馬上賦詩榮詩有寇自相殘語已而謀言本雅失里與共下阿魯台相攻皆竄走帝謂榮曰卿詩驗矣復賜之牢醴

明史稟楊榮傳

北部自脫古思帖木兒後部帥紛拏五傳至坤帖木兒咸被弑不復知帝號有鬼力赤者篡立稱可汗去國號遂稱韃靼云久之其知院阿魯台殺鬼力赤而迎元之後本雅失里於別失八里立爲可汗

明史韃靼傳

永樂十年本雅失里爲瓦剌馬哈木等所殺阿魯台奏  
願輸誠內附請爲故主復仇天子義之封爲和寧王  
自是歲或一貢或再貢以爲常十九年阿魯台貢使  
至邊要刼行旅帝諭使戒戢之由是驕蹇不至二十  
年春大入興和于是詔親征之阿魯台懼遂以其孥  
直北徙仁宗初立阿魯台使來貢馬詔納之自是歲  
修職貢如永樂時時阿魯台數敗於瓦剌部曲離散  
勢日益蹙乃率其屬東走兀良哈駐牧遼塞宣德九  
年阿魯台復爲脫脫不花所襲妻子死孳畜略盡獨  
與其子失捏子等徙居毋納山察罕腦兒等處未幾

瓦剌脫懽襲殺阿魯台及失捏干于是阿魯台子阿

卜只俺等喪敗無依來乞內附

同上

脫脫不花者故元後鞬鞞長也瓦剌脫懽既擊殺阿魯

台悉收其部兼并賢義安樂二王之衆欲自立爲可

汗衆不可乃立脫脫不花以阿魯台衆屬之自爲丞

相陽推奉之實不承其號令脫懽死子也先嗣益桀

驕自雄諸部皆下之脫脫不花具可汗名而已

鞬鞞傳

正統十四年秋也先謀大舉入寇脫脫不花止之也先

不聽遂自擁衆從大同入帝親征之駕於土木陷焉

明年秋上皇歸脫脫不花修貢益勤也先疑其與中

國通將害已遂泊兵相攻殺脫脫不花而自立爲可  
汗未幾爲所部阿刺知院所殺韃靼部長孛來復攻  
破阿刺求脫脫不花子麻兒可兒立之號小王子阿  
刺死而孛來與其屬毛里孩等皆雄視部中于是韃  
靼復熾麻兒可兒死衆共立馬古可兒吉思亦號小  
王子自是韃靼部長益各專擅小王子稀通中國傳  
世次多莫可考

明史韃靼傳

正統十四年秋八月駕至土木師潰敵擁上以去過九  
十九海子又行經蘇武廟李陵碑至黑松林入也先

營  
否泰錄

景泰元年夏六月戊戌瓦剌知院叅政完者脫懽五人  
齋番文表至請和命禮部侍郎李實爲正使少卿羅  
綺爲副使使瓦剌七月初七日出獨石過瑣帽山初  
八日宿興和衛東河邊初九日宿昂昆岡兒卽海子  
初十日宿失刺失薄秃卽也先邊塞十一日至也先  
營十二日朝見上皇上曰比先我出來非爲遊獵私  
已之事乃爲天下生靈躬率六軍征討迤北不意被  
留在此實因王振陳友馬清馬雲所陷也先欲送回  
又被喜寧阻住今你每回去上覆當今皇帝并內外  
文武羣臣差來迎我願看守祖宗陵寢或做百姓也

好若不來接取也先人馬擾邊不休我身不惜祖宗  
社稷天下生靈爲重十三日也先備酒相待謂實等  
曰太上皇帝留在這裏是一箇閒人我還你每千載  
之後只圖一箇好名兒你回去奏知務差大人來接  
我便差人送去如今送去便輕易了你每皇帝了十  
四日拜辭上皇起行宿荒野十五日宿失刺失薄禿  
十六日過尋麻嶺十七日從西陽河口入關奉使錄

成化二年韃靼諸部內爭孛來弒馬古可兒吉思毛里  
孩殺孛來更立他可汗斡羅出者復與毛里孩相仇  
殺毛里孩遂殺其所立可汗逐斡羅出而遣使入貢

而別部長孛魯乃亦遣人來朝六年孛魯乃與斡羅  
出合別部亂加思蘭孛羅忽亦入據河套已而毛里  
孩孛魯乃斡羅出稍衰滿都魯入河套稱可汗亂加  
思蘭爲太師初亂加思蘭以女妻滿都魯立爲可汗  
久之殺孛羅忽并其衆益專恣滿都魯部脫羅干亦  
思馬因謀殺之尋滿都魯亦死諸酋相繼略盡韃靼傳  
成化末亦思馬因死入寇者復稱小王子又有伯顏猛  
可王宏治中小王子自稱大元大可汗與脫羅干之  
子火篩相倚日強爲東西諸邊患同上





永樂元年韃靼知院阿魯台瓦剌馬哈木俱遣人入貢  
七年封馬哈木順寧王太平賢義王把禿孛羅安樂  
王通貢不絕十一年阿魯台乞降封和寧王尋各叛  
去二十年阿魯台弑其可汗本雅失里而自立馬哈  
木攻被之遂立元裔脫脫不花爲可汗居漠北宣德  
元年瓦剌太平子捏烈忽嗣賢義王馬哈木子脫懽  
嗣順寧王九年脫懽擊敗阿魯台走死遣人朝貢且  
告捷正統六年脫脫不花及其太師也先貢馬也先

者脫懽子也景泰三年也先攻殺脫脫不花自立爲  
可汗遣使貢馬書稱大元田盛大可汗朝廷亦稱瓦  
剌可汗以報之天順初也先爲哈刺所逐死孛來殺  
哈刺立小王子爲可汗孛來癘王子復弒小王子立  
脫思脫思者小王子從兄也乃孛來衰而大酋毛里  
孩阿羅出孛羅忽入河套相持成化初滿都魯稱可  
汗乂加思蘭爲太師與孛羅忽更入爲寇十二年滿  
都魯亦衰而後把禿猛可王太師亦思馬因知院脫  
羅干屢遣使入貢宏治初把禿猛可死弟伯顏猛可  
立與火篩相攻小王子益衰自天順成化以來更立

數王皆稱小王子正德中瓦剌西徙與土魯番相仇  
殺小王子復強小王子三子長阿爾倫其後爲土蠻  
汗次阿著次滿官曠阿爾倫爲太師亦不刺所弑二  
子卜赤也明皆幼阿著稱小王子未幾死衆立卜赤  
稱亦克汗而亦不刺部從吉囊居套火篩部從俺答  
居漠老把都住牧宣府塞外與吉囊子吉能東西出  
沒並聽俺答調度吉囊俺答老把都皆阿著子而俺  
答最强嘉靖間犯邊無寧歲遂絕其貢至隆慶中復

欵貢封順義王

明會典



崇古因使使與俱說俺答俺答聞那吉

使使來定約稱臣貢方物開市崇古

全等旋皆伏法全未至時已詔那吉歸俺答

上禮孫嗚咽相誓告使使入謝申請貢市崇古

崇古奏是請於上報可五年三月封俺答為順遠王

賜蟒衣絲緞昆都力哈及黃台吉

督同知餘指揮千百戶有差俺答率所部受詔甚恭

隨遣使貢馬謝九月報市成歲以為常萬曆九年

崇古奏是請於上報可五年三月封俺答為順遠王

即與克都隆官  
俺答長子

漢王封丞其妾母三娘子為妻萬曆  
 三十二年合吉故子播力克襲王封亦收三娘子為  
 妻詔封中顧夫人以其經事三王約束諸部奉  
 護黃也萬曆三十二年播力克故其長子晃兔合吉  
 亦已先死孫卜石兔應嗣而三娘子所生不他失禮  
 故其異母兄子把漢那吉妻大成比妓生子素妻  
 從其多容藉其祖母併有拔升之眾極稱富強  
 卜石兔謾言于忠順曰王事始吾母大成比  
 中國中國以我父母故乃授我祖王封祖故應  
 襲王那吉故應我父不他失禮襲王我父故





五十五為六父行糾集七十三部落聚豐州難與...  
...忠順至五月卜石兔乘此得畢婚事...  
...外更拔加賞始受封故自五月至八月不言...  
...九月始使敢拾把都兒計虎等請改印請加賞...  
...宗濬拒之會忠順病故素囊盡...  
...王宗濬論之曰俺答有約世世...  
...石兔倫序當立三枝十一部莫不...  
...皆欲聲罪致討矣且抗天...  
...其安歸素囊心折於是合詞...  
...五月卜石兔始受封如故事并封素囊...  
...

隆慶四年欵市既定每年一貢以二月爲期貢由小王  
子故道馬不過五百匹內選上馬三十匹督撫代進  
餘留邊給軍其使不過一百五十名俱留宣府大同  
應得賞賜差官齎發軍門頒給諸酋貢者六枝一老  
把都後爲青把都台吉等一黃台吉今爲擗力克等  
一永邵卜大成台吉等一兀慎打兒漢台吉等二合

羅氣把都兒台吉等一吉能後爲把都兒黃台吉等  
今爲卜失兔阿不害等皆統于順義王俺答開市凡  
十一處在大同者三日得勝口日新平日守口在宣  
府者一日張家口在山西者一日水泉營在延綏者  
一日紅山寺堡在寧夏者三日清水營日中衛日平  
魯衛在甘肅者二日洪水扁都口日高溝寨歲以爲

常市各二日每月又有小市

明會典

貢市初起無制度宣府巡撫吳兌始定番部貢儀及通  
使之禮我使用白衣至北庭隆重北使入遇叅遊于  
途避馬下立言事則跪置驛館以五銳士夾一使如

扁鑊焉每市阻酋長墻外接部犒給所市馬良者予  
直七兩遞減至三兩而止番部或潛盜所鬻馬以去  
兌使挾梏伺擊之曰孰令汝爲市而盜乎哈不慎盜  
馬擒三人哈獻馬請釋不與哈奪之去兌閉關停市  
告諸部命發兵討之諸部懼共追還所奪以哈馬九  
九謝死罪乃舍之打喇名安執關民要貨兌聲罪諸  
酋共收其畜千獻之表聞詔以賜諸部諸部愧服兌  
傳

虎墩兔者元裔也居察漢兒地亦曰察漢兒王子其祖  
打來孫始駐牧宣府塞外四傳至虎墩兔益盛

明史  
鞑靼

沙漠曠蕩馬力未窮惟近塞則多山川林木及荒城廢  
寺如沿河十八村者其墟落尙歷歷可數極北則黃  
沙白草彌望無垠小王子所居地名可可的里速循  
華言大沙窪也西南曰青山曰照壁山曰草垛山曰  
樺皮嶺曰威寧海子曰東西二海子曰野馬川曰羊  
圈堡曰樺林溝曰杏園曰松林蕃部常往來駐牧於  
此俱與宣府西路西陽河渡口堡柴溝堡洗馬林新  
河口新開口膳房堡張家口諸邊相望曰東西二河  
山曰紅崖兒曰明嵯兒曰柳橋兒曰蓋里坡曰

嗟曰靜邊城曰太子城曰禮拜寺曰孤榆樹俱與宣  
府中路羊房堡青邊口常峪口葛峪堡大小白陽諸  
邊相望大沙窰之南與宣府北路龍門赤城雲州馬  
營獨石龍門所滴水崖宣府東路四海冶諸邊相望  
然重巒疊嶂蒼松古栢環繞於外者不知數百千里  
爲花當別部棲息於此焉

譯  
語

花當部落駐牧宣府東路塞外東邇密雲諸邊其酋首  
名革蘭台者近襲都督每以藩離自負其北曰兀良  
哈甚驍勇蕃部呼爲黃毛亦謂之花當又西北一部  
落亦曰兀良哈性質略同但戴紅帽爲號好畜駝馬

小王子輩利其所有歲侵奪之卒兼并其衆又有哈刺慎莽觀鎮兵各二三萬常在宣府邊外駐牧云是

分地也

詳語

北地凡牝馬通淫而不孕謂之飄沙

菽園雜記

察哈爾國元之媼派也世雄長西北諸部傳至靈丹可汗在位久忽欲往西域皈佛教其台吉那顏等苦諫不聽國中無主

太宗皇帝因發兵追降之其尙璽內侍以傳國璽倉卒坎地而羸之兵旣退有童豎牧羊其地一羊屢至坎所蹄之不已驅之復來牧覺有異試發土則璽見焉聞

於官遂進上時天聰某年也今藏御府子按何文  
肅齋新椒邱集有傳國璽志一篇敘述甚詳五代後  
唐從珂時秦璽燬石敬瑭入洛更以玉爲之重貴獻  
之遼興宗試進士遂以有傳國璽者爲正統命題金  
滅遼延禧遺傳國璽于桑乾河元世祖時有扎刺爾  
氏者漁於桑乾河之濱得之夜有光監察御史楊桓  
辨其文以爲歷代傳國璽上之至正末中山大兵至  
燕順帝攜之北遁沙漠其本末如此以文肅之言考  
之自五代之亂璽歸於遼遼歸於金金歸於元在察  
哈爾國者又二百年而歸於本朝詎偶然哉

居易錄



故戶部侍郎蔡弼漢公常使漠北天色已晚欲投宿處  
而絕無人居倉皇間見大營柵人馬喧闐因就之有  
如大將者三人坐帳中其下甲士數十輩跪進酥酪  
方欲前顧視其人皆無下頰大驚而出上馬急馳回  
視營柵已不見惟燐火無數隨其後追之馳二十餘  
里乃免蓋古戰場云

居易  
錄

吏部員外郎艾某滿洲人自言行開平道中日方午天  
無片雲忽見一物自東而西疾於飛隼長約二三丈  
其首髣髴如畫龍狀其末濳細條于空中則一而兩下  
又有一物從東來追及之二物蜿蜒相糾離合數次

理北運軍糧統積深沉多智略許  
經買不如內地之易又軍前往往不啻萬里日行沙  
漠中蒙古諸部落馴梗不一慮有疎虞因請於察漢  
婁育等處倉廩有支銷存剩者借運籍數以待補運  
又或召買未足則請於直隸山西各州縣存倉米石  
及湖灘河所堆貯米內支給仍依出陳易新例照時  
價交銀司庫和糴以足運數米石出入悉請以部定  
鐵斛一測平量以杜侵欺至於車運駝運凡口袋繩  
索數屨苦蘆需用之物纖悉備具又大兵沿途口糧  
隨地支給有多羅鄂波等處先請部檄飭知蒙古各

該管之甲色暨沿途領兵將弁務令頓貯有所支領  
有方仍飭知甲色凡運道所經各遣人護送出境節  
次交遞所經沙磧山谿並募人徒厚給工值芟夷剷  
治通行無阻軍儲既足大功乃成其經營籌畫益足  
爲後事之法云

北運  
總略